


Umushinku Wa Muntu Uwa Pwililika

 Natotela, Munyina Neville. Shikulu akupale. Cisuma ukubwekela mu tabernacle nakabili muno lucelo. Ne citemwiko “Mwashibukeni,” imwe bonse. Kabili ndecetekela ukutila iyi ili no kuba inshita ikalamba kuli ifwe bonse, mu mu—mu Mulola wakwa Shikulwifwe. Nomba ninkwata isambililo muno lucelo. Ndefwaya ntendeke ili sambililo ili line fye, pantu lili. . . Ndetontokanya lili ilikankala. Kabili lili ilya. . . Kabili ukulenge bumba liba ilya kumfwo ububi, namwishiba, mulingile ukwikala inshita itali, abengi nabeminina. Nalaya fye mukati ke sambililo ili line.

² Kabili nomba, ubushiku, ndefwaya ukulanda pe sambililo ilya *Katungulula Wa Bumi Bwandi*. Kabili ndesubila ukutila abengi abenga cita, na bengi abenga bako, bali no ku sangwako pali ilya nshita mu bushiku ilelo. Nomba, nga na mukwata icalici cenu mwe bene, tuli. . . mucine, tulefwaya imwe mukabe ku—ku calici yenu. Ulya e mulimo wenu ukuba kulya, uko icifulo ca mulimo wenu cabela, ukuleka ulubuuto lweni ukubalika.

³ Nomba, tule twalilila uku subila ukutila, cila nshita ilyo mwabwela, twakulakwatilako incende naimbi inono muno. Lelo tulekwato bwafya na yena, owe, konse fye. Aka kabungwe ka ma trustee mucine na kapituluka muli fyonse. Kabili na batuma ku ncende imo, bali no ku cisuminisha; elyo uku cituma kuli imbi, kabili uku kana cisuminisha. Kabili no ku cibwekeshamo, kabili balacisuminisha kuno *lubali*, kabili no kubwesho. Owe, ifyo yali inshita iyo twakwete! Lelo, namwishiba, Satana lyonse ni kalwisha wa cilya icabe calungama. Ibukisheni fye, mwaba lyonse abalungama pali. . .

⁴ Nacilafwailisha apo ubelele, Anthony. Nacimona wacikumanya ba wiso. Kabili nacilolekesha ukucilinganya, mulya mwi bumba. Acitila wacikala kulya. Tuli abansansa ukuba nobe naba wiso pamo na ifwe, Munyina Milano ukufuma ku New York. Ukusubila, ukuya ku fyalo fya kutali ino nshita, ndi no kukwata ubulendo bumbi, ukufuma mu New York, kunse kulya ku cifulo cimbi, nga Shikulu asuminisha.

⁵ Kabili e ico tuli abansansa nganshi kuli cila umo muli imwe. Cisuma fye—cisuma fye imwe ukuba muno.

⁶ Kabili twalikwata inshita isuma ubushiku mailo, atemwa kwena nalyeseshoko. Nalikwete i. . . [Ulukuta lwatila, “Ameni.”—Ka.] “Kabili Esaya mwi tempile.” Kabili e ico imwe. . .

⁷ Kabili muno lucelo, tulefwaya tulande pe sambililo, atemwa ukusambilisha, ntile, nga kuti twa cita, “Ukukula

Ihema lya mweo; ukukula i—ukukula Ihema lya mweo iya ncende iya kwikalamo Lesa uwa mweo, Umuntu uwapwililika; Ihema lya mweo iya kwa Lesa wa mweo, umo Ekala.” Kabili nga . . .

⁸ Ndeumfwa ukutila na bakwata kumo uku kwimba ukusuma muno. Nshabala umfwapo. Kabili ubushiku, nalaesha ukwisaba kuno. Umukashi wandi nanjeba palwa kwa Munyina Ungren, ndecetekele efyo ishina lyakwe lili, ukufuma mulya mu—mu Tennessee. Nomba, eko ali kuno mailo ubushiku. Nshilemumona muno lucelo, lelo ndesubila ali muno pamo. Kabili kuti natemwa uku mumfwa aleimba lelo ubushiku, nga kuti nacita, lulya, nangula *Ukwika Ukufuma Mu Bukata Bwakwe*, atemwa *Ifyo Mwaba Abakulu*. Kutu natemwa ukumfwa shilya. Nibanga abenga temwa ukumfwa Munyina Ungren? [Ulukuta lwatila, “Ameni.”—Ka.] Owe, na—nalitemwa ukwimba ukusuma. Kabili Meda atile ukutila wene akwata ishiwi ilya bange lya tikama. Kabili cilanjibukisha pali Munyinefwe Baxter; wene ni kemba, nao, nge fyo ifwe bonse twaishiba. Kabili *Ukwisa Ukufuma Mu Bukata Bwakwe*, atemwa *Ifyo Mwaba Abakulu*. Ndecetekela ni mumona nomba, kulya . . . Cilya calaba fye bwino, Munyina Ungren, ubushiku, nga kuti wacita, nga kuti washalila? Bushe walabako, atemwa ukusangwako ukulongana kwa nshita ya bushiku? Cisuma, ine—ine . . . Cisuma, wiesha . . . Ndemweba, nga palwa ici, nga ifwe . . . Nshilefwaya ukulenga umuntu nangu umo ukumfwo bubu. Lelo cinshi kanshi, lyena, nga kuti twacita, muli ilya nshita ya *Ifikakatikilo Cinelubali*, ilyo tukashimikila filya, nga kuti mwaisa. Ndefwaya nkalwambule, mulemona, uku lukwata, *Ifyo Mwaba Abakulu*, kabili, nolu, *Ukwisa Ukufuma Mu Bukata Bwakwe*, muli ilya nshita.

⁹ Owe, bushe tacawama ukubombela Shikulu? [Ulukuta lwatila, “Ameni.”—Ka.] Nshishibe ifyo nali no kucita nga nshali Umwinakristu! . . . ? . . . Cintu fye icisuma sana ukubo Mwinakristu. Ndeumfwa fye ngo ulefwaya ukulatoloka pa mulu na panshi no kulabilikisha, pa mulu we shiwi lyandi. Ukubo Mwinakristu, tontonkanyeni pali cena, uwaikashiwa onse muli Kristu!

¹⁰ Ni njishiba ndalumbula ishina ilya uyu mwaume mukulufyanya cila nshita. Yaba limbi S.T. atemwa T. S., atemwa icintu cimo icapala nga filya. Sumners Munyina Sumner. Wene . . . Ndefwaya ukumutotela no mukashi wakwe umunono umusuma. Ndetontonkanya ukutila aikele nalimo, camoneke kwati, nalimo imyeshi mutanda, pa kutaipa ishi *Nshita Sha Nkuta Cinelubali*. Kabili nomba natukwata kuno, ishataipwa kale, ishateyanishiwa ukupitulukamo, no kubikwa mwi buku, *Inshita Sha Nkuta Cinelubali*. Nkashi Sumner, konse uko belele, mucine ukatuleke ifwe tukakulipile pali cilya. Cilya, cilya casendele umulimo ukalamba. Cinshi, yaba

iyatikama *ifi*. Kuti casenda ine nalimo imyeshi mutanda ku kuipwisha ukubelenga yonse, cicilemo ukuifumya muli tepu, kabili elyo no kuipilibula no kufumyamo ifya kubwekesha, kabili no kulipanga ukuba mwi buku. Tuli no kuliteyanya no kulituma no kulisabankanya ili line, pantu tuletontonkanya e cintu ico bantu balingile ukwikatililako ino ine nshita, kabili kuti mwalisoma. Kabili Billy acilanangisha fye, ilyo nacisa ingila kunuma kulya, ama miniti ayanono aya pitapo, ukutila—ukutila—ukutila lili—lili lya teyanishiwa nomba ukuya mu kupulintwa. E ico nkashi, tabernacle atemwa ulukuta luli no ku kulipila pali cilya. Nshilesubila iwe ukucita cilya apabula nangu cimo. Kabili—kabili atemwa limbi ifwe...Nga twakwate buku kabili tuli no kubikapo mutengo pali lyena, atemwa icintu cimo, tuli no kubika umutengo apo uli no kukwate cintu cimo cilanshita ilyo balishitisha, conse fintu cingaba. Ukalande fye ku kabungwe, akabungwe ka ba trustee, atemwa bamo muli bena kulya, kabili bena bali no ku kusungila. Lesa akupale no busuma bonse.

¹¹ Umunono umukote Munyina na Nkashi Kidd abekele muno, bali nalimo mupepi no mwanda umo, panonoko fye. Kabili na cimukumanya nkashi inshita iya pitapo, kabili wene acisosa, “Cisuma, ino ili no kuba nalimo inshita iya kulekelesha iyo ni ngile uku kumona iwe, Munyina Billy.” Atile, “Ndeya ndekotelako.”

¹² Natile, “Owe, mwe! Nshilefwaya ukumfwa imwe ukusosa cilya. Mwaba fye kwati umunono mayo umukote na tata.” Twali temwa Munyina na Nkashi Kidd. Ifwe, cila umo, tulacita. Kabili cena caba fye. . .

¹³ Cilacita icintu cimo kuli ine ilyo na ba mona bena ukwingila mu lukuta, kabili abaupana abakote abanono nga balya. Kabili tontonkanyeni fye, baeshimikila Imbila nsuma ilyo nshilafyalwa. Kabili ndi umuntu umukote. Ee. Tontonkanyeni fye, baeshimikila ilyo nshilafyalwa. Kabili nomba ndi pano, ndetontonkanya ndeya ndekotelako. Ndi fye mukutontonkanya ndi fye mupepi ukuleka. Ndamona Munyina na Nkashi Kidd baleingila, “Ubukata kuli Lesa! Aleluya!” Ntila, “Iyo, ndeumfwa bwino.” Ee, mukwai. Ku kubamona, ifyo bena benga cita, ifyo bena balenga iwe ukuputwamo nganshi!

¹⁴ Elyo muleluka ukutila, mupepi ne ciimo candi, nakabili, elyo kabili ukutwalilila ukuya mwi bala. Bacisa muno lucelo no kulomba ama buku, nga kuti basenda ama buku no kuya shitisha. Bacilafwaya ama tepu, pakutila kuti baya kunse, no kunonka imyeo pa kulisha aya matepu, pa myaka ya kufyalwa mupepi umwanda umo. Nomba yali kwisa ayenu “amapindo yabili” ayo twalelandapo mailo ubushiku? Ee. Ndatendeka ukutontonkanya palwa, “Yalikwisa ayandi?” ilyo asosele cilya—cilya mailo. Muli ne myaka inga, Nkashi Kidd? [Nkashi

Kidd atila, “Ndi amakumi cine konse konse na umo.”—Ka.] Muli ne myaka inga, Munyina Tom? [Munyina Kidd atila, “Amakumi cine konse konse na ibili.”] Imyaka ya kufyalwa amakumi cine konse konse na umo kabili imyaka ama kumi cine konse konse na umo, kabili bacili balebomfya amapindo yabo, mu mulimo, bacili baleya.

¹⁵ Icili conse icicitika icalubana mu Ohio, ico Nkashi Kidd aishibapo, lamyā ilalila ku ng’anda. Ubushiku bumbi, alitumine lamyā, kabili akanya, kanono akanakashi, ndecetekela efyo cali, kafyelwe, kabili na mala kunse ka kena. [Nkashi Kidd atila, “Icisu.”—Ka.] Icisu, kunse kwakanya. Kabili shing’anga taishibe ica kucitapo pali cena, kabili ali no mwenso ku kubomba umulimo wa kutumbula. Twalipepele. [“Ukutumbulwa, Munyina Branham, no kukabweseshamo, pantu, batile, ‘Tekuti kabe no bumi.’ Kabili babwekeshemo amala yakako.”] Babwekeshemo amala, ukupitila mukutumbulwa, kabili batontonkenye takali no kupusuka. Kabili kalipuswike. [“Tapali nshila.”] Tapali nshila apa kanshi kuli—kuli i...ukufuma kwi bula, ukuti icakulya cinga fuminapo. Kabili Nkashi Kidd ali tumine lamyā nakabili. Twalipele ipepo nakabili, kabili nombā na kwata apakufumina apalinga. Kabili aba abali muno, nge nte; shing’anga, nao. Mwamona? Ni nte ukutila Shikulu Yesu, ni Kalenga umukalamba! Mwamona ifyo Satana aleesha ukucita? Ukuputula ubumi bwa kalya akanya. Elyo kabili, mwamona, elyo ndecetekela na mayo aliipela kuli Shikulu. [“Ali bwelele kuli Shikulu, mulya mwine mu ng’anda yandi.”] Aishile bwelele kuli Shikulu. Nkashi Kidd ali mutungulwile uku mubweseshā kuli Kristu, panuma ilyo ici cisungusho icikalamba cacitike ku kanya kakwe.

¹⁶ Napokele lamyā ukufuma ku California, mailo, munyina umunono kapyunga kulya, uo nali nankwe pamo ilyo naile umuku wakubalilapo ku California, imyaka iingi iyapitapo. Umwishikulu wakwe umwaume umunono afyelwe na—na fine...utushila tutatu twalimalike mu mutima wakwe. Kabili nalimwebele pali ulyo mulandu. Natile, “Lesā uyo uwinga lenga uyu umbi no kucilenga ukuba icalungama, mucine cine kuti aundapa umwishikulu obe umwaume.” Ukebe fye umulumendo akabe uwa shangila.

¹⁷ Kabili umulumendo eko ali mukulongana ilyo nali ku California umuku wa ntanshi, nalimo imyaka ikumi limo na cine konse konse iya pitapo nombā, imyaka iya pitapo ikumi limo na mutanda, efyo ili. Kabili nali mu California. Kabili wene...Ukulongana kwalyongwelwe nganshi ulyo mulumendo mpaka...Ilyo bakwete akanya, kabili ilyo kafyelwe, kabili baishile mona kwali icintu cimo icalubana, kalemoneka blue, kabili balyeseshe ukuputilamo umwela uusuma muli kena, kabili na fimbipo. Kabili kamoneke kwati

takali no kupusuka, kabili ba shing'anga lilya baishile kapima, kabili baishile sanga utushila tutatu twalisalike mu mutima wa kako. Tatwaleisuka nakalya, mwamona, kali fye—kali fye akashila kamo akaiswike akalebomba. Kabili aitile ba wishi, no kutila, “Tata, iteni Munyina Branham, ino ine nshita. Mwebeni ukutila fyonse... ‘Alombe fye Kristu. Alacicita.” Cilya eco. Owe, mwe! Kulyo kongola, ifyo bamona, mwamona, twalilandilepo, mailo ubushiku. Icintu icalinga pa nshita iyalinga.

¹⁸ Cisuma, nga twatwalilila ukulanda, te kuti tuye mwisambililo, bushe kuti twacita? Caba kwati ubuci bwa menshi mu nshita ya lucelo iya talala, bulaba fye ubwa tikama nge fyo wingaba, namwishiba, kabili bonse ubwa kambantana capamo. Tuli abasansa nganshi ukukwata isenge ilya musango filya. Ee, mukwai.

¹⁹ E ico nomba natwikale tondolo, nomba, kabili tuye mwisambililo nomba. Nalasenda limbi...Nshishibe nga cakutila kuti mulemona cilya atemwa iyo, pa cipampa. Nalimo nga kuti napilibula cilya pa mulu nga *fiya*, mu maniti ayanono, cinshi, tuli no kucita, nomba, bamo imwe, kwati kuli...[Munyina Edgar “Doc” Branham atila, “Ulefwaya lubuto pali cena?”—Ka.] Watila shani? [“Ulefwaya ulubuuto pali cena?”] Iyo, nshiletontokanya ifyo, ino ine nshita, Doc. Limbi fye pa kashitako panono. [“Ukuya fye panshi, kuti na sanikapo ulubuuto pali cena.”] Cisuma, twala—twala cita cilya nga na kwato tunono...Ninkwata ulubuuto pano? Cisuma. Katulusanikile pali cena. Kuti mwamona kunuma uko? Mulemona? Nga mulemona, imyeni ukuboko kwenu, nga cakutila mulemona cilye cipampa cakulembapo, belengeni filya ifili palya. Iyo. Cisuma. Asheni amalaiti. Nomba, ilyo baleteyanisha pali cilya... .

²⁰ Nshiletendeka bwangu muno lucelo; atemwa, iyo, iyo, nalimo ama miniti ikumi limo na fisano ukwangufyanya. Kabili e ico, kanshi, twalasenda fye inshita yesu nomba, pantu tatulefwaya ukubutukila. Ilyo wabutukila, lyena kwisa mu kona ifintu ifyo waciba no kusosa. Nomba, naleumfwa pali tepu, ubushiku bumbi, nge fyo nacimwene, kabili naishile umfwo bubi ne mwine; te pa fintu nalesosapo, lelo umusango nalesoselamo ulubilo nganshi, kabili lishiwi ilya sansukisha. Ndi ngo ulolelela. Cena... .

²¹ Ine—ine nalimwene fye ubushiku bumbi kulya uko bali no ku kulila umwa kusungile nama umukulu, kuno pakati ka Louisville. Kabili Mr. Brown, ndecetekela eo, kulya lubali, apele ama dollars million umo kuli cilya basungila inama. Cisuma, nga nalikwete shilya, nga nali fye no kubapela shilya ku kufumya shilye nama. Ine—nshacetekela mukuteka icintu icili conse muli ulya musango. Naba fye...ndaya ukwa kusungila inama no kumona shilye nama ishikote ishibusu, ba

bere, ne nkalamo, ne fintu, ukulaenda uku no ku, ukufungwa ubumi bonse, mulemona. Cilalenga imwe ukumfwa ububi. Muli ci, shilekatwa ku kucenjela kwa muntu uyo waba uwa cenjela ukucila shena. Mwamona? Kabili balashikata no kushibika muli bunkole.

²² Kabili ndetontokanya pali Kasebanya ala cita cilya. Alasenda abantu abasuma abalingile ukwenda mu ncende shikalamba ishakwa Lesa, na mabala, ne . . . ne fintu nga filya, elyo ukumubika mu ng'anda ya cifungo iya cilonganino cimo, atemwa icisumino cimo, atemwa icintu cimbi, kabili no kumukaka muli cilya. Kabili ifyo caba icintu icabipa.

²³ Kabili nshatemwa ukwa kusungila inama. Lelo ndomfwa icintu cimo nga imo muli shilye nama, ilyo uli uwakomenwa kabili ulesha ukubo muntungwa, na mwishiba, u—ukufuma ukuya cite cintu cimo.

²⁴ Nomba, ilyo tatulapalama Icebo, katupalame Umwine wa Cebo, ilyo tulekontamika imitwe yesu nomba mwi pepo.

²⁵ Uwa wamisha Shifwe uwa mu Mulu, natulongana muno lucelo nakabili mwi Shina lyakwa Shikulu Yesu, Umwana Wenu uwa wamisha. Lesa, mu mubili, aishile pe sonde, ku kukonsolwela imembu shesu, kabili alifwile, Umulungami; ukutila ifwe, ku bulungami Bwakwe, ukuba aba shalungama ukutila twingalengwa aba pwililika muli Wene. Twaisa ukulumbulo kutila tuli abashalinga, Shikulu. Tapaba nangu cimo icisuma pali ifwe. Kabili ifwe bonse twaba mu ng'anda imo ikulu iya cifungo. Te mulandu icifutu twaiminamo, ifwe bonse tucili mu cifungo. Umo te kuti afwilishe umubiye. Lelo, Lesa, mu luse Lwakwe ulwakwishibila libela, aishile ika no kwisula ifibi ifya ku cifungo, ku kutukakulula. Tatuli nakabili abaisalilwa nomba. Tatuli mulya umu basungile nama umwe sonde, lelo nomba tuli bantungwa. Ifwe tuli kunse.

²⁶ Owe, ifyo ifwe twa Mutemwa kabili no kucindika Wene! Ifyo twingenda ukupita mu mabala ayakalamba aya bulayo Bwakwe, kabili no ku yamona ukulengwo kumonekela kuli ifwe! Kabili na menso yesu yene, ukumona Lesa umukalamba uwa Muyayaya ukuifungulula Umwine kuli ifwe, kabili no kuilenga Umwine umutuntulu, nga filya Acitile kuli bakasesema aba kale. Ukwishiba ici, ukutila bali mukutusha ne cishinikisho, ukutila ubushiku bumo tukesa nakabili bwekeshiwapo, panuma ilyo ubu bumi bwapwa, kabili ukututubuka, ku Mweo uwa muyayaya ubo ubushakapwe. Imibili yesu tayakakote. Kabili tatwakatale ukufwa. Kabili tatwakatale ukumfwa insala. Kabili tatwakatale ukukwata ica kukabila. Lelo tukenda pamo Nankwe. Tulefwaya tuka Mumfwe ukusosa, “Ingila mu nsansa shakwa Shikulu, isho shateyanishiwe kuli iwe ukutula ilyo umufula we sonde taulalengwa.” Kunuma ilyo lubembu talulaingilamo, ifyo

Apekanishishe libela, nga filya kuli Adamu na Eva, ukutila tabali no kutala ukulwala atemwa ukukwato bwafya. Kabili nomba Ali tuteyanishisha cilya, kabili Alishibile libela twali mukwisa. Ulubembu lwalibikilepo icakucingilila icikalamba, kabili nomba ulubembu nalufumishiwapo, ku Mulopa wakwa Yesu. Nomba, tuli pa bulendo ubwa kuya ku Mpanga iya bulayo, ku bulayo bwakwa Lesa, ubo ubwaba bwa Muyayaya.

²⁷ Tupaleni nomba, Tata, ilyo tulesoma Icebo Cenu. Tulefwaya ukwishiba umusango wa bantu uo tulingile ukuba, pakutila tukabeko Kulya. Twafweni ilelo muli lino isukulu, pakutila twinga kwata Kasambilisha Uwaishibisha umukalamba pamo na ifwe, Umupashi wa Mushilo, uyo ulingile ukwika no kuisokolola Umwine kuli ifwe, ku Cebo Cakwe. Pantu twalombela ifi mwi Shina Lyakwe kabili ku bukata Bwakwe. Ameni.

²⁸ Nomba, intanshi, ndefwaya imwe ukupilibula pamo na ine muli Petro Wacibili, icipandwa ca 1. Ndefwaya ukubelenga iciputulwa ica aya Malembo, Petro Wacibili, icipandwa ca 1. Kabili nomba kuli imwe mwe bakwete ama pensulo yenu na mapepala. . .

²⁹ Kabili ndecetekela ba cinjeba muno lucelo ukutila—ukutila inshita shimo, ukupilibula umutwe wandi ukutaluka kulya, cilalenga tepu ukukana umfwika sana. Mucine cine nshipilibula ukucita cilya. Kabili ndecetekela, inshita shimo, nga kuti twaisa kwata ukushita mike ya—ya web, kabili ukuikobeka mu mutenge apa, te mulandu uko wingaba lyena, kuti waba fye bwino. Kuti caba fye icapwililika, ukushinguluka fye monse, mike fye mu mulu wa mutenge.

³⁰ Kabili nomba, ilyo ncili ndelanda; kabili nga kuti imwe, panuma ya kulongana, atemwa nga mulefwaya, kuti mwalenga ici cikope pano. Elyo na ine ni ncikwata icataipwa pano. Nalasenda aka kukambatikilako no kucibika ku ntanshi kuno, nga mulefwaya ukucilenga inshita imo. Mwise mwingile bwangu mu cungulo, pakutila twingomfwikisha.

³¹ Nomba tulepalama ku *Fikakatikilo Cinelubali*. Elyo tupwishishishe fye *Inshita Sha Nkuta Cinelubali*. Kabili iyi ni Mbila iya kusambilisha, cilya cilalangishamo muntu, uyo uli no kulubulwa ku Mulopa wakwa Shikulu Yesu, kabili ali no kuba muli ilya nshita ya Lukuta, ilya nshita ya Lukuta ulwa Muyayaya kumpela ya Fikakatikilo. Nomba twalishibo kutila twalikwata Amapenga Cinelubali, Ifinkunka Cinelubali, Inweno, kabili na fimbipo, ifyo tuli no kuyamo, ilyo tuleya pa ntanshi. Lelo tulelelela incende na imbi pa kutila abantu bengalaikala, nomba.

³² Kabili natontonkenye ici cali no kwisamo fye palya apo nalesubila. Nshasubile ukulenga ici cikope, lelo ubushiku bumo nali na bamo aba nandi abasuma, Coxes, kulya ku

Kentucky. Naile kulya, natontonkenye nalimo kuti nakwatilako ubushiku na bumbi bumo ubwa kulunga utupale ilyo inshita iya yana tailaisalwa. Kabili nali kulya mu mitengo no munandi, Charlie, ukwiminina kulya, kabili Rodney, munyina wakwe. Nshamwenepo nangu kapale. Ndetontankanya nalitubutwishe tonse, ilyo natendeke ukulabilikisha mukati mulya mu mitengo. Kabili ici ecaishile kuli ine, balumendo, kabili—kabili Nkashi Nellie na Margie, kabili ilyo na mwebele ukuti nkesa mweba pa Mulungu ilyo nkesa isa kuli lyena. Cilya eca ishile kuli ine, pa mbila iyo nali no kulandapo. Kabili ifyo yonse iya shala yaishile monekela mukati muli yena! Kabili, owe, nalitemwa cilya. Nalikwete u—uwine—wine umupashi wa kubilikisha, mulya mu mitengo.

³³ E ico nomba, katubelenge nomba, Petro Wantanshi, atemwa . . . Petro Wacibili, ntile, icipandwa ca ntanshi ca 1, iciputulwa ca Yena.

Simon Petro, umusha kabili umutumwa wakwa Yesu Kristu, kuli abo abapokelele citetekelo icalingana ne cesu ica mu bulungami bwa kwa Lesa wesu kabili Umupusushi wesu Yesu Kristu:

³⁴ Nalitemwa umusango cilya calandilwamo palya pene, pantu isambililo lyandi lyonse muno lucelo lishintilile pa citetekelo. Mwamona? Lekeneni mbelenge fye cilya nakabili. Umfwikisheni.

Simon Petro, umusha kabili umutumwa wakwa Yesu, kuli abo abapokelele—abapokelele icitetekelo . . . ica mu bulungami bwa kwa Lesa . . . wesu kabili Umupusushi wesu Yesu Kristu:

³⁵ Moneni, Alesosa, ukutila, “Nimpokelele ici citetekelo, kabili ndelembela ici kuli abo abapokelele icitetekelo icalingana ne cesu.” Ndefwaya . . . Tacili caba mwi sonde. Ici ca ku Lukuta, mwamona, abo abali muli Kristu.

Ukusenamina no mutende fifushiwe kuli imwe mukwishiba Lesa, kabili (ukupitila) fyakwa Yesu Kristu Shikulwifwe,

Ifyo amaka yakwe ya bulesa yaba aya kutufumpile fintu fyonse . . . amaka yakwe ya bulesa nomba yaba aya kutufumpile fintu fyonse ifya lola ku mweo . . . bukapepa, mukwishibo wa twitile ukuti twise mu bukata bwakwe no bulumba:

Muli ifyo atufumpile . . . atufumpile filayo ifikankala kabili ifya kulisha: ukuti muli ifyo (aya ma bulayo) e mo twingaba aba kumako ku cifyalilwa ca bulesa, . . .

³⁶ Nomba lekeni ici cingile mukati nankati nomba. Nshileshimikila muno lucelo; tulesambisha fye ili sambililo.

“Icifyalilwa ca Bulesa.” Lekeni mbelenge ilya vesi iya 4 nakabili nomba, pakutila mwi cilufya. “Muli ifyo atufumpile...”

Muli ifyo atufumpile ifilayo ifikankala kabili ifya kulisha: ukuti muli ifyo (aya ma bulayo) ifwe twinga ba aba kumako ku cifyalilwa ca bulesa, pakuba abafulumuka mu kubola kwa mu lunkumbwa ululi pano isonde.

³⁷ Mwamona, “isonde,” natufulumuka cilya nomba. Alelebela ici ku Lukuta. Uyo e mulandu wine tubelele muno muno lucelo, ukwasha ukusanga ni nshila nshi, ni cinshi ico Lesa alefwaya. Ta muli umuntu nangu umo muno, uwa temwa Lesa, lelo ulefwaya ukuba ukupalana nganshi nga Kristu. Nomba na cibikwa kuno. Umwinakristu onse! Ndi mushilika uwa kale. Lolekesheni kuli Munyina na Nkashi Kidd muno, bena limbi e ba kote sana mu cikulwa. Lelo nga kuti na bepasha, “Cinshi ico mutima wenu ukabila?” Kuti caba, “Ukupalama kuli Lesa.” Ilyo mwasambilila pali Kristu, kwalibako icintu cimo pali Wene ico caba icakutemwisha, uli no kwesha fye ukwingila mukati muli Wene.

³⁸ Munjeleleko pali iyi nsoselo. Naebele umukashi wandi, uuli apa te kale sana, wene... bonse babili tuleya tulekota, kabili natile kuli wene, natile, “Bushe walintemwa nge fyo walecita?”

Atile, “Mucine ndacita.”

³⁹ Kabili natile, “Nawishiba, nalikutemwa nganshi mpaka mfwaya fye uku kusenda no kukutintila mukati ka ine, pakutila twinga ba fye, mucine, ukuba umo, kucilapo.”

⁴⁰ Nomba, cilya, fusheni filya na million umwanda umo, elyo kabili muli no kusanga ifyo kutila uwacetekela, uyo uwila mu citemwiko na Kristu, alafwaya ukwingila muli Wene, pantu cena citemwiko. Kabili pano Alatulangisha ifyo kutila, ukupitila muli aya ma bulayo, kuti twaba abakumako ku cifyalilwa ca Bulesa cakwa Kristu. Iyi, umubili ufwa, ifyo kutila twingaba aba kumako.

⁴¹ Kuti nasosa icintu cimo pano. Umulandu nacetekela... Nomba umuntu umo alingu'mfwile mumbi, muno te kale sana. Nalipokelele nkalata ukufuma ku kabungwe kaba kapyunga, aka kalandile ukutila nacetekela ukutila kwaliko... “Twalikumana mu mweo. Kabili tulingile ukusha ifibusu fyesu nga tatwakumana nabo mu mweo, ku kuupa umbi uo twakumana nakwe mu mweo.” Owe, mwe!

⁴² Natile, “Nshili no mulandu uwa cintu ica bufi nga cilya.” Lyonse nabo wa kususha cilya. Nsha—nshacetekela muli cilya. Mucine iyo. Nalicetekela ukutila Lesa alatupela uwa kwampana nankwe. Cilya cishinka. Elyo kabili tulesa mukuba

icilundwa ica umo no mubiye. Cilya cishinka. Kabili ilyo mwaume talaupa, alingile ukutontonkanyapo pali ifi fintu, ukufisoma.

⁴³ Umwaume uwa cilumendo alinjipwishe ubushiku bumbi, atile, “Uletontonkanya kuti na cita, ningile ukupa, Munyina Branham, umukashana *uwakutilla-no-wakuti?*”

Natile, “Nifinshi utontonkanya pali wene?”

Atile, “Owe, mwe, nalimutemwa fye.”

Natile, “Cisuma, nga tekuti wi kale ukwabula ena, ulingile ukumupa kanshi. Lelo nga kuti waikala ukwabula ena, wiesha ukucicita. E ico, lelo nga cili no kukwipaya, kuti cawama—kuti cawama iwe ukutwalilila no kumupa,” eflyo nasosele. Kabili e ico ico naleesha ukuleta kuli wene, ni ci, ukutilla, nga walimutemwa nganshi.

⁴⁴ Nomba, ino ine nshita, ilyo taulaupa, ifintu fyonse fili fye bwino kabili ifyawama. Lelo panuma ilyo waupa, lyena ubucushi no bwesho bwa bumi bulesamo. Lilya e lintu mulingile ukuba mu citemwiko nganshi icakutilla muli no kumfwana umo no mubiye. Ilyo wapapushiwa kuli wene, nao apapushiwa kuli iwe, nelyo line mulomfwana umo no mubiye.

⁴⁵ Ilya e nshila cabelamo na Kristu. Mwamona? Tulingile ukuba mucitemwiko na Wene nganshi, mpaka ilyo twaipusha icintu cimo, kabili Wene tacipele kuli ifwe, cilya tacitutensha nangu panono. Mwamona? Mwamona? Cinshi? Kabili inshila fye imo iyo mwinga citilamo cilya, caba ukuba uwa kumako ku cifyalilwa Cakwe ica Bulesa, lyena muli no kumfwo mulandu tekuti Apele cilya kuli imwe. “Aba kumako ku cifyalilwa Cakwe ica Bulesa.”

⁴⁶ Kabili lolekesheni pano, “Pakuba ba fulumuka ku bubole ubo buli mwi sonde ukupitilla mu lunkumbwa.” Ukubufulumuka! Mwamona uo cikumineko? Ni ku Lukuta, abo abali muli Kristu, na basansabikwa pa mulu wa ifi fintu. Te kuisansabika umwine, lelo Kristu ali muleta pa mulu.

⁴⁷ Kuli ba munyinane abasweshi na ba nkashi abo abalipo muno lucelo, nshilepilibula ici ukumulengo kumfwo bubi. Lelo, nali mu kulongana inshita imo iya pitapo, nshishibe nga cakutilla nali tala ukucisosapo mu tabernacle. Nalicilandapo mu ncende shimbi. Kwaliko nkashi umusweshi uwa sosele, “Bushe kuti napelako ubunte, atemwa ukupelo bunte?”

“Mucine cine, nkashi, twalilila fye.”

⁴⁸ Atile, “Ndefwaya ukupelo ubu bunte ku bukata bwakwa Lesa.” Atile, “Namwishiba, nshi—nshili ifyo nalingile ukuba,” kabili atile, “Nshi—nshili ifyo nalefwaya ukuba, lelo,” atile, “Icintu cimo ico ndi uwashininkisha, nshili ifyo nali.” Mwamona? Aishile ukufuma kumo. Wene alikushiwe.

⁴⁹ Ulya e musango twaishibilamo ukutila twalifuma mumfwa twali ingila mu Mweo. Tulalolekesha kunuma kucilindi umo twafumishiwe. Mwamona? Tatuli ifyo twalefwaya ukuba; tatuli nangu ifyo tulingile ukuba; lelo icintu cimo ico tuletotelapo, tatuli ifyo twali. Cilya cishinka. Tuli munshila.

⁵⁰ “Kabili pakufulumuka ububole ubuli mwi sonde.” Pakufulumuka cilya, ulunkumbwa no bubole ubuli mwi sonde, muli pa mulu wa filya. Nomba ulya—nomba ulya e musango wa muntu uo Alelandako, umuntu uyo uwa fulumuka ifi fintu, mwamona, ububole bwe sonde.

Awe na pali ici cine, lundeniko ukucincila konse, ku citetekelo cenu lundeniko ubulumba; na kubulumba lundeniko ukwishiba;

Nakukwishiba lundeniko ukuiteka; . . . na ku kuiteka lundeniko ukushipikisha; . . . na ku kushipikisha lundeniko bukapepa;

Nakuli bukapepa lundeniko ukutemwa aba bwananyina; na ku kutemwa aba bwananyina lundeniko kutemwa.

⁵¹ Nomba Natupela ubutantiko pano ifya kucita, ukwishiba ifya ku cicita. Nomba, nge fyo na cisosa, bonse ifwe tuleesha ukupalama kuli Lesa. E mulandu wine nacisala iyi Mbila muno lucelo, ku lukuta, ukwishiba ukutila abantu balebwelelamo. Pantu ubushiku ubwafumineko, natile, “Ni banga abali muno, aba kunse ka musumba?” Mupepi ne mpendwa amakumi pa bula na cine konse konse aya bantu, ukufuma kunse ka musumba. “Nibanga abali muno abafumine ama mailoshi umwanda?” Cinshi, na cicila, ndemona, impendwa amakumi cine konse konse. “Nibanga abali muno abafumine ukucila ama mailoshi imyanda isano?” Kabili mupepi na—na citika wa bantu bali muno abafumine ukucila umwanda umo, ama mailoshi imyanda isano ukutali. Citontonkanyenipo, pa bantu abalebwelelamo. Cisuma, balya bantu tabesa ku lukuta filya fine ku kumonwa fye. Takuli nangu. . . nge fyo aba kunse benga monapo ukuyemba ukuli konse ukushinguluka cino cifulo. Bonse fye baba cinabwingi ca bantu, aba busu, imifwalile ya lyonse. Takwaba ukwimba ukukalamba kuli abo abaitunga ukuba bakwaya aba bu Malaika, pipe organ, nama galashi yamo aya kowela. Mwalikwata inshita iya kosa ukusanga apakwikala pa cipuma no kwiminina mu mbali ya cibumba. Tabeshila pa mulandu wa cintu ica musango ulya. Lelo balesa pa mulandu mukati kabo mwaliba icintu cimo ico icimona ukuyemba uko ilinso lya cifyalilwa talimona. Cabe linso ilya bumupashi ilyo ilikata ukuyemba kwa kwa Kristu. Uyo e mulandu wine beshila.

⁵² E ico, pa nshiku shimo ilyo ta tulakwata ukulongana, lyonse lyonse ndapepa. Ukuya mu mitengo, ukusenda

mwitumba lyandi...Ndebo mukashi wandi, “Ndeya mukulunga utupale muno lucelo.” Kabili ndabika icilembelo kabili no mwina wa mapepala mwi tumba lyandi. Lilya line fye ilyo kwa tendeka ukulabako lubuuto ulwalinga ukumona, ndekala ukushintilila ku cimuti ku ncende imo, na maboko pa mulu mu mwela, no kulasosa, “Shikulu, finshi ninga cita ilelo? Ni cinshi ico Mwalampela ica bana Benu?”

⁵³ Elyo ilyo na fika pa cintu cimo ico cimoneka nge cilebilima munda, icintu cimo ukwisa nge fi. Ilyo Umulola Wakwe wapalama, ndatendeka ukumfwa icintu cimo kwati fye ni kumo ukutali, icintu cimo muli uyu musango. “Fibili ukufusha na fibili cipanga fine.” Ukupalama, “Fibili ukufusha na fibili cipanga fine. Fibili ukufusha na fibili cipanga fine. Fibili ukufusha na fibili cipanga fine.” [Munyina Branham abwekeshapo ukulanda icintu cimo cine mu kwangufyanya—Ka.] Ukutwalilila, ukutwalilila, ukutwalilila, filya fine. Caba Mulola Wakwe ukwisa.

⁵⁴ Kuipela we mwine, kabili panuma ya kashita ulatalukako kuli we mwine weka. Palya icimonwa cilesa, “Kabiye ku ncende iya *kutila-no-kutila*, kabili icintu ica musango *uyu-no-uyu*.” Mwamona? Cilatendeka, ukufuma mukutontokanya amano yenu pali Lesa, ukufuma mwi sonde, ukutaluka kwi sonde, mukati ka matololo, kuli we mwine.

⁵⁵ Kabili Cilatendeka ukwisa, “Cimo, cimo...” Ndetila, impendwa ili yonse, atemwa icintu icili conse, icintu fye cimo cilatendeka panono panono, cilesamo umutalalilwa. Elyo cilesa ulubilo, lubilo. Ikaleni fye palya no kwimya amaboko yenu pa mulu, mwisosa ishiwi nangu limo, imyeni fye amaboko yenu mu mulu. Icintu ca ntanshi namwishiba, umubili wenu onse ulekatwa. Elyo mulamona ifintu ifyo Alefwaya imwe ukwishiba, ukumulangisha ifintu ifili no kwisa.

⁵⁶ Inshita shimo cisa mukufika pa cifulo, mpaka pa cifulo cimo, elyo kabili cilaleka. Taciya mucimonwa. Elyo Amalemba yalesa mukuba capamo. [Munyina Branham alisho munwe wakwe imiku itatu—Ka.] Ndekata icilembelo candi, pakutila nicilabako, kabili ndacilemba, ukucilemba.

⁵⁷ Kabili ndesa ku ng’anda no kucilolekeshapo, no kucisoma. Kabili inshita shimo tacipanga ilyano kuli ine ilyo ndelolekesha pali cena. Elyo kabili, panuma ya kashita, ici caisa! Cilya cilekata, kabili Cilya cilaya nakabili. Elyo ndasenda akali buku akanono nga *aka*, no kutendeka fye ukulalemba, na maka nganshi nge fyonginga cita, ifyo Anjeba. Natontonkenye, “Shikulu, nalaya kulya ku tabernacle no kubeba. Ine... ‘Ukwisa kulya.’ Nimbakwatile cintu cimo.” Cisuma, filya efyo cisa. Cilya ni filya fine. Mpaka, intanshi, Acipela kuli ine, tekuti ncipele.

⁵⁸ E ico, kanshi, pali utu twakulenga utunono uto mulemona ine ukulolekeshapo. Kabili ici, intanshi, nalitendeke. Nshamwene ici ciputulwa pano mpaka fye nalimo ubushiku bumo atemwa shibili isha pitapo, mulya mu mitengo.

⁵⁹ Nomba, aba bantu baba—baba...Petro alesosa, pano, ukutila ifyo tulingile ukuba abakumako ku cifyalilwa Cakwe ica Bulesa. Nomba, cila umo muli ifwe tuleesha uku kula mu mushinku wakwa Lesa.

⁶⁰ Nomba, panuma ilyo twapwisha Ifikakatikilo Cinelubali, kanshi, pali ilya nshita iya kubilisha kwa Cikakatikilo ica Cinelubali, atemwa ukukakulula...Pantu, twalishiba ifyo icikakatikilo caba, cabo ku kakulula bukapyunga, ukukakulula Ifikakatikilo Cinelubali. Kabili tuli no kumona cilya palya pene pa cikope. Ku kakulula Imbila, icintu cimo icakakatikwe.

⁶¹ Pa Mulungu uwa fumako ubushiku, nalishimikile pa, “Lufungulo.” Kabili ulufungulo citetekelo. Icitetekelo cilekatilila ulufungulo, kabili ulufungulo Malembo. Kabili Kristu e Cibi. Mwamona? E ico icitetekelo cilasenda utwakwikatililako utunono utwa Malembo no kwisula ama bukata no busuma bwakwa Lesa, kulya ku bantu Bakwe. Mwamona? E ico, cena caba, icitetekelo cilekatilila ulufungulo ulo ulwiswila Kristu ku bantu; uku cikomonona, ukucisokolola.

⁶² E ico, ilelo, twalaesha ukusenda lulyo lufungulo lumo lwine, ku komonona inshila ku kuba Umwinakristu uwa bulumba mu mushinku wakwa Lesa, ukutila, tube Ihema ilya mweo ilyakwa Lesa uwa mweo ukwikalamo.

⁶³ Ibukisheni, Lesa alaisokolola Umwine mu nshila shitatu. Inshita iya kubalilapo, Ali isokolwele Umwine mu Ntumba ya Mulilo, iyo iyaleitwa iya Butata. Elyo ulya Lesa umo wine, aishile lengwa muli Yesu Kristu, ico Akulile umubili, apangile uyu mubili. Ica citatu, ukupitila mumfwa ya ulyo mubili, Asangulwile Ulukuta pa kutila Engekalamo. Cali ni Lesa pa mulu wa ifwe; Lesa ukuba na ifwe; Lesa muli ifwe; Lesa umo wine.

⁶⁴ Ulya e mulandu caletilwa Tata, Mwana, Umupashi wa Mushilo. Te ba Lesa batatu; ama ofeshi yatatu yakwa Lesa umo. Nga balitontonkenye pali cilya ku Kabungwe ka Nicene, nga ifwe bonse tatwaba mucimfulunganya, bushe nga twaliba? Cilya cishinka. Te balesa batatu. Abantu balefilwa ukumfwa ifyo Yesu alelanda kuli Tata, kabili Wene na Tata baba Umo. Cisuma, palya icintu conse cilemoneka. Mucine, cilecifimbula fye. Mucine cine. Mwamona? Te ba Lesa batatu. Ama ofeshi yatatu! Yatatu ama-...

⁶⁵ Cena ni cinshi? Lesa ukubika ku bubumbo Bwakwe. Lesa fwaya ukupepwa. Ishiwi *Les*a cipilibula “icintu ica kupepa.” Kabili caba ni Lesa ukweshya ukubelesha abantu Bakwe, pakutila enga senda kuli bene cilya ico Abalengeleko. Ta

mulengele fye imwe ukube cintu cimbi kunse ka kubo mwana mwaume no mwana mwanakashi wakwa Lesa. Nga mwaliufya cilya, ukubo mwana mwaume no mwana mwanakashi wakwa Lesa, na mulufya cishibilo.

⁶⁶ Kabili “na mupusa,” ishiwi *u-l-u-b-e-m-b-u* cipilibula “ukupushila icishilwa,” ukupushila icishilwa. Kanshi, nga ndelasa pa cintu cimo, ukusukusa aka musumbu pa ntamfu amakumi ya sano, kabili no kulasa; ukusende mfuti yandi kulya no kuya lasa, kabili nacipushila, ama inches yane atemwa yasano, cinshi icacitika? Imfuti yandi ilefwaikwa ukuilinganya. Kuli cintu cimo icilubene. Kabili nga nalufya icitetekelo muli Lesa, nga nalufya ukubo Mwinakristu. . . Lesa amubikile pano ku kuba Umwinakristu. Nga muli kunse kulu bali lumbi, bweleleni no kulinganishiwa. Kabili kuli fye icintu cimo icinga mulinganya imwe, na cilya Malembo. Umupashi wa Mushilo mu Malembo, ukumulinganya, ukumuleta imwe ukutonta pali cilye cintu nakabili. Cilya cishinka.

⁶⁷ Nomba twalasoma Icebo Cakwe. Stefano atile, mu Milimo ya Batumwa 7. Kabili no mu. . . Katubelenge fye cilya, ukulanda pali, nomba, tulelanda pe Hema lyakwa Lesa. Nomba, Stefano atile. Pakuba. . . Lili no kuba Ihema lya mweo ilya kwa Lesa wa mweo. Stefano atile, mu Milimo ya Batumwa icipandwa ca 7. Kabili ndecetekela ifwe. . . mu Milimo ya Batumwa 7, ukutendeka nalimo vesi ya 44.

Ihema lya bunte lyali kuli ba shifwe mu matololo, filya alingile, uwabele Mose, ukulicita ilya lingana ne cipasho ico amwene.

Ilyo nalyo bashifwe bakwete, bashifwe abo abaishilemo panuma ya kuletwamo. . . Yesu mu ku kwate calo ca Benafyalo, isho Lesa atamfishe pantanshi ya bashifwe, e fyo lyali ukufika ku nshiku sha kwa Dabidi;

Wene asangile ububile ku menso yakwa Lesa, kabili alombele ukuti afwaile Lesa wakwa Yakobo apakwikala.

Awe ni Solomone e wa mukulile ng’anda.

Lelo Uwapulamo tekala mu ma yanda ayakulwa kuminwe; filya kasesema asosa ati,

Umulu e cipuna candi ca bufumu, ne calo e cakubikapo amakasa yandi: Shikulu atila: ni ng’anda ya musango nshi mungankulila? atemwa apa kuti ine ntushe ni pi?

⁶⁸ Nomba umu mu. . . Nomba, “ihema,” lyaba, mucine, incende uko tuya mukutusha, nomba, ukupoke cisuma, kabili na fimbipo, ngo kutusha ukufuma mutulo, atemwa na fimbipo. Nomba, Abahebere 10, kabili na vesi ya 5, Paulo aleliletamo.

E ico pa kwisa pano isonde, atila, Ilambo . . . (Ulya ni Kristu). . . Ilambo ne ca kuninika tamwafifwaile, lelo umubili eo mwampekanisha:

69 Nge Hema cinshi nomba? Umubili, Lesa ukwikala mu Mubili.

70 Lesa inshita imo, mulya mu mulu, ilyo Aikile pa lupili, nangu ni—ni ngo'mbe ilume atemwa ingo'mbe nkota yakumishe kulupili, ilingile ukwipaiwa. Lesa wa mushilo.

71 Mailo mucungulo bushiku, ilyo balya ba Malaika ba fimbile ifinso Fyabo. Ba Serafimu ba mushilo ne finso fya mushilo, tabaishiba ne fyo ulubembu lupilibula, kabili Balingile ukufimba ifinso Fyabo, mu Cinso cakwa Lesa; ukufimba inkasa Shabo, mu kuicefya.

72 Nomba, Lesa uwa mushilo tekuti asuminishe u lubembu, e ico takuli icintu nangu cimo icinga kumya ulupili apo Lesa aikele.

73 Elyo Lesa alengelwe mu mubili no kwikala mukati kesu, mu musango wakwa Yesu Kristu, Umwana Wakwe, ukulenga Kwakwe. Elyo ulyo Mwana apele ubumi Bwakwe, kabili akabulungwa ka Mulopa wakwa Lesa kali tobelwe, ukutila Ubumi bwinga fuma mu Mulopa, ukwisa kuli ifwe.

74 Ukupitila muli ulyo Mulopa twalisambwa. Kabili nomba umulopa wesu, ubumi bwesu, ubo bwaishile ukupitila mu kukabila kwa kukumana capamo, caletele ubumi bwesu mwi sonde. Umulopa wakwa Yesu Kristu ulatusamba, ulapilibula icifyalilwa cesu, ku kutumina pali ifwe Umupashi wa Mushilo; elyo tulesa mukuba mu cifyalilwa ca Bulesa icakwa Lesa, elyo tulesa mukuba icende iya kwikalamo iyakwa Lesa. Yesu atile, “Muli bulyo bushiku mukeshibo kutila Ndi muli Tata kabili Tata ali muli Ine; Ine muli imwe, kabili imwe muli Ine.” Mwamona?

75 Ukwishiba ifyo Lesa aba mu Lukuta Lwakwe. Ulukuta lulingile nomba ukusende cifulo cakwa Kristu, ukutwalilila na bukapyunga Bwakwe. “Uyo uwacetekele muli Ine, imilimo iyo Ine ncita nao akalacita. Lelo pakashita akanono, kabili isonde talyakamone nakabili; lelo imwe muka Mona, pantu Nkaba na imwe, kabili muli imwe, mpaka ku mpela ye sonde.” Mwamona? Cilya cili palya, ukutwalilila no mulimo Wakwe.

76 Nomba, Lesa, atemwa Baibele yatile apa, ukutila. Stefano alandile pali Solomone uku kula itempile, “Kabili Uwapulamo te kala mu matempile aya citwa ne minwe. ‘Pantu Umulu e Cipuna Candi ica Bufumu, kabili isonde enyantilo sha nkasa Shandi. Kabili nipesa apali ukutusha Kwandi?’ ‘Lelo Umubili e o Mwampekanisha.’” Amen. Mwacimone ci.

77 “Umubili e o Mwampekanisha.” Lesa e kala mu mushinku wa muntu, ukumonekela Umwine muli cilye Cibumbwa.

Ukushinshimuna ukwapwililika! Lesa muli ifwe, ukuba Ihema Lyakwe, Lesa ukuilangisha. Owe, ifyo twingekala pali cilya mpaka kuti mwatembauka muno, ku cikabilila. Moneni, ukutila, Lesa wene lyonse, pa nshita ili yonse, aliilangisha Umwine mu muntu.

⁷⁸ Ulya ali ni Lesa muli Mose. Lolekesheni kuli wene, afyelwe intungulushi; Kristu. Mu nshita ilyo afyelwe kwali ukucushiwa kwa bana, ukwasha ukumusanga; cimo cine icali muli Kristu. Kabili wene ali—ali lubwilwe muli ilya nshita; eflyo cali na Kristu. Ali ni kapela wa mafunde; eflyo cali na Kristu. Mose aile pa mulu, inshiku amakumi yane, kabili asendele amalango, kabili alikile. Kristu aile mu matololo, inshiku amakumi yane, kabili alibwelele, atile, “Mwalibomfwa balya aba kale, ‘Mwila cita ubucende.’ Lelo, ndetila kuli imwe, uyo onse ulolekesha pa mwanakashi, ku kumukumbwa, na cita nankwe kale ubucende.” Mwamona? Fyonse ifi fintu ifya pusana pusana, filya, ni Lesa ukuilangisha Umwine.

⁷⁹ Lolekesheni kuli Yosefe, afyelwe umulumendo wa bu mupashi mukati ke—ke bumba ka ba munyina. Bonse bali abause abasuma, bonse bali ifikolwe. Lelo, ilyo Yosefe aishile, ali uwaibela. Kutu amona icimonwa, ukwilula iciloto, kabili alipatilwe kuli ba munyina pa mulandu wa cilya. Pa mulandu wa mulimo wine uo Lesa amubikile pe sonde ku kucita, ba munyina bali mupatile pali wene. Mwamona? Kabili fyonse fyaesontela ku lupanda. Kabili, lolekesheni, ashitishiwe mupepi na silvere amakumi yatatu, kuli ba munyina. Bamuposele mu cilindi, ukuti afwe, kuli ba munyina. Afumishiwe muli cilye cilindi, no kuya ikala ku kwa kulyo kwa kwa Farao. Kabili takuli umuntu uwingesa kuli Farao, uyo watungulwile isonde pali bulyo bushiku, takuli nangu umo uwingesa kuli Farao, kano fye ukuptila muli Yosefe. Takuli umuntu uwingesa kuli Lesa, kano fye muli Kristu. Kabili ilyo Yosefe afumine kwisano, ilyo talafumako, kwaleba intandala iya lelishiwa, kabili bakangalila balebutuka ku ntanshi yakwe, no kubilikisha, “Fukameni pa makufi! Yosefe aleisa!” Te mulandu uko mwabelele, atemwa ico mwalecita, ifyo ubukankala incinto yenu yali; mwalingile ukufukama pa makufi yenu mpaka Yosefe afika kulya.

⁸⁰ Kabili ilyo Ipenga likalila, bumo muli shi nshiku, cile kufi likafukama kabili ululimi lonse lukasosa. Ilyo Kristu, Yosefe wesu, akafuma ku Bukata no kwisa, umulimo wenu tawakabe ukankala lilya. Cile kufi likafukama, no ku Mulumbula ukubo Mwana wakwa Lesa. Cilya cishinka.

⁸¹ Owe, ifyo tule Mumona muli Dabidi! Ifyo Dabidi, imfumu iya kenwe, ukutamfiwa pa cipuna ca bufumu bwakwe bwine, kuli ba munyina, umwana fye wakwe, aikele pa Lupili ulwa Miolife, ilyo aleya pa mulu, pa mulu wa Lupili lwa Miolife, alolekeshe kunuma pali Yerusalemu no kulila; kulya abantu

bakwe bene, abo ena abombele no kusambilisha pali Lesa, kabili abantu bakwe bene bali mukene no kuposela ifintu pali wene, ukushipila amate pali wene no kumusenteka, ilyo atendeke ukuya pa mulu wa lupili kabili alikenwe. Owe, ifyo cabe capwililika pa Mwana wakwa Lesa, imyaka imyanda cine konse konse panuma; Imfumu iya kenwe, pakati ka bantu Bakwe Bene, aikele pa lupili no kulilila pali Yerusalemu, nge Mfumu iya kenwe.

⁸² Cali ni cinshi? Lesa ukuilangisha Umwine muli balya bakasesema, ukulangisha Kristu.

⁸³ Elyo kwaishile Umo uyo wali ukupwililika kwa kwa Lesa. Cali ni Lesa pakati kesu.

⁸⁴ Kabili ukutula ilya nshita, Ali ilangishe Umwine mu Lukuta Lwakwe, ulu lubali lwa Kalbale. E ico, mulemona, ifwe bonse tuleesha ukwisa kuli iyi ncende ya kwikalamo, Ihema iyakwa Lesa uwa mweo. Nomba kuliko abantu bamo. . .

⁸⁵ Tulemona pano, Atile, “Intanshi tukwete icitetekelo, ubulumba, ukwishiba, ukutekanya, ukushipikisha, ubusuma atemwa bulesa, kabili ukutemwa aba bwananyina.” Cisuma. Ukutemwa aba bwananyina, elyo kabili lundeniko ukutemwa. Kambelenge ci, conse, umuku naumbi, pakutila mwingaba abashininkisha ukucumfwa nomba. Nomba twalatendekela pa vesi ya 5.

Awe na pali ici cine, lundeniko ukucincila konse, ku icitetekelo cenu ubulumba; na kubulumba lundeniko ukwishiba;

Na ku kwishiba lundeni ukuiteka; na ku kuiteka lundeniko ukushipikisha; na ku kushipikisha lundeniko bukapapa;

Nakuli bukapapa lundeniko ukutemwa aba bwananyina; na ku kutemwa aba bwananyina lundeniko ukutemwa, ico caba icitemwiko.

. . . pantu ifintu ifi nga fyaba muli imwe, no kufulisha, kuti fya mucita abapwililika kabili abatwala ifisabo mukwishiba shikulwifwe Yesu Kristu.

⁸⁶ Nomba Petro aletantika icintu cimo pano kuli ifwe, ifyakwisa kulya.

⁸⁷ Nomba ndefwaya ukusose ci, ukutila, kwaliba bantu bamo abakwata ici ciputulwa ica ubu bulumba, ukwishiba, amano, ukushipikisha, kabili na fimbipo, abo abashiitunga ukuba Abenakristu. Nomba tuli fye. . . tulesambilisha isukulu lya pa Mulungu. Kabili cilya cinshika. Kwalibaho abantu bamo abakwatako iciputulwa ca ici, abo abashesha no kuitunga ukuba Abenakristu. Lelo cilya tacita. . . Cilya te kuti cicite. Cili kwati cuni ica fita ukwisha ukubika amasako ya nduba mu mapindo ya ciko, ku kucilenga ukube nduba. Cilaisebanya

icine. Kuti cawama ukuba fye cuni ica fita. Mwamona? Ilyo caesha ukuipela ifi fintu ukwabula ukubo Mwinakristu, cisangwa fye kunse ka ncende.

⁸⁸ Caba kwati umuti wa mukunyu ukweshwa ukupanga ama apples. Tekuti cicite, mwamona, nangula cena cimuti. Lelo tekuti cipange ama apples.

⁸⁹ Cili kwati ni punda aleesha ukupanga amasako, ukweshwa ukuba nge mpaanga ilyo ena ni—ena ni punda. Mulemona, tekuti apange amasako. Te kuti acicite. Amasako cabupe ku mpaanga, te kuli punda. Kuti aesha ukuba nge mpaanga, lelo ena acili ni punda. Mwamona? E ico, ena kuti asosa, “Cisuma, kuti nalya nge mpaanga. Kuti na cite *ci* nge mpaanga.” Kabili te mulandu ifyo winga cita, ulingile ukuba mpaanga pakutila ukwate amasako.

⁹⁰ Kabili lekeni njiminine apa pali miniti. Impaanga taipanga amasako. Yena yalikwata amasako pantu ni mpaanga. Abantu abengi besha ukusosa, “Cisuma, ndi no kwesha ukuba bwino. Ndino kwesha ukucita *ici*.” Mwiesha ukupanga icintu nangu cimo. Iyo, te kuti mucicite. Impaanga taicita, taipushiwa, taisubilwa ukupanga amasako. Ilamesha amasako, kabili ilacicita pantu yena ni mpaanga.

⁹¹ Kabili ngo li Mwinakristu, umesha fye icisabo ica Mupashi. Imwe ta mucita—imwe ta mucipanga. Imwe ta mwesha ukucilenga ukuba. Mulesha. . . Mwiesha ukuipanga mwe bene icintu cimo ico ta mwaba. Beni fye fintu mulingile ukuba, kabili lyena cilaisakamana icine. Bushe mwalyumfwa abantu abasosa, “Cisuma, ndemweba. Ine. . . Nali ilunda ku lukuta. Ine—ine mucine cine ningile ukuleka uku kubepa”? Muleesha ukupanga icintu cimo nakabili nombamba. Te kuti mucicite, e ico tapali umulandu uwakweshwa ukucita, ukucila nge fyo pu—ukucila pu—punda enga ilenga umwine ukukwata amasako. Te kuti acicite.

⁹² Atemwa, ikubi ukweshwa ukulya pamo ne nkunda, ikubi ukweshwa—ikubi ukweshwa ukuba inkunda. Bushe kuti mwaelenganya ulukoshi kunse kulya, ukusosa, “Namwishiba, ndi nkunda,” kabili no kubikamo amasako ayanono muli yena, no kusosa, “Mwamona, ndemoneka kwati. . .” Mwamona? Kuti lwaba fye mumimonekele imbi imbi. Cilya e—e muntu uyo usosa ukube cintu cimo lelo tabefyo. Mwamona, tekuti mucicite.

⁹³ Te kuti musose, “Nombamba lolekesheni, ningile ukukwata ubulumba, e ico ndi no kukwata ubulumba. Ningile ukwikala uwa bulesa, e ico ndi no kubukwata fye.” Cinshi, muleesha fye ukubikamo amasako. Nangula mwinga yasanga, lelo tekuti mubike amasako mu cuni icishilingile. Mwamona? Tekuti cibombe fye. Kabili cilangisha fye ifyo cilye cuni caba bumbi munda. Mwamona? Bushe kuti mwaelenganya ulukoshi

ulukote ukweshwa ukukwata amasako yamo aya nkunda, ukusosa, “Lolekesheni kuno, mwamona, ndi nkunda”? Mwamona? Cinshi, ifwe bonse twalishiba wene lukoshi. Mwamona? Mwamona? Cilya e pela fye. Kuti twaishiba ukutila wene lukoshi.

⁹⁴ Cisuma, nombamba ilya e nshila cabelamo, ukweshwa uku—ukupanga Ubwinakristu. Te kuti mucicite. Icintu ca ntanshi ico mulingile ukucita, caba ukufyalwa cipya cipya. Mulingile ukupilibulwa. Mwamona? Kabili ilyo mwapilibulwa, mulesa mukuba icibumbwa cipya. Nombamba muleisa bwino, nombamba. Mwamona? Nombamba tamulingile ukusakamana palwa masako, cili no kuisakamana icine, ilyo—ilyo mwafyalwa cipya cipya. Ee, mukwai.

⁹⁵ Nge fyo lyonse nsosa. Mukasende ka—kapoli, muka musambe no kumufwika suti uwa ba coba, atemwa suti uwa tuxedo, ntile, pali wene, no kumulekelako kunse kulya; ali no kuya fye mu cilindi ca matipa no kufulukuta. Pantu, mulemona, tekuti cicite icintu nangu cimo icisuma. Wena ni kapoli. Cilya e cifyalilwa cakwe. Ukufulukuta mu matipa e cifyalilwa cakwe. Mulingile ukupilibula icifyalilwa cakwe, kabili (wene) conse icashala cili no kuisakamana icine.

⁹⁶ Nombamba moneni. Mulingile ukufyalwa cipya cipya, cilya caba, ukupilibulwa. Kulingile kwabo ukupilibulwa.

⁹⁷ Mwatila, “Cisuma, Munyina Branham, nalishiba uyu mwanakashi umbi uwikala kuno lubali, cinshi, tatalile ukucite cintu nangu cimo icalubana. Wene mwanakashi umusuma. Atemwa, uyu umwaume wa musango *uyu-no-uyu*, wene mwaume umusuma. Tacita icintu nangu cimo. Mwalishiba tacena umuntu nangu umo.” Cilya tacipilibula icintu nangu cimo. Kuti limbi abo umwina mupalamano umusuma, lelo tali Umwinakristu mpaka afyalwa cipya cipya.

⁹⁸ Yesu atile, “Kano fye muntu afyalwa cipya cipya,” Yohane uwa Mushilo 3, ukutila, “tekuti nangu amone Ubufumu.” Nombamba, cilya cilepilibula, *ukumona*, cilepilibula “ukwiluka.”

⁹⁹ Nga mwalolekesha pa cintu icili conse, no kusosa, “Nshilecimona fye.” Mulepilibula ukutila tamucilwike.

¹⁰⁰ Umuntu tekuti eluke umulandu abantu ba pundila. Umuntu te kuti eluke umulandu ululimi lwa muntu lwinga pilibulwa kabili kuti alandila mu ndimi. Umuntu wa cifyalilwa te kuti amone ifyo bukata bwakwa Lesa bwingesa pa menso ya muntu, kabili kuti amona icimonwa no kweba umuntu ifintu fimo, kabili ne fya kucita; ukulanda filye fintu ifili no kucitika, no kuteyanya ifintu ifili no kwisa fikilishiwa, nga filya Shikulu atucitile inshita ya bushiku mailo, nga filya. Mwamona? Mwamona? Amano ya—ya cifyalilwa yesha ukwelenganya. “Cisuma, cinshi ico acitile? Atemwa, bucenjeshi bwa musango shani alebomfya? Malele ya musango shani

akwete?” Ukumona umuntu ukulandila mu ndimi, kuti basosa . . . kabili umuntu umo ukwilula no kulanda fye cilya cine kuli umo membala uwa mu Mubili ifyo bacita, kabili ifyo tabalingile ukucita. Mwamona? Mwamona? Batontonkanya ukutila bu cenjeshi bumo. “Kuliko icintu cimo icabikwa pakati ka bena.”

¹⁰¹ Te kuti beluke mpaka ulyo muntu afyalwa cipya cipya. Lyena ilyo afyalwa cipya cipya, lyena esa mukuba munshila iye senge, pantu wena cibumbwa cipya. Kulyo kutunganya ukwa kale, imibeke ya kutwishika alimo, yali fwa. Nomba, wene cibumbwa cipya. E ico, mulemona, talingile ukulundako icintu icili conse ku cakwe, nomba, pantu cili no kuilunda icine ceka.

¹⁰² Moneni, mulingile ukufyalwa cipya cipya. Kabili ilyo mwafyalwa cipya cipya, tekuti mufyalwe cipya cipya ukwabula ukukwata icitetekelo. Cilya cishinka. E ico, mulemona, pa cikope candi pano, ninkwata umufula wine, icitetekelo e mufula wa conse fye. “Pantu ukwabulo kutetekela tekuti kube ukutemuna Lesa. Uyo upalamina kuli Lesa ali no kutetekelo kuti eko Ali, kabili no kuti aba kalambula wabo aba Mufwaya no mutima onse.” Mwamona? Alingile ukuba. Kabili ilyo ukwete ukutwishika pali Baibele, ilyo ukwete ukutwishika pa Cebo ukuba ica lungama, kuti cawama fye no kwikala fye mpake ntanshi wa cicetekela.

¹⁰³ Ulubembu cinshi? Ukukana cetekela. Kwaba fye ifintu fibili ifitungulula umuntu. Cilya caba limbi ukutwishika atemwa ukucetekela, cimo atemwa icibiye. Mwalikwata cimo icitungulula ubumi bweni. Caba fye umusango wa citetekelo ico mukwete, ifyo mwinga ya pa mulu.

¹⁰⁴ Lelo, intanshi, cilingile ukube citetekelo. Lekeni njikale pali ulyo mufula pa kashita. Nomba, icitetekelo e cintu ico mulingile ukucetekela. Icitetekelo ni cinshi. . . “Icitetekelo e shintililo lya fintu tulecetekela.” Cena caba, na mucikwata kale ilyo mukwete icitetekelo, pantu cisokololwa ku citetekelo. “Icitetekelo e shintililo lya fintu tulecetekela,” Abahebere 11, mwamona, “ni nte.” Cena ni cinshi? Ni nte ya musango shani? Inte iya mushilo.

¹⁰⁵ E ico kanshi, ilyo musosa, “Munyina Branham, nalicetekela ukutila Lesa ni kondapa.” Cisuma, nga mwalicetekela cilya, elyo kabili mwa Musumina nga kondapa wenu, kabili tamulebepa, lelo mucine cine ukucetekelo kutila ku filaso Fyakwe mwaliposhiwa, takuli nangu cimo icili no kumufumyako kuli cena. Cena cintu icapwishiwa. Nomba kuti limbi mwakwete subilo, uku twalilila fye ukubutukila kuli *ici* kabili ukubutukila kuli *cilya*. Lelo ilyo mukwete icitetekelo, mulacishiba, pantu cena ni nte. Namucikwata kale. Nali. . .

106 Nibanga, uyo onse, uwacumfwa Oral Roberts muno lucelo, ilyo acilashimikila muno lucelo, Oral Roberts? Na—na cimufwa ukusose cintu cimo atemwa cimbi palwa kutila kwaliba icitetekelo, cilya icakupokolola, ukupepa ipepo lya citetekelo, ilya kupokolola. Acitila, “Beni abakucipokelela pa kwikata icilimba, beni abakucipokelela pa ku kumya icintu cimo, pakutila...” Umwaume acilacita cilya, pakutila cingapela abantu icintu cimo ico benga bikapo amaboko yabo. Icintu cimo, mwingasosa, “Ni ncikwata nomba, pantu acinjeba ukwikata icilimba candi. Ni ncikwata.” Mwamona? Nomba, cilya cili fye bwino. Lelo, nomba, icitetekelo icituntulu ica cine tacilingile ukwikata icintu ica musango filya. Nomba, nshile ebaula Munyina Oral, awe nakalya. Ena alebomba umulimo ukalamba, kabili umuntu umulungami, kabili ine—ine mucine ndatontonkanya ifingi pali Oral Roberts. Cintu ca bipa nganshi tatwakwata abengi na bambi.

107 Lelo ico ndeesha ukusosa, ukutula—ukutula, icitetekelo tacifwaikwa icintu icili conse. Mwamona? Icitetekelo cicetekela Icebo cakwa Lesa. Pantu icitetekelo cisa ku “kwikata”? Awe? “Icitetekelo cisa mu kumfwa, kabili ukumfwa Icebo cakwa Lesa.” Cilya cilacikasha. Cena ciba palya. Mwamona? Kabili icitetekelo, nge fyo nsosele, tacakwata ukwalepa kuli cena. Icitetekelo ni ino ine nshita. Icitetekelo cili muno. Nomba kwati nga kuliko umuntu umo . . .

108 Kalya kanya akanono, ubushiku bumbi. Ulya na cifyashi uo Nkanshi Kidd na balya balandilepo, ulyo wakwete akanya kanono na mala kunse, ukwabula ukubo ukwaisuka kwi bula, ku kufuminapo ifya kulya. Nomba, uyu na mayo, ukumfwa Nkashi Kidd na bena ukupelo bunte, alicetekelo ukutula nga kuti kwabo kulanshanya, kabili na pepela kalya kanya. Nomba, mwamona, Lesa alatupela ifwe fwe bantu . . .

109 Ifwe bamo twalikwata ifya kwishiba na Lesa, mu—mu butuntulu nganshi icakutula Lesa esa mukuba fye ngo kuya uku, kwati, no kulalanda kuli Munyina Neville atemwa umuntu umo uo mwaishibana nankwe. Kabili ifwe inshita shimo tulepusha balya bantu ukutupepelako. Cilya eco tulingile ukucita. Elyo nga natukwata icitetekelo ica kutila ulyo mwaume atemwa ulyo mwanakashi, uyo onse uletupepelako, alelanda kuli Lesa, lyena icitetekelo cesu cilekata. Cilekasha. E cicipwisha.

110 Pano. Umwina Roma aile mu kukumanya Yesu. Kabili atile, “Ine—nshili uwalinga ukutula Mwingesa mwisamba lya mutenge wandi. Nshili. Ine—nshili uwalinga. Kabili ine—nshacitile . . . Ine—nshiipenda muli ulyo musango. Lelo,” atile, “umwana wandi mulwele sana. Kabili Imwe soseni fye Icebo, mwamona, kabili umwana wandi ali no kuba no mweo.”

111 Cali ni cinshi? Ukulepa takwapangile ubupusano. Mwamona? Pantu, Lesa aba konse konse. Lesa wa maka yonse. Kabili ukuli konse ukwaba Lesa, amaka yalabako kulya. Kabili Lesa, ukuba uwaba konse konse, cilya cilalenga Lesa ukuba konse, apali ponse. Mwamona? Lesa aba fye umukalamba mu Germany, mu Switzerland, kabili kulya mu Africa, ino ine fye miniti, nge fyo Ali muno mwine. Owe! Mwacimone ci.

112 E ico nomba atile, “Nshili uwalinga ukutila Mwingesa mu nga’anda yandi. Soseni fye Icebo.” Cali ni cinshi? Cali icitetekelo ica ulyo mwina Roma. Alicicetekele.

Kabili Yesu atile, “Kabiye kumobe. Umwana obe ali no mweo.”

113 Kabili alile, ubulendo bwa nshiku shibili. Kabili ubushiku ubwa konkelepo, ilyo talafika ku ng’anda, alikumenye bamo ababomfi bakwe baleisa. Kabili batile, “Umwana obe mutuntulu.”

114 Kabili umwina Roma alisansamwike nganshi, mpaka asosele ukuti, “Ni nshita nshi iya kasuba ilyo atendeke ukumfwa bwino? Ciputulwa nshi ca kasuba?”

Atile, “Nalimo ora iyalenga ikumi limo na cimo, elyo atendeke ukubo mutuntulu.”

115 Kabili umwina Roma alishibe ukutila yali ni ilya ine nshita ilyo Yesu asosele, “Umwana obe ali no mweo,” kabili alicetekele. Ameni.

116 Amaka yonse, konse konse, ukwishiba fyonse, ukwishibila libela, ulya e Lesa. E ico, ilyo batuma lamya no kusosa, “Pepeni!” Kulyo kulanshanya! Kabili icitetekelo cenu cilaleta Lesa. Cilya e cintu icileta ipepo na Lesa, capamo; mukumonekela. Ipepo! Icitetekelo cilapilibula ukufuma *apa* ukuya *apa*. Cilacileta capamo.

117 “Soseni Icebo. Icintu fye ico ndefwaya Imwe ukucita kusose Cebo, kabili na fyonse fyalaba bwino.” Mwamona, Talingile ukuba kulya. “Soseni fye Icebo.” Cinshi? Lesa aba konse konse. Wene wa maka yonse. Ali fye uwa maka pe samba lye sonde nge fyo Ali pa mulu we sonde, atemwa kumbali shonse. Wene ni Lesa. “Kabili icintu fye cimo ico Mulingile ukucita kusosa fye Icebo,” eflyo asosele.

118 Kabili, nomba, icitetekelo cilacita conse icashala. Icitetekelo cilacita icashala. E ico mulingile ukukwata icitetekelo ngo mufula. Ubwinakristu bonse, fyonse fintu mwaba, fyonse ifyo mukatala ukuba, fyaba ifya kushintilila pa citetekelo mu Cebo. Ulya e mulandu wine nacetekele Cebo. Mwamona?

119 Tekuti mbike icitetekelo pa cintu cimbi icashala. Nga nali no kucibika pa lukuta, ni pa lukuta nshi epo ninga cibika:

Katolika, Lutheran, Methodist, Baptist, Pentecostals? Nipesa apo ninga cibika? Nshishibe. Bonse ni bakatwishika kabili na fyonse fye, ukupilibula ifishilwa, kabili na fyonse fye.

¹²⁰ Lelo ilyo na bika icitetekelo candi mu Cebo Cakwe, cilekasha. Takuli nangu umo uwinga Cilula. Ici Cili pano, EFYO ASOSA SHIKULU. Elyo ndacetekela Cilya. Palya epaba ishintililo.

¹²¹ Shing'anga umunono muno mu sumba, umutemwikwa wandi, Doctor Sam Adair. Twali abalumendo capamo. Imwe bonse mwali mwishiba Sam. Kabili atile kuli ine, atile, "Bill..." Panuma ilyo cilye cimonwa caishile, nalimwebele incende yakwe uko akakula, ifyo ikamoneka. Nomba mukaye mulya, no kumwipusha inshita imo nga cilya te cishinka. Imyaka ibili atemwa itatu ilyo tacilacitika, nalimwebele uko cikabela. Natile, "Ukaba fye uwa kusenda mupepi fye ulyo mudada uwa musumba." Kabili tapali kano fye icintu cimo pakati ka ena na cilya, kabili na cilya ni ilya incende balewamya. Doctor Adair nakwata yonse iya yena, no kupange miti. Epela fye. Doctor Adair afikilishe cilya filya fine fye, cilye cimonwa. Kwisa, incende iyo asosele, "Tekuti ibomfiwepo pa myaka amakumi yabili na fisano. Caba mu cilye.

¹²² Natile, "Doctor, Shikulu aipela kuli iwe, pa mulandu wa kuicefya kobe."

Atile, "Nshili musuma."

¹²³ Natile, "Ni we fulwe. Walikwata icipapa kunse, icipapa ico wingalolekesha pa ba nobe kunse uku, lelo mukati uli muntu umwine mwine. Fuma muli ico cipapa." Natile, "Lesali pela cilya kuli iwe."

¹²⁴ Atile, "Nshatala uku kutwishika, Billy, lelo ningile ukutwishika cilya."

Natile, "Kabiye ku ofeshi lyobe." Kabili e ico aliile.

¹²⁵ Ulucelo ulwa konkelepo, ali njitile, atile, "Impepo na injikatisha."

¹²⁶ Natile, "Cinshi icilecitika?" Cali ni mu July. Natile, "Cinshi icilecitika, Doc?"

¹²⁷ Atile, "Ni nshita kale incende, Billy. Balikwete ukulanshanya ubushiku mailo mu Boston, kabili ni nshita kale incende muno lucelo."

Natile, "Nalikwebele."

¹²⁸ Nali kulya ubushiku bumbi, ukulanda kuli wene. Ilyo imfuti yapokeke mu cinso candi... Atile, "Ndeelenganya nalilanda ici ku bantu amakana abesa muno, filya fine." Cena ni cinshi? Nomba, ilyo Lesa alanda icintu icili conse, cilingile ukucitika.

¹²⁹ Mailo mu cungulo bushiku abanandi bamo balishile. Balyumfwile pali cilye cimonwa palwa nama iitwa caribou iyo yakwete amasengo ama inch amakumi yane na fibili, kabili bere uwa mu mpili uwa masengo ya silvere. Nshaishiba ni banga abantu abaisa ku ng'anda, abafwaya ukumona cilya. Natile, "Ici pano ica kupiminako. Mukapime ku masengo." Alicumfwile ukulandilwa libela ilyo tacilacitika. Mwamona? Cinshi? Ilyo Lesa asosa icintu icili conse, cilingile ukucitika. Ulya e mulandu wine, cashintilila.

¹³⁰ Nomba, ili *pano* ipange lye pusukilo. Elyo kabili nga cakutula icimonwa Cakwe cacitike mu kupwililika, filya fine inshila basoselamo ukutula balacita, kabili luno lukuta muno lwalishiba cilya cishinka, elyo nga palwa Cebo Cakwe. Mwamona? Cilya cintu ca shininkishiwa nganshi ukucila icimonwa. Nga cakutula icimonwa tacilelanda pamo ne Cebo, lyena icimonwa cintu calubana. Lelo cena Cebo, intanshi, pantu Icebo ni Lesa. Mwamona? E ico, Wene aba konse konse. Asosele cilya kuno, kabili alengele ukuti cifikilishiwe mu Canada. Ameni. Mwamona, Wene aba konse konse. Cili fye bwino.

¹³¹ Intanshi, mulingile ukufyalwa cipya cipya. Elyo kabili ilyo mwafyalwa cipya cipya, mulakwata icitetekelo; mulacetekela Icebo. Mpaka ilyo mwafyalwa cipya cipya, mukala cisusha Cena. Nga cakutula umutima wenu walola fye kuli bukapepa, kabili—kabili namukwata a—a—amano ayanono aya buntu aya kuti mulecita icalungama, tamwakatale ukusuminishanya pa Cebo cakwa Lesa. Tamwakatale ukucicita. Mulingile ukufwalwa cipya cipya. Kabili, ukufyalwa cipya cipya, cilaleta icitetekelo. Cili fye bwino. Kanshi, panuma ilyo mwakwata icitetekelo, ici icili *apa* pene, i-c-i-t-e-t-e-k-e-l-o, icitetekelo, elyo mulaba fye mucifulo ica kukula.

¹³² Nomba, abantu abengi balaya ku cipailo, no kupepa, no kusosa, "Shikulu, mbeleleni uluse." Kabili ukwishibo kukalamba kwakusangululwa kulesa pali bena, kabili ne fintu. Elyo mulakwata inshita ikalamba, mulafuma pa cipailo, mulebikisha. Mulabwekelamo, no kusosa, "Lesa acindikwe, ni nkukwata." Iyo, elyo mutendeke fye mu cifulo ica kukula. Ta mulacita icintu nangu cimo nakalya. Mwamona? Icintu fye cimo ico mwacita kutantika fye umufula.

¹³³ Nomba mwalatendeka ukukula ing'anda, kabili mulabika umufula, no kusosa, "Mune, ninjkwata." Mwamona? Namukwata umufula uku kulapo ing'anda yenu. Nomba mulingile uku kula ing'anda.

¹³⁴ Nomba palya epo icintu cileishilamo, muno lucelo, ico twalalandapo nomba. Cili fye. Ing'anda, uyu mufula e wa ntanshi. Ngo mufula wa Bwinakristu ni cinshi? Icitetekelo mu Cebo cakwa Lesa. Ulya e mufula wenu. Lyena mulatendeka ukulakula. Lyena mulatendeka, ukulunda kuli uyu mufula.

¹³⁵ Nomba, ukukula ing'anda, mulabika ifya kwiminikilako fyenu na fyonse ifyashala. Munyina Woods, na bamo aba bakalipenta na bakakula ba mayanda muno kuti batweba ifyo mwinga kula ing'anda yenu. Mwamona? Lelo nalamweba ifyo mwinga kula ing'anda yenu iya bumupashi, umo Lesa ekala. Afwaya ukwikala muli imwe. Alefwaya ukumulenga imwe nge fyo Aba. Afwaya imwe ukulangishiwa, ukulangisha, ntile, Ubuntu Bwakwe.

¹³⁶ Namwishiba, munshita ya kale ilyo balepanga golde, ilyo tabalakwata ilungu ukulyoca, bale umaula golde, ukumako ulukungu, icela no mukuba ne fintu, ukufifumyako, kabili ukutwalilila ukumaula, kabili ukuipilibula, no kumaula. Bansamya balacita nomba, ukufwantaula golde, kabili balayumaula. Namwishiba ifyo bengeshibo kutila icela conse na cifumako kuli yena, kabili ne fiko fyonse ne fintu, kabili no lukungu na fifumako kuli yena? Ilyo ulya uwaleumaula kuti amona imimonekele yakwe, nge cilola, muli yena. Yali iya busaka kabili iya moneka bwino mpaka yalangeshe uwa leumaula.

¹³⁷ Ilya e nshila Lesa acitilamo. Alasenda golde iyo Asanga mwi sonde, kabili Alayumaula, ku Mupashi wa Mushilo, alaipilibula, no kuipilibula, no kuipilibula, kabili ukuyumaula mpaka (Apokelela) Wene kuti amona imimonekele Yakwe. [Munyina Branham atotele ndupi shakwe imiku cine konse konse muli ci ciputulwa ce lyashi—Ka.]

¹³⁸ Kabili cilya eco tulingile ukucita, ukulangisha Umwana wakwa Lesa. Kabili nomba tulingile uku cita umulimo Wakwe. Atile, "Uyo uwacetekele muli Ine..." Yohane Washila 14:7, "Uyo uwacetekele muli Ine, imilimo iyo Ncita nao akacita." Muletendeke ukulangisha imilimo yakwa Kristu.

¹³⁹ Lelo fwebengi ifwe tulesha ukucita imilimo yakwa Kristu lintu ukumoneka kwa kwa Kristu takulaba muli ifwe. Nomba palya epaba ubwafya. Tulesanga filye fintu ukucitika. Mwalicishiba. Nalicishiba. Tulamona aba, balawa mukati ka nshila. Tulasanga umwina uwa fisoso uwa bakashimikila, Abenakristu, na bakolonganikwa mu mbali ya musebo, ni pa mulandu tabaile muli cena bwino.

¹⁴⁰ Kabili uyu e mulandu wine mbelele pano muno lucelo, ukwasha ukusambilisha ulu lukuta ulunono, na ine wine, ifyo kutila twingaba incende iya kwikalamo Lesa uwa mweo. Nibanga abalefwaya ukuba filya? [Ulukuta lwatila, "Ameni."—Ka.] Incende iya kwikalamo Lesa uwa mweo!

¹⁴¹ Nomba ici pano ico tucita. Ni cinshi icintu ica ntanshi? Ukukwata icitetekelo, no kufyalwa cipya cipya. Kulya e kutantika umufula.

¹⁴² Kanshi, panuma ilyo twatantika umufula, ica cibili mulalundako ku mufula wenu. "Lundeniko ku citetekelo

cenu,” Petro atile pano. Lundeniko ku cenu...Intanshi kwateni icitetekelo, elyo lundeniko ubulumba ku citetekelo cenu. Uyu e mushilwa umbi. Intanshi, tantikeni umufula wenu, icitetekelo. Elyo, ku citetekelo cenu, lundeniko ubulumba.

¹⁴³ Nomba, palya pene cilatuposa panshi fwebengi. Ee, mukwai. Ee. “Lundeniko ubulumba ku citetekelo cenu.” Ico tacipilibula ukwikala fye ubumi bwa bu nasisungu, namwishiba, nga filya umwanakashi atemwa umwaume, kabili na fimbipo. Cilya tacakwatapo nangu cimo icakucita na cilya.

¹⁴⁴ Baibele itila, twalibelengele umu mwi Buku lyakwa Luka, apo Yasosa, “Ubulumba bwafumine muli Wene.” Cishinka ico? [Ulukuta lwatila, “Ameni.”—Ka.] Nga tuli no kuba nga Wene, tulingile twakwata ubulumba, kanshi. Tulingile twabukwata, ukuba nga Wene. E lwimbo ulwa kubalilapo ulo natala ukutemwa, mu nyimbo, lumo pashapulishapo, lwali, “*Ukuba Nga Yesu*. Cisuma, nga ndi no kuba nga Yesu, ningile ukukwata ubulumba, kabili umwakupitila pa kutila kuti waya pantanshi ukufuma kuli ine ukuya ku bantu. Pantu, “Ubulumba bwafumine muli Wene ukuya ku bantu.” Ubulumba! Kabili ilyo tamulabufumya, mulingile ukubukwata intanshi. Nga ta mubukwete, te kuti bufume. Takuli icintu nangu cimo umu bwingafumina.

¹⁴⁵ Inga cakutila umuntu umu alefwaya ukufumya ubulumba bumo muli ifwe, kabili ceke kuti yabwekela “indalama shinono”? Mwamona? Iyo, iyo, takuli nangu shimo kulya isha kufumyako, ceke yafilikwa. Umuntu umu kuti alolekesha pali imwe ngo Mwinakristu, kabili mailo aisamwmona imwe ukulacite fintu ngo mubembu, takuli ubulumba ubwingi ubwingafumishiwa muli cilya. Mwamona? Cishinka.

¹⁴⁶ Ubulumba bulingile ukuba muli ifwe. Kabili mpaka twakwato bulumba...Lyena ilyo twakwata ubulumba ubwa cine, kuti twabulunda ku citetekelo cesu. Ulya e mufula wa cibumba cimbi. Nomba, intanshi mulingile ukukwata icitetekelo. Icitetekelo ceka tekuti cicite. Mulingile...Petro atile, “Elyo lundeniko ubulumba ku citetekelo cenu.” Mulingile ukukwata ubulumba, pakutilla mwinga bulunda ku citetekelo cenu.

¹⁴⁷ Nomba, kanshi, limbi kuti caba, umulandu twamwabukwatila, ni pa mulandu inkuta ishingi ilelo shimusambilisha ukutilla ta mulingile ukubukwata, atemwa inshiku sha bwena shalipita. “Tabalingile ukubukwata. Icintu fye cimo mulingile ukucita kuilunda fye ku lukuta. Ee, inshiku shalipita.”

¹⁴⁸ Ubulumba, umuntu onse alishiba ifyo ishiwi ubulumba lipilibula, mwamona, kabili tulingile ukubukwata. Ngo bulumba bwafumine muli Wene, ku kuposha umwanakashi uwali umulwele, Alesubilo bulumba bumo bwine mu Lukuta

Lwakwe, pantu Wene ali icilangililo cesu. Kabili nga Wene alikwete ubulumba ubwa kupela abantu, Alesubila ifwe uku kwata ubulumba ubwa kupela ku bantu. Kabili ubulumba cinshi? Ubulumba e bukose, maka.

¹⁴⁹ Bamo muli bena tabacetekela nangu ni mu maka yakwa Lesa. Batila, “Cilya—cilya—cilya calipita. Cintu fye ceka ico mulingile ukucita kubika fye ishina lyenu pe buku, kabili no kusanswa, atemwa ukwitilwa, atemwa ukubatishiwa, atemwa ifintu na fimbi. Kabili filya fye fyeka eflyo mulingile ukucita.”

¹⁵⁰ Lelo Petro atile apa, “Lundeniko ubulumba.” Nomba, Petro alelanda palwa ku kula Ing’anda yakwa Lesa, mwamona, Itempile lyakwa Lesa, ukuitantika mu ncende. Kabili panuma ilyo mwakwata ubulumba, mulingile ukukwata. . . Panuma ilyo mwakwata icitetekelo, mulingile ukukwatako ubulumba kuli cena. Cilya cishinka. Kwateni ubulumba ubwa kupela isonde lyonse.

¹⁵¹ Nalishimike mbila nalimo imyaka amakumi yabili iya pitapo, ndemoni, pali Rev. Mr. Cananika. Cananika, kacema. Naifumishe mwi Lembo apo Yesu asosele ukuti, “Lolekesheni bacananika, ba mu mpanga ifyo bamena tabacucutika nangu ukupikula. Lelo ndemweba nati, Solomoni mu bukata bwakwe bonse tasamikwe nga umo uwa muli bena.”

¹⁵² Lolekesheni kuli cananika. Afumina mulya mukati ka matipa. Kabili cila miniti mukasuba alingile ukulanwa ukufuma mu mushili. Mwamona? Kabili cinshi ico ena acita no bu bulumba ubo anwa? Alabupela. Alapanga imimonekele isuma kuuletamba. Alaiisula umwine ku buci, ku lushimu ku kwisa no kwisa senda iciputulwa ca iko. Tailishanya. Yaishile bukwata fye, ku kubupela. Inga cakutila ulushimu lwalishilemo mulya; indalama shinono, takuli ubuci? Lulyo lushimu ulunono kuti lwafwena pa mutwe lwaluko no kusosa, “Ni cananika wa musango shani ulya?”

¹⁵³ Ngo muntu aleisa, ukwasha ukusanga ipusukilo, ukuya ku lukuta ulucetekela ukutila inshiku sha fisungusho shalipita?

¹⁵⁴ Nga filya Jack Coe inshita imo asosele. Ukwingila mwituka ilya kulilamo, no kukwata icakwishibishapo ica fyakulya ifingi; atendeke ukulabelengapo, inama ya Mafupa ne fintu. Atile, “Nalalya inama ya Mafupa.”

“Cisuma, ilya yali iya bushiku ubwa mailo. Tatuikwete.”

¹⁵⁵ Kuti cawama ukubika panshi icakwishibisha ica fyakulya no kufuma panshe, mwamona, cilya cishinka, pantu tabakwete nangu cimo icakulya, nangu cibefyo. E ico kuti cawama mwaya kwituka lya fyakulya uko bakwete ifintu fimo ifyakulya.

¹⁵⁶ Kabili umuntu uwa bu mupashi, ukulakula, afwaikwa icintu cimo icakulyapo. Cilya Cebo cakwa Lesa. Nalicetekela Icebo conse ica Cena.

Lesu nakwata itebulo ilyaanshikwa apo aba
mushilo bakwa Lesu balishiwa,
Alelalika abantu Bakwe abasalwa, “Iseni
mulye.”

Na mana Yakwe Wene alalisha, Alaturupela
icakukabila cesu conse,
Owe, cintu cawama ukulya pamo na Yesu
inshita fye yonse.

157 Cilya cishinka. Ee, mukwai. Wene na Cikwata. Ulukuta na
Lucikwata, Ulukuta ulwa kwa Lesu uwa mweo, ulu lwakulwa
muli uyu muntu uwapwililika, mu kwishiba kwa kwa Kristu.
Nomba, nomba mulingile ukukwata ubulumba.

158 Naishile sosa nati, icintu cakubalilapo na mwishiba, kuliko
umuntu umo uwatemwa ukununsha icinunko. Tali
uwakuitemwa. Nakwata icinunko. Ilyo talakwata icinunko,
alingile ukucikwata. Ilyo talapela ubuci, alingile ukubukwata.
Ilyo talapela ukuyemba, alingile uku kukwata.

159 Ilyo ta mulapela ubulumba, mulingile ukubukwata. E ico,
lundeni ku citetekelo, cenu ubulumba. Amen. Muleumfwa?
Kuti twaikala pali cilya inshita itali, lelo inshita yesu kuti ya
tupwila ifwe. Ukulundako ubulumba ku citetekelo cenu.
Nomba, ica ntanshi citetekelo, elyo ubulumba.

160 Elyo kabili, ica citatu, mulalundako ukwishiba.
Ukwishiba, nomba, cilya ta cipilibula ukwishiba ukwe sonde,
pantu bulya buwelewele kuli Lesu; lelo ukwishiba ukwa
kupingula, ukupingula (icinshi?) icalungama ukufuma ku
cilubo. Musango nshi mucipingwilamo, kanshi, nga
mwalikwata ukwishiba ukwa Bwinakristu no bulumba bwenu
ne citetekelo? Mulapingula nga cakutila Icebo cili icalungama
atemwa icalubana. Kabili nga kuti mwabika kumbali
ifisumino fyenu fyonse, kabili ukukana cetekela kwenu konse,
icintu conse ico musoso kuti mwalicita, lyena mulakwata
ukwishiba ukucetekela ukutila, Lesu tekuti abepe. “Lekeni
icebo ica muntu onse cibe ica bufi, lelo Icandi cibe icacine.”
Mwamona? Nomba mulekwata ukwishiba. Kulya kwishiba
ukwa pulamo. Tamulingile ukukwata no kuba na ba degree
bane ku college imo, atemwa icintu cimo icapala nga filya, ku
kukukwata, pantu yonse aya ma bulumba yapelwa kuli imwe
na Lesu, ku kubika pa mufula wa citetekelo cenu, pakutila
mwingesa mu munshiku utuntulu uwine wine, umuntu uwa
mweo uwakwa Lesu. Ee, mukwai.

161 Lundeniko, lundeniko kwishiba, pantu, ukwishiba ukwa
Cebo Cakwe. Mulingile ukucitetekela muli uyu wine musango.
Icapala nga, mulingile ukucetekele lelo ukutila i...kabili
cisuminineni, ukutila inshiku sha fisungusho tashapita.
Ukwishiba ukutila ifyo Lesu asosele, Lesu ali uwalinga
ukuficita.

162 Abraham acetekela cilya. Kabili ilyo ali ne myaka ya kufyalwa umwanda umo, tatenshiwe ku bulayo bwakwa Lesa mukukana cetekela. Lolekesheni... [Tapali kantu pa tepu—Ka.] Lolekesheni ifyo cilye Cebo camoneke ica buwelewele. Uyu pano mwaume, imyaka yakufyalwa umwanda umo, ukulolela umwana ukufyalwa mu ng'anda yakwe, ku mwanakashi uwa myaka ya kufyalwa makumi pabula. Mwamona. Mupepi fye ukuciluka imyaka amakumi yasano iya kufyala, alikele pamo nankwe ukutula ilyo ali u—umukashana, atemwa icimo ca musepela. Kabili uyu ali pano, mwakupita bumi mwakwe mwali fwile. Kabili ifumo lyakwa Sarah lyalilekele ukubomba. Kabili isubilo lyonse lyalipwile, cikulu fye lyali lisubilo. Lelo, nalyo line, ukwabule subilo, acetekela mwi subilo, pantu alikwete ukwishiba ukutula Lesa ali uwalinga ukusunga icili conse ico Alaile.

163 Nomba, ilyo mwakwata cilya filya fine, elyo lundeniko cilya ku citetekelo cenu. Ilyo mwakwata ubulumba ubwa cine, lundeniko ku citetekelo cenu. Ilyo muleenda umu mu musebo, ikaleni ngo Mwinakristu, citeni ngo Mwinakristu, beni Abenakristu, lundeni cilya ku citetekelo cenu. Ilyo mwakwata ukwishiba . . .

164 Mwatila, “Cisuma, nshishibe nomba nga cakutula *ili* Ilembo lili fye bwino. Nomba iyi pano Imilimo ya Batumwa 2:38, nshishibe ifya kubwekela na cilya 28:19. Nshishibe.” Cili fye. Ta mulingile—ukweshwa ukulundako icili conse, pantu ta Mulacikwata na nomba. Mwamona? Ni cinshi ico muli no kucita? Pantu, tamwakwata ukwishiba ukwalinga ukwishiba Lesa, na nomba, ukutula Baibele taitalika Iine. ILekeni yeka. Mwisosapo nakabili pali yena. Mwamona? ILekeni yeka.

165 Lelo ilyo mwingamona ukutula Amalemba tayaisusha ayene yeka, cilya kuti mwasosa cilya; kabili kuti mwamona, cilya, ku kusokololo kwa kwa Lesa, Icebo conse calembwa mu nkama, kabili ukwishiba fye kwa kwa Lesa e kwinga Cisokolola; lyena ilyo mwacumfwa no kusosa, suminisheni Icebo conse cakwa Lesa na “ameni,” elyo lundeni cilya ku citetekelo cenu.

166 Owe, muletendeka ukuba umuntu umusuma nganshi ino ine nshita. Mwamona? Muleisa bwino, mwamona. Na cinshi? Ne citetekelo, elyo no ubulumba, elyo ukwishiba. Mwamona ifyo cilekula uyu muntu? Kuti mwamona takuli—takuli inshila iya kucibutukilamo. Iyi e nshila iyakubela mu mushinku utuntulu wakwa Kristu. Ee, mukwai.

167 Ku kupingula, ukupingula ukwalungama. Ukupingula nga cakutula cili ica lungama atemwa icilubo, ukucetekela Icebo cakwa Lesa. Ukupingula nga cakutula cintu calungama atemwa icilubo, nga cakutula ningile ukubombele cisumino atemwa ukubombela Lesa. Ukupingula nga cakutula cena cintu calungama atemwa icilubo, ningile ukufyalwa cipya cipya

atemwa ukuilunda ku lukuta. Elyo mulantendeka. Ukupingula ukwa lungama, ilyo kashimikila asosa, “Inshiku sha fipeshamano shalipita.” Baibele itila, “Yesu Kristu aba cimo cine mailo, ilelo, no muyayaya.” Nomba ni cinshi ico muli no kucetekela?

¹⁶⁸ Ilyo mwasosa, “Nalasumina Lesa.” Nomba, tamusosa cilya pa mulandu wa kusosa fye, “Cisuma, ine—ine ni nalicisumina,” ukufuma fye mu mutima wandi. Lelo, icintu cimo muli imwe, icitetekelero cenu cilasunka mulya. Mwacimo ico. Icitetekelero cenu cisosa, “Nalishiba Aba cimo cine. Ameni. Nali Mumona umusango umo wine. Takuli nangu cimo icinga cifumya kuli ine. Nalishiba Aba umutuntulu.” Ameni. Elyo lundeni cilya ku citetekelero cenu. Cibikeni panshi pa mufula. Nomba ukwisa pa mulu, ukwisa ukulungama fye pa mulu ukulola ku Bufumu. Ukuya pa cifulo nomba. Cili fye bwino.

¹⁶⁹ Nomba, icintu icilekonkapo, kashimikila akamweba, kabili abantu abengi bakasosa, “I. . . Ifi fintu ifyo mubelenga muli Baibele, fyali ifya bushiku bumbi. Nomba, nalamweba umulandu. Pantu, tatukabila filye fintu ilelo. Tatulefikabila. Mwamona? Tatulingile. Tatulingile ukulacita filye fintu, ukundapa kwa Bulesa. Tatukwata ukulandila mu ndimi, mu calici, uku—ukusungo lukuta lwesu bwino. Kabili tatucita *ifi* fintu.”

¹⁷⁰ Twalaisa kuli cilya. Ninkwata Ilembo ililembelwe ulubali lwa kuno palwa cilya, mwamona, nga cakutila tulingile ukucicita na nomba nangu iyo, nomba.

¹⁷¹ Lelo mwatile, “Nshishibe. Tatulingile ukucita cilya ilelo. Icintu fye cimo ico ndetontokanya tulingile ukucita, tulingile ukusambilila ukulanda bwino ku cintu bwingi. Tulingile ukuya no kuleka shing’anga wa mashilu ukupima amano yesu, ku kumona nga kuti twaba abalinga ukuilangisha fwe bene, nga cakutila IQ ili pa mulu nganshi ku kucicita, kabili—kabili na fimbipo nga filya. Ndetontokanya. . . Kabili twalikwata inkuta ishikalamba nganshi. Twalikula akabungwe kesu.”

¹⁷² Tatulekula akabungwe. Nshili pano muno lucelo ku kukula akabungwe. Kristu tatalile ukuntuma ukukula akabungwe. Kristu antumine uku kula umuntu umo umo ku mu shinku wakwa Yesu Kristu, ukutila bengaba ing’anda iya maka kabili incende umwakwikala Umupashi, ku Cebo Cakwe. Ku Cebo Cakwe, mwamona, uku kula cila umo umo pali cilye cifulo. Te ku kula akabungwe ku cilonganino icikalamba, lelo uku kula umo umo ku bana baume na bana banakashi bakwa Lesa. Yalya e mano. Mwamona? Lundeniko ku citetekelero cenu, ubulumba; ubulumba bwenu, lundeniko ukwishiba. Cisuma, nomba muleisa ku cifulo.

¹⁷³ Nomba ilyo batendeka ukusosa, “Cisuma, tatulingile ukusumina cilya ilelo.” Mulingile ukucicita. Cilingile ukuba.

174 Amalembu tekuti yabepe. “Kabili teyakwilwila kumbali,” Baibele eflyo yasosa. Mulingile mwayacetekela mu musango Yalembelwamo Mulya. Mwamona? Mulingile ukukwata ifi fintu. Kabili inshila fye yeka iyo mukatala ukuyakwata, kukwata ukwishiba ukwa kufyalwa ukufuma ku Mulu. Kabili ukwishiba kwa kufyalwa ukufuma ku Mulu kuli no kushininkisha Icebo. Mwamona?

175 Mulingile ukucetekela, te kupanga ukucetekela. Tapali pali ifi ifyabo kupango kucetekela, mwamona, nga muleesha ukusosa, “Ni ncisumina.” Mwiesha ukuba icuni ica fita ukufwala amasako ya nduba muli imwe mwe bene, mwamona, pantu yali no kupona lilya line. Yena tayamena mu cifyalilwa mulya. Ya fyantikwamo fye.

176 Ndetontokanya apo Dabidi asosele mulya, Amalumbo 1, “Akaba ngo muti uwalimbwa pa tumilonga twa menshi.” Namwishiba, paliba ubupusano ukufuma mukulimbwa no kubikwamo fye, ukufyantikwamo fye. Ngo muti uwa kale uwa muterebinti, wali limbwa, uyo wingila panshi no kukwata ukwikatilila ukusuma. Aka muti aka kale akanono na kafyantikwa mulya, tamwishibe icili no kucitika kuli kena. Takakwete imishila. Takakwete umufula. Mwamona?

177 Cilya cili nga bantu bamo abalefuma ku serminary atemwa icintu cimo, mwamona. Tabalingile ukukwata... “Cisuma, Doctor *Kampanda-na-kampanda* anshishishe ine muli bukapyunga.” Tacipanga ubupusano nangu bumo ifyo cilya cali.

178 Kristu amufyele muli Cena, mwamona, mwamona, ku citetekelo cenu. Mwamona? Mulapilibulwa no kufyalwa muli cena. Elyo kabili panuma ilyo mwafyalwa muli cena, ifi e fintu ifyo Alesubila imwe ukulundako. Twalilileni fye ukulafilundako. Nomba tuleya fye tulekonka icishilwa.

179 Nomba kuli no kubako icintu cimbi kuli uku kwishiba, uko limbi twalalandapo, ukwishiba kwa bulesa. Mwamona? “Bushe Baibele muli buño bushiku na ilufya ubupilibulo bwa Iko?” Mwamona, bena, abantu abengi balamweba cilya, ukutila Baibele taipilibula fye filya fine fye. Nga cakutila Lesa alalolekesha pali ine, no ku nungamika ine mu lubembu lwandi, kabili nga ndi mwana wakwa Lesa, Alacita cilya. Alacitita kuli imwe muli ulyo musango, abana baume na [Tapali kantu pa tepu—Ka] bana banakashi. Nga mwacita icintu icili conse icalubana, Alamulungamika. Kanshi nga cakutila Lesa aliba uwaposako sana amano pali imwe, icakutila Alolekesha pali imwe no ku mulungamika, cipulemo Wene ifyo acita pa Cebo Cakwe, ico caba icilangililo cenu, ico caba Umwine!

Mukutendeka mwali Cebo, kabili Cebo ali pamo na Lesa, kabili Cebo ali ni Lesa. Kabili... aishilebo buntunse, no kwikala muli ifwe, . . .

180 Icebo ekusokolola kwakwa Yesu Kristu, Baibele eflyo yasosa, Kristu ukuisokolola mu Cebo Cakwe. Kabili nga cakutula Aolekeshu pali imwe ilyo mwatoba aya mafunde, Alamwebaula palwa cena, cipulemo ifyo wene Aolekeshu pa mafunde Yakwe ayo ayamwebaula! Ameni.

181 [Munyina Branham atote ndupi shakwe umuku umo—Ka.] Ukulaya fye, mune, winjeba ifintu ifya musango yo!

182 Nalicetekela mu kwine kwine, ukwishiba kwa Mupashi wa Mushilo. Ukwishiba kwa Mupashi wa Mushilo lyonse kuli no kusuminisha Icebo na “ameni.” Ilyo mwakwata ifi fintu ifimoneka nge fileisusha ifine, muli Baibele, ikaleni panshi no kufisoma, kabili munshila ya mapepo filya fine. Kabili icintu cakubalilapo namwishiba, Umupashi wa Mushilo ulatendeka ukwisamo. Panuma ya kashita mulacimona ukwisa capamo, kabili palya mulacikwata. Mwamona? Kulya e kwishiba.

183 Bamo muli bena basosa, “Cisuma, nombu, Baibele isoso kutila Aba cimo cine mailo, lelo no muyayaya.”

184 Kabili ulukuta lusosa, “Mu mano yambi, Aba cimo cine.” Huh-uh! Huh-hu! Imwe ni nshi na mutoba umupaka, palya pene fye. Mwamona? Ee, mukwai. Iyo, mukwai. Aba cimo cine. Ee, mukwai.

185 “Yesu Kristu aba cimo cine mailo, ilelo, no muyayaya.” Takwabo bupusano muli wene, nakalya. E kala mu Lukuta Lwakwe, ukucite cintu cimo cine. “Pa kashita akanono,” nge fyo na cibelenga pa kashita akapitapo, “pakashita akanono kabili isonde talya ka Mone nakabili, lelo nombu imwe muka Mona. Pantu,” Atile, “Nkaba na imwe, kabili muli imwe, mpaka ku mpela ye sonde.” Nakabili, Atile, “Imilimo iyo Ncita na imwe muka cita.” Nakabili, Atile, “Nkaba Umwangashi. Imwe mukaba imisambo.” Kabili umusambo wikalilafye ku Bumi bwa mu Mwangashi. Conse fye ico cili mu Mwangashi cifumina ukufuma mu musambo. Ubukata! Kanshi, “Kristu cimo cine mailo, ilelo, no muyayaya.” Cilaleta Ubumi bwakwa Shikulu Yesu Kristu. Ameni.

186 Ukwishiba; te kwa mwi sonde (kula tontonkanya). Ukwishiba ukuli konse ukwa mwi sonde kulatontonkanya. Mwamona? Lelo icitetekelo tacakwata ukutontonkanya. Lesa alasokolola kuli imwe icintu *cimbi—cimbi* cili no kucitika, uwa science onse mwi sonde kuti amweba, “Cintu caibela. Te kuti cicitike.” Mulacicetekela, ifyo fine. Mwamona? Ee, mukwai. Tacitontonkanya. Baibele itila, “Tulafumyapo ukutontonkanya.” Tamutontonkanya ne citetekelo. Icitetekelo tacakwata ukutontonkanya. Icitetekelo cileshiba apo cibebele. Icitetekelo cilabomba. Icitetekelo cilatwalilila ukwikatilila. Tekuti cisele. Takuli nangu cimo icinga cisesha. Nshilesakamana uyo onse ulesosa *ici, cilya, cimbi*. Tacisela,

nangu panono. Cilekalilila palya pene, ukulolela, ukulolela, ukulolela, ukulolela. Tacipanga ubupusano nangu bumo. Cilekalilila palya pene.

¹⁸⁷ Lesa aebele Nowa ifi fintu fili no kucitika. Ali cicetekele. Mwamona? Lesa aebele Mose ifi fintu fili no kucitika. Alicicetekele. Lesa aebele abasambi ifintu fimo fili no kucitika “Kabiyezi kulya ku Pentecost no kulolela.” Baikele kulya kwine. Ee, mukwai. Cisuma.

¹⁸⁸ Nomba, ukwishiba, nomba, te kwishiba ukwa mwi sonde, lelo ukwishiba ukwa mu Mulu. Kabili ukwishiba kwa mu Mulu, ilyo Lesa aba akafukauka aka kwishiba konse, kabili Lesa e Cebo. Elyo, nga mwalikwata ukwishiba kwa mu Mulu, mulacetekele Cebo, kabili mulatontonkanya icili conse ne Cebo.

¹⁸⁹ Kabili uyu mulandu wa musonko uo lukuta lwa bamo, atemwa na bamo. Umo muntu inshita imo, mukumfwa ukunono, alinjebele. Atile natile... “Balifililwe ukusanga icintu icalubana.” Kabili e ico batendeke uku... .

¹⁹⁰ Natile, “Cisuma, kanshi, nga takuli nangu cimo icalubana, cinshi tekuti mutaluke kuli ine?” Mwamona? Mwamona? Kabili nalitwalilile, ukumweba palwa Malembo yamo.

¹⁹¹ Atile, muntu umo mukalamba umukulu no mushanga mu kuboko kwakwe, atile, “Mr. Branham, ndikasambilila wa Baibele.”

Natile, “Ndi uwa nsansa ukumfwa ifyo.”

¹⁹² Atile, “Nomba ndefwaya ukwishiba ifyo aya malele, ifyo ulipilishishapo utu tutambala uto tuma, yalya malele ayanono aya kupepela pa tutambala no ku tutuma, tulya ‘utusalu utwasubwa,’ eflyo mutwita, ‘akasalu.’” Atile, “Elyo ulalipilisha tulya.”

Natile, “Iyo, mukwai. Takwaba ukulipilisha kuli twena.”

Kabili atile, “Cisuma, pali aya malele.”

¹⁹³ Natile, “Ulecito kuba amalele, mukwai. Wacinjeba ama miniti ayanono aya pitapo ukutila ni we kasambilila wa Baibele.”

Atile, “Nine.”

¹⁹⁴ Natile, “Mbelengela Imilimo ya Batumwa 19:11.” Ukwishiba! Aliketwe umwine eka mukati muli yena, aeseshe ukupilibula isambililo. Atile, “Elyo mbelengela Yohane 5:13.” Alifililwe ukucitika. Natile, “Elyo Yakobo 5:14.” Alifililwe ukucitika. Natile, “Bushe walishiba Yohane 3:16?” Mwamona? Ukwishiba, ukucenjela, isonde! Lelo ilyo... .

¹⁹⁵ Atile, “Lelo, Mr. Branham, muleesha ukweshya uyu mulandu kuli Baibele. Ifwe tulebwesha ukupitila mu mafunde ya calo.”

¹⁹⁶ Natile, “Mukwai, bushe amafunde ya calo tayashintilila pali Baibele? Lyena bupingushi.” Ameni! Mucine.

¹⁹⁷ Ukwishiba; te kwa mwi sonde. Ukwishiba ukwa bu mupashi ukwa Cebo, ukwishiba ifyo Lesa asosa, ukucita ifyo Lesa asosa, cilya cishinka. Elyo nga mwakwata filya kabili kuti mwacetekela fyonse ifi fintu, ukutila Wene aba cimo cine muli fyonse ifi fintu Icebo cilesosa kutila cishinka, mulasuminisha fyonse fye na “ameni.” Cili fye bwino. Lundeni cilya ku citetekelo cenu. Cilya cili fye bwino. Ee.

¹⁹⁸ Nga umuntu umo aasha ukumweba, ukutila, “Baibele yalilufya amaka ya iko. Takwaba icintu ica musango uyu ngo lubatisho lwa Mupashi wa Mushilo.” Huh-uh. Mwilundako cilya. Tacabombe. Calafumapo. Ngo kubika ibumba ku cilibwe, talyaikatilile. Lyalakambatuka.

¹⁹⁹ Elyo abantu balamweba, “Baibele tekuti isubilwe ilelo. Beni aba cenjela nombamba. Mwiesha ukuya mukucetekela cilya. Tekuti cibe icishinka.” Mulomfwa cilya inshita fye yonse. Insoselo inono, “Tekuti musubile Baibele.” Cisuma, nga—nga namukwata cilya mu mano yenu, tamulingile—tamulingile ukwasha ukucilundako, pantu tacabombe. Icikulwa conse cili no kuwa panshi palya pene.

²⁰⁰ Lulingile ukulundinkaniwa na Mupashi wa Mushilo. Ndepilibula uku kumbinkana capamo, indaka e icikakatika. Kabili icintu cimo cine icikakatika... Mwalishiba umusango...

²⁰¹ Tube iipya lyonse ilakokola sana ukucila imo iya kale iya kwata ifikamba. Icikabilila icinono cilesa pa cikamba ica kale ice taila, icintu cakubalilapo na mwishiba, cilalenga ilya itaela ukukabako panono, nga mwabutukishako, kabili cili no kusunguluka. Ee, mukwai. Mwamona?

²⁰² Kabili bulya e bwabo bwafya na bantu abengi ilelo. Besha ukubika ukwishiba kwabo pa kukwishiba kwa mwi sonde, no twakumbatikilako tumo utwa kale utwe sonde, kabili, ilyo amesho yaisa, “Cisuma, nalimo nalilufyenye.” Mwamona? Kabili umwela ulafumamo, mulapompoloka mu ma miniti ayanono. Ukubilikisha kwenu konse no kutoloka pa mulu na panshi takwamucitile ubusuma nangu bumo. Bantu bala mumona uku bwekela na kabili mu matipa yamo yene nakabili. Mwamona? Cilya cishinka.

²⁰³ Lelo nga mwaikala palya ne cikabilila icalinga ica Mupashi wa Mushilo mpaka calenga imwe na tube ukuba umo. Cilya e co. Imwe na tube mulaba umo. Ilyo mwaikala palya mpaka imwe no bulayo bonse ubwakwa Lesa muba umo, elyo lundeni cilya ku citetekelo cenu. Nga ta muleba, mwiesha ukucilundako nakalya.

Mulesosa, “Icebo tekuti cisubilwe.” Mwiesha ukulunda cilya.

204 Mulesosa, “Ubulayo bwabo mu, ubwa lubatisho lwa Mupashi wa Mushilo, lwalifye fye ku batumwa ikumi limo na babili,” nge fyo nkuta shimo shisosa ilelo, mwiesha ukulunda cilya. Palya epo umufula wabo wabela, uwa tobeka onse. Mwamona? Nga filya Usiah ali, mailo ubushiku, ilyo amwene umufula wa uyu muntu uwao asubilemo, onse ukutobeka, ukupumwa ne fibashi, tali usuma. Nomba, “Ku batumwa fye ikumi limo na babili, abatumwa ikuli limo ba babili beka.”

205 Nali kulya kuli Munyina Wright... Ndetontokanya bali kunuma kulya pa cifulo cimo. Inshita imo iya bushiku, kwaliko kapyunga kulya lubali, nalelanda, bakashimikila bane atemwa basano pamo. Uyu kashimikila alimine no kusosa, “Nomba, ndefwaya ukumweba mwe bantu abatemwikwa icintu cimo. Owe, ndetontokanya muli bantu basuma.”

206 Natile, naebele umuntu umo, natile, “Ulya ni—ulya ni umo uwikele palya pene. Moneni.”

207 E ico, Junior Jackson, kunuma kulya, elyo apwile fye ukushimikila. Kabili atile... aleshimikila pa kusenamina kwa kwa Lesa. Owe, mwe!

208 Alebilima munda, ukulolela. Aile kulya kabili aleesha ukwiluka. “Nomba, ndefwaya ukusoso kutila Mr. Branham pano, ndemweba, ni munkanyakristu.” Kabili ali twalilile fye filya fine, ubushiku bonse.

209 Bamo bakashimikila batendeke... Natile, “Lolela pali miniti. Nomba, mwisosa nangu cimo, ba munyina. Ena ali fye eka kabili ifwe tuli ibumba.” Natile, “Mulekeni fye abe nomba. Alelanda pali ine.” Nalecifwaya, ne mwine, ububi nganshi, nshaishibe ifya kucita. Mwamona?

210 E ico, atile, “Mr. Branham ni munkanyakristu,” kabili alitwalilile ukusosa ifintu ifili fyonse namwishiba, palwa. Atile, “Asosele palya, ‘Ulubatisho ulwa Mupashi wa Mushilo.’” Atile, “Baibele isoso kutila kwali fye ikumi limo na babili abapokelele ulubatisho lwa Mupashi wa Mushilo.” Ukulanda palwa kundapwa kwa Bulesa, “Abatumwa fye beka ikumi limo na babili balikwete ukundapwa kwa Bulesa.” Atile, “Tulanda apo Baibele ilanda, no kuba tondolo palya Baibele yaba tondolo.” Nalilolele mpaka alisabaile palya nalimo pali citika wa ora.

211 Natile, “Loleleni fye pali miniti. Ninemba ifingi sana pano,” natile, “mpeniko inshita ukwasukako yamo.” Kabili ilyo naimine, natile, “Mukwai, atile ukutula ena ‘alanda palya epo Baibele yalandile,’ ulukuta lwakwe efo lucita, ‘no kuba tondolo palya Yaba tondolo.’ Imwe bonse muli nte. ‘Ee.’” Natile, “Nomba, atile ‘Kwaliko fye ikumi limo na babili abapokelele Mupashi wa Mushilo.’ Baibele yandi isoso kutila kwaliko umwanda umo na makumi yabali, ibumba lya kubalilapo.” Ameni! Langisheni ukwishiba kwa musango filya, mulemona, ukutula aleesha.

212 Natile, “Kanshi ndemona Paulo tapokelele Umupashi wa Mushilo ilyo asosele ukutila alicitile.” Mwamona?

213 Natile, “Mulya mu . . . Ilyo Filipino aile kulya no kushimikila ku bena Samaria. Bali batishiwe mwi Shina lyakwa Yesu. Kano fye, Umupashi wa Mushilo wali taulaisa pali bena. Kabili balilaishe no kuya bula Petro na Yohane, balishile no kubike ndupi pali bena, kabili Umupashi wa Mushilo wa wilile pali bena. Ndemona balya bali fye abe kumi limo na ba bili?”

214 Natile, “Mu Milimo ya Batumwa 10:49, ilyo Petro ali pa mulu wa ng’anda, kabili alimwene cimonwa baleya kulya kuli Koneli’. Ilyo Petro acili alelanda ifi fyebo, Umupashi wa Mushilo wa wilile pali bena aba umfwile Cebo.” Atile, “Baibele icili ilelanda. Ngo lukuta lwenu luli kwi?” Kuti caba kunuma mu nshita isha shishi bantu. Cilya cishinka. Mwamona?

215 Natile, “Ukundapwa kwa Bulesa, wacisosa, ‘Abatumwa ikumi limo na babili beka balikwete ukundapwa kwa Bulesa.’ Baibele isoso kutila Stefano aile ku Samaria no kutamfya ifiwa no kundapa abalwele, kabili kwali ukusansamuka uku kalamba mu musumba. Kabili tali umo uwa be kumi limo na babili. Tali umutumwa. Ali ni dikoni.” Ameni. Ameni.

216 Natile, “Kabili Paulo tali umo uwa be kumi limo na babili uyo uwali mu muputule wa pa mulu, kabili alikwete ica bupe ica kundapa.”

217 Natile, “Lolekesheni fye ku fyabupe fya kundapa! Kabili ukuya pantanshi, panuma ya myaka amakumi yatatu, ali fye mulya mwine mu Korinti, ukushisha ica bupe ca ku ndapa mu Mubili uwakwa Kristu.” Owe, mwe!

218 Nomba, ukwishiba ukwa musango filya uko musambilila ukufuma mwi buku limo, mulingile uku kuposela mu ng’ungulu. Iseni ku kwishiba uku. Ilyo Lesa asosele, “Wene aba cimo cine mailo, lelo, no muyayaya,” soseni, “Ameni.” Ee, mukwai. Ee, mukwai. Teku bekumi limo na babili; ni kuli bonse. Ilyo mwakwata i—icitetekelo ica musango filya, ilyo icitetekelo cenu cacisuminisha, conse fye, na “ameni,” elyo mulesosa, “Cili fye bwino,” lundeni cilya kuli cena.

219 Ica bune. Twala angufyanya, pantu ndi fye . . . Cumfwika fye bwino ukwiminina pano no kulanda pali cena. Ameni. [Munyina asosa, “Tulecumfwa bwino.”—Ka.] Ee. Ica bune . . . Natotela.

220 Lundeniko “ukuiteka.” Owe, mwe! Twaisa ku kuiteka. Nomba, Namukwata icitetekelo, intanshi; mulingile ukukwata cilya, icakwambilako. Elyo lundeniko ubulumba ku citetekelo cenu, nga cakutila bulumba ubwalinga. Elyo lundeniko ukwishiba, nga cakutila kwishiba ukwalinga. Nomba mwalalundako ukuiteka.

221 Ukuiteka takupilibula fye, “ukuleko kunwa ubwalwa,” pano, nangula. Iyo, iyo. Ukuiteka takupilibula ukuleko kunwa ubwalwa, te muli uyu musango. Uku kuiteka ukwa Baibebe, ukuiteka kwa Mupashi wa Mushilo. Cilya ni cimo fye ica lunkumbwa lwa ku mubili, lelo tulelanda palwa kuiteka kwa Mupashi wa Mushilo. Cilya cilepilibula, ifyakutungulula ululimi lwenu, tekuba uwa lwambo; ifyo winga tungulula icipyu cobe, te kusasuka cila nshita ilyo muntu umo asosa kuli imwe. Owe, mwe!

222 Mune, fwebengi ifwe twalawa ilyo tatulatendeka, bushe tabawe? Mwamona? Elyo tulasunguka mulandu nshi Lesa taba mu Lukuta Lwakwe, ukubomba ifisungusho ne fintu ifyo balecita. Ee, mukwai. Mwamona?

223 Lundeniko ifi fintu. Lundeniko ukuiteka kuli cena. Owe, mukuiteka, mu fyakwasuka mukuteka ntima ilyo icipyu calandwa kuli imwe. Umo muntu atila, “Mwe bumba lya baka kunkuluka aba mushilo kulya lubali!” Mwilatoloka no kupeta amalaya yenu nomba. Mwamona? Te filya. Lelo landeni ne citemwiko ica bulesa, ukuiteka, nkumbu. Bushe iyo e nshila mulefwaya ukubelamo? [Ulukuta lwatila, “Ameni.”—Ka.] Ilyo bamutuka, mwi bwekeshamo ukutukana. Lekeni Wene abe icilangililo cenu.

224 Ilyo basosele, “Nga Uli Mwana wakwa Lesa, pilibula aya mabwe yabe mukate,” Wene ngali cicitile, no kulangisho ukutula Ali ni Lesa. Lelo Alikwete ukuiteka. Ilyo ba Mwitile, Beelsebuli,” Atile, “Nkamubelelo luse pali cena.” Cilya cishinka? Balisuswile umwefu ku cinso Cakwe ukwisusho lupi, no kushipila amate mu cinso Cakwe, no kusosa, “Ikila pa lupanda!”

225 Atile, “Tata, babeleleni uluse. Tabeshibe no kwishiba ico balecita.”

226 Ilyo, Akwete ica bupe, Alishibe ifintu fyonse pantu muli Wene mwali umwisulo onse uwa mutwe uwa bulesa mu mubili. Bali mu Mwene ukubomba ifisungusho, pa kweba bantu ifyo fyali ifya lubana na bena, na fimbipo nga filya. Babikile icisalu ku mutwe Wakwe nga filya, ukufimba pa menso Yakwe, no ku Muma pa mutwe ne nkoto, no kusosa, “Sesema, twebwe Ukumine. Twala ku Cetekela.” Mwamona? Alikwete ukuiteka.

227 Nomba, nga na mukukwata filya fine, ku lundeniko ku citetekelo cenu. Nga mucili mulesasuka, ifikansa, ne cipyu, no kufulunganishiwa, ne fyakucita cita, huh-uh, tamukwete nangu ni... Tekuti mulundeko cilya, pantu tacalundinkane. Mwamona? Te kuti cikate. Tekuti mubule iciputulwa ca mwipala, namwishiba, no ku cikambatanya ku ciputulwa ca cela. Cena tekuti cibombe. Iyo, cilingile caba icanakilila, nga filya fine umupila waba. Mwamona? Kabili ilyo icitetekelo

cenu no kuiteka kwenu fyaisaba umusango umo wine uwa kuiteka kwa Mupashi wa Mushilo uko Akwete, lyena cili no kukambantana pamo Nankwe. Mulalundwa kuli Cena.

Ilyo bulumba bwenu buli ngo bulumba Bwakwe, lyena muli no kulundako kuli cena.

²²⁸ Ilyo ukwishiba kwenu kwaba ngo kwishiba Kwakwe, “Naisa mukucito bufwayo Bwenu, Mwe Lesa.” Mwamona? Ne Cebo icakwa Tata, Acimfishe ciwa uuli onse. Imyulu ne sonde fikapita, lelo Icebo tacakapite. Mwamona? Ilyo mwakwata ukwishiba kwa ulyo musango, ku kakambantana ne citetekelo cenu.

²²⁹ Ilyo mwakwata ukuiteka ukwalinga, ngeko Akwete, ku kakambantana. Nga tamukukwete, ukwapangwa fye no muntu citika, ukucetekela ukwa kwelenganya, atemwa ukuiteka, “Owe, ningile ukumuma, lelo—lelo nalimo nshilingile, pantu limbi kuti balembe shina lyandi mwi pepala palwa cena.” Ulya te musango wa kuiteka Alesosapo. Mwiesha ukulundako cilya. Teti cibombe. Lelo ilyo mwinga cita mucine cine, no busuma ukufuma mu mutima wenu, ukubelelo muntu uuli onse, ikaleni tondolo, lekeni fye ciye, mwamona, lyena cikakambantana. Kuti mwalundako cilya ku citetekelo cenu. Whew!

²³⁰ E mulandu wine ulukuta lwalipelebelala nganshi. Bushe cilya te cishinka? E mulandu wine. Kuti nasosa, “Lapileni no kubatishiwa, Baibele efyo yasosa, mwi Shina lyakwa Yesu Kristu.” Kabili uwa cetekela mu bene Batatu umwine mwine tacetekela cilya, asosa, “Ulya munkanyakristu uwa kale. Wene li Shina lyakwa Yesu. Wene ni Yesu Eka.” Lolekesha, mune, nshaishiba palwa kuiteka kobe ino ine nshita. Mwamona? Cinshi teti wishile, no kusosa, “Katukalulushanye ici capamo, Munyina Branham. Ndefwaya ukumfwa Ici ukulondololwa?” Mwamona? Kanshi iseni kuno no kumfwa kuli Cena. Elyo kabili Cilaletwa kuntanshi yenu, elyo kabili mulafumako; twala—twala—twalaisa kuli cilya mu ma miniti fye ayanono, muli “bulesa,” mwamona. Lelo ilyo imwe—ilyo mwaumfwo bubi, mulefwaya ukutolokela pa kusondolwela ukuli konse, huh-uh, cilya—cilya teco. Mwamona? Tamulakwata ukuiteka kwa Baibele na nombamba ilyo mwacita cilya; ifya myasukile. Lyena nga na mukwata fyonse fi kuti mwalunda ici ku citetekelo cenu.

²³¹ Elyo, panuma ya cilya, ica bune, mulefwaya ukulundako ukushipikisha ku citetekelo cenu. Nga na mukwata icitetekelo, “cibomba ukushipikisha,” efyo Baibele yasosa. Mwamona? E ico, *uku* e kushipikisha. Nombamba, ici e cintu icilekonkapo icili no ku kula uyu mushinku. Namwishiba, Lesa alikwata ifyakubomfya ifine fine mu Cikulwa Cakwe.

²³² Mwamona ifyo twapelebelala, munyina, nkashi? Mwamona? Mwamona umulandu, apo tubebele? Ee, mukwai. Mwamona?

Twalikwata ubukata, ukukwata ukubilikisha ne fintu, pantu twalikwata icitetekelo. Lelo ilyo twaisa kuli ifi fintu *pano*, Lesa tekuti atukule muli uyu mushinku. Mwamona? Tekuti Acite. Tekuti Atulenge ku cifulo ica ulyo musango. Natukwata fyonse ifi fintu fimbi. Tulawa, ukutelela na co. Mwamona? Tekuti Akule Ulukuta Lwakwe.

²³³ Ukushipikisha pamo na cinshi? Kushipikisha kwa musango shani? Icintu icantanshi, alikwete ukushipikisha na Lesa. Nga na mukwata icituntulu, icitetekelo icine cine, mukakwata ukushipikisha ukutuntulu kwine kwine, pantu icitetekelo cibomba ukushipikisha. Ilyo Lesa asosa icili conse, mulacicetekela. Epela fye. Namukwata ukushipikisha.

²³⁴ Mwatila, “Cisuma, nali Mwipwishe mailo ubushiku ukumposha, kabili ndi fye umulwele muno lucelo.” Owe, mwe! Kushipikisha kwa musango shani?

²³⁵ Lesa aebele Abraham, kabili panuma ya myaka amakumi yabili na isano takwaliko icishibilo nangu cimo. Nelyo line alitwalilile ukucetekela. Alikwete ukushipikisha na Lesa. Uhuh.

²³⁶ Bikeni Wene lyonse kuntanshi yenu. Lekeni Wene abe cintu icilekonkapo ica kuciluka. Tekuti mu Muciluke, e ico Mubikeni fye ku ntanshi yenu. “Efyo asosele, kabili cili no kucita.” Mwamona. Mubikeni kuntanshi yenu. Cilya cishinka.

²³⁷ Nowa alikwete ukushipikisha. Ee. Nowa alikwete ukutuntulu, ukushipikisha ukwa bulesa. Lesa atile, “Ndi no konaula ili sonde ne mfula,” kabili Nowa ashimikile imyaka umwanda umo na makumi yabili, nelyo line. Ukushipikisha ukwingi. Nangu mume tawaponene ukufuma ku Mulu. Takwali nangu cimo. Ulukungu fye nge fyo lwatala ukubako, pa myaka umwanda umo na makumi yabili, lelo alishipikishe.

Kanshi, Lesa aleesha ukushipikisha kwenu. Cilya cishinka. Lesa alabesha.

²³⁸ Ilyo Aebele Nowa, nomba Atile, “Nowa, ndefwaya iwe utwalilile no kwingila mubwato. Ndi no kulete nama mulya, kabili nde—ndefwaya iwe ukwingilamo. Ukanine pa mutanto pa mulu, nomba, pa kutila winga lolekesho panse, iya pa mulu window. Nomba, ndefwaya iwe ukwingila mulya. Ndefwaya iwe ukweba ba bantu, ‘Mailo, ifyo nashimikilapo pa myaka umwanda umo na makumi yabili, fikesa citika.’ Cisuma, kabiye kulya no kuya beba.”

²³⁹ Icishibilo ca ntanshi cali ni cinshi? Nowa aingile mu bwato. Takwali ne mfula. Nowa aliiteyenye, kabili alifweleko ikoti lya mfula, na fyonse fye, pakutula engalolekesha panse, inshita shimo. Aliiteyenye. Lelo ubushiku bwakonkelepo. . .

²⁴⁰ Ndecetekela limbi alyebele ulupwa lwakwe, kabili bana fyala bakwe na bonse, atile, “Owe, mwe! Mailo mukamone

cintu cimo ico tamwatala ukumonapo. Pantu, mu myulu monse, mukabo mwafita. Kabili ifibulukuto ne nkuba fikabako. Ulupanga lwakwa Lesa ulukalamba lukabyasha mulwelele. Akebaula ili bumba ilya babembu ilya tukana, pali iyi myaka umwanda umo na makumi yabili. Mukalolekeshe fye no kumona.” Mwamona?

241 Bamo abacetekela citika, na mwishiba, abo abasangwapo kabili tabengila mukati, namwishiba. Imwe—imwe mucili mwalibakwata, namwishiba. E ico bena—bena balishile, batile, “Cisuma, uyu muntu mukote limbi ali fye bwino, e ico twalaya kulya no kulolela inshiku ishinono, atemwa ukulolela ama ora yanono mu lucelo, no kumona.”

242 Ubushiku ubwakonkelepo, mu cifulo ice kumbi ilya fita, aka kalifumine akasuba ukulaya pa mulu nga filya fine kacita. Nowa alolekeshe panse, batile, “Iwe, takuli amakumbi nangu yamo.”

243 Ulya umwaume alishile, atile, “Ee, ninjishiba wali umo pali bena. Wamona, nawikala kuno lubali.”

244 “Cisuma, njeleniko, mukwai. Ha-ha. Nalimo ndi—ndi—ndi fye, namwishiba, uleumfwa fye bwino, namwishiba. Mu musango wa, mwamona. Ha-ha-ha.”

245 Lelo, Nowa, alikwete ukushipikisha. Atile, “Nga tayaise lelo, ikaba pano mailo.” Cinshi? Efyo Lesa asosa.

“Nililali Akwebele cilya, Nowa?”

246 “Imyaka umwanda umo na makumi yabili iya pitapo. Mfikile pano, e ico ndelolela fye pano nomba.” Mwamona cilya? Panuma ya kashita. . .

247 Tulesanga, Lesa alifumine kulya, ukulolela Ulukuta, nalo, lelo Luli no kubako kulya. Mwisakamana. Ali Cilaya.

248 Alilolela iyi yonse iyi nshita palwa kututubuka. Kukabako bumo. Mwisakamana. Lesa alikulaya. Loleleni fye no kushipikisha. Mukalala mutulo, cilya tacaka. . . Limbi kuti mwakwata ukulalako panono ilyo tacilacitika, lelo mukabuka pali ilya nshita. Alilaile cilya, mulemona. Ukulala, mwamona, ico twita ukulala kwa mfwa, namwishiba. Ico twita imfwa, ukulala fye ukunono, atemwa ukusendama muli Kristu. Takwaba icintu ica musango uyu ngo kufwa muli Kristu. Umweo ne mfwa tafimonekela pamo. Mwamona? Tukwata fye ukulala, ukulala uko ifibusa fyesu tekuti fitwite ukutubusha. Wene fye Eka kuti aita. “Aketa, kabili nka Mwasuka,” efyo Yobo asosele. Yobo aba mukusendama nomba pa myaka amakana yane. Mwisakamana. Wene aka—wene akabuka. Mwisakamana. Acili alelolela.

249 Nowa alilolele. Ubushiku bwa cine bwalipitile. Takwali imfula. Cili fye bwino. Cili no kucitika.

250 Kuti naumfwa Muka Nowa aisa mupepi no kusosa, “Tata, muleshini nki- . . . ?”

“Wilalanda muli uyo musango.”

251 Alikwete ukushipikisha, pantu alikwete icitetekelo. Ee, mukwai. Alikwete ubulumba. Alikwete ukwishiba ukutila Lesa ali fye bwino. Alikwete ukuiteka. Takalipe, no kusosa, “Cisuma, nshishibe ifyo cena cili. Nindufya ukulumbuka kwandi konse kunse kulya.” Iyo, iyo. “Abantu tabansakama na nakabili. Nalaya kulya no kutendeka nakabili, cipya cipya.” Iyo, iyo. Alikwete ukushipikisha. Lesa alilaya. Lesa ali no ku cicita. Lesa ali no ku cicita, pantu Lesa efyo asosele.

252 Kabili kuti na mona umwana wakwe umwaume aisapalama, no kusosa, “Tata, namwishiba . . .” Abikile ukuboko kwakwe pa mulu wa mishishi yakwe itali iya mfwi, namwishiba. Kabili ali ne myaka ya kufyalwa umwanda umo, namwishiba, aikele palya. Atile, “Ninjishiba muli cikolwe ca kale. Na—nali mutemwa, tata. Lelo bushe kuti cacitwa ukutila limbi mwalilubileko panono?”

“Owe, iyo. Iyo.”

“Cinshi?”

“Efyo Lesa asosa!”

253 “Cisuma, tata, ishi ni nshiku mutanda isho twikele muno. Ukwikala muno muli cino icikulu, ica kale, icibwato icauma ukwikala fye muno mwine. Kabili conse na cimaswa, mukati na kunse. Kabili twali pa myaka yonse iyi ukukula cena. Kabili mwaiminine kunse kulya no kushimikila, mpaka mwaishileba ne mfwi ne pala. Kabili apa muli pano pa mulu nombamba, ukweshwa ukusosa icintu *icakutila-ne-cakutila*. Kabili abantu baleseka, no kusukushila fi mati mati ifyabola ne fintu ku mbali ya cena. Lolekesheni kulya ico mulecita. Cinshi, namwishiba . . .”

“Shipikisha fye, we mwana.”

“Bushe muleshininkisha?”

“Ili no kuloka!”

Nafyala atile, “Tata, na mwishiba . . .”

“Ili no kuloka!”

254 “Lelo twaba yonse iyi myaka, aba kulolela. Twaleiteyanya. Kabili Mwalitweba ili no kuloka, umulungu uwa pitapo. Kabili tuli muno, kabili ifibi fyonse na fisalika, kabili ifwe tuli pano ukulaendauka fye muno, kabili akasuba kaletoca fye nga filya fine cali.”

“Lelo ili no kuloka!”

“Mwaishiba shani?”

“Lesa efyo asosa!”

255 Nomba tuleisa muli ulya musango, cilundeniko. Lelo nga ta mucikwete muli ulya musango, mwiesha—mwiesha ukucilundako. Teti cibombe. Teti cibombe pa kundapwa. Teti cibombe pa cintu conse icashala. Mwamona? Cilingile ukuba pamo ne cakubomfya cimo cine ico cakambantanako. Cilya cishinka. Mulingile ukucilundako. Ukushipikisha no bulayo bwakwa Lesa. Ee, mukwai. Nowa ali cicetekele. Kabili alikwete ukushipikisha na Lesa, imyaka umwanda umo na makumi yabili.

256 Mose, alikwete ukushipikisha na Lesa. Ee, mukwai. “Mose, ning’umfwa ukulila kwa bantu Bandi. Nimona ukucululuka kwabo. Ninjika ku ku bapokolola. Nalakutuma iwe kulya.”

257 Kabili ukupusana panono pakati ka ena na Lesa, kabili Lesa ali mulangile ubukata Bwakwe. Atile, “Ine naya.” Ilyo umuku umo amwene ubukata bwakwa Lesa, mulemona, alikwete icitetekelo.

Atile, “Ni cinshi ico mukuboko kobe, Mose?”

Atile, “Inkoto.”

Atile, “Ipose panshi.”

Yasangwike mu nsoka. Atile, “Owe, mwe!” Alitendeke . . .

258 Atile, “Isende, Mose. Nga kuti na ilenga ukupilibukila mu nsoka, kuti naibwekeshamo na kabili.”

259 Iye! [Munyina Branham atote ndupi shakwe imiku itatu—Ka.] Ameni! Nga cakutila Lesa kuti ampela ubumi bwa cifyalilwa, kuti Ampela Ubumi bwa bu mupashi! Nga cakutila Lesa ampela ukufyalwa kwa ntanshi, kuti Ampela uku Fyalwa kwa cibili! Ameni! Nga cakutila Lesa kuti aundapa *ici*, ku kundapa kwa Bulesa, Wene kuti aubusha nakabili ku bukata Bwakwe, mu bushiku bwa kulekelesha. Cilya cishinka.

260 “Kuti na posa iyi nkonto panshi no kuipilibwila mu nsoka. Kuti na ibwekeshamo mu nkonto. Ukuimisha ku mucila.”

261 Mose aileikata no kuibula. Ilya yali palya, inkonto. Atendeke ukulunda ukwishiba lyena. Mwamona?

“Bwafyanshi ubuli ku kuboko kobe, nomba, Mose?”

“Nangu bumo.”

“Kubike mukwapa kobe.”

262 “Cili fye. Nga palwa . . .” Ukubuta ne fibashi. “Mwe Shikulu, lolekesheni ukuboko kwandi!”

“Kubwekeshe mukwapa kobe, Mose.”

263 Alikubwekeshe nga *filya*, kwapilibukile fye kwati . . . Atendeke fye ukufilundako nge *fi*, lyena, mwamona. Ee, mukwai.

264 Aile kulya. Kabili ukupusana ukwa ntanshi...Aile kulya. Fumeni umo kabili atile, “Shikulu Lesa atile, ‘Leka abantu Bandi baye.’ Farao, ndefwaya iwe wishibe ci. Ninjisa ngo uleiminako Lesa. Ulingile ukunakila.”

265 Farao atile, “Ukunakila? Walishiba fintu naba? Nine Farao. Ukunakila iwe, umusha?”

266 Atile, “Walanakila, atemwa uleonaika. Uli no kucita cimo ico ulefwaya.” Cinshi? Alishibe ico alelandapo. Alikwete umulimo. Ali kulya lubali. Alilandile kuli Lesa. Alikwete icitetekelo. Alishibe apo abelele.

“Ulefwaya ine uku kunakila? Fuma pano!”

“Nalakulanga.”

“Nangisha icishibilo.”

Aposele inkoto panshi; yasangwike mu nsoka.

267 “Cinshi,” atile, “bulya bucenjeshi ubunono ubwa malele! Isa kuno pali miniti. Isa kuno, Yane, iwe na Yambre, poseni inkoto shenu panshi.” Balishiposele panshi, kabili shasangwike mu nsoka.

268 Batile, “Nomba, we kantu akanono, waisa kuno kuli ine, umwina Egupti, Farao wa Egupti. Kabili waisa kuno na yamo amalele yobe ayanono aya bucenjeshi, kumo ukucenjela kobe,” mwalishiba, ukubelenga amano. Namwishiba ico ndepilibula. Ndesubila mulebelenga palwa cena. “Ukulingulula amano yamo atemwa icintu cimo, mulemona, ee, ukwisa kuno na fimo ifya filya.” Atile, “Cisuma, kuti twacita icintu cimo cine ico ucitile.”

269 Cinshi ico Mose? Tasosele ukutila, “Owe, Mr. Farao, ine—njeleleniko, mukwai. Ndi no kuba umusha wenu.” Iyo, mukwai.

270 Aliminine shilili. Ameni. Ikaleni palya pene. Lesa atile, ukwabulo kutwishika mu mutima wakwe, “Ikala tondolo. Nalakulangisha icintu cimo.” Ilyo wa cita filya fine fye ifyo Asosele ukuti cita, cilemoneka kwati cali lubene; iminina shilili, shipikisha.

271 Mose atile, “Namwishiba, ilyo nashintilile pali ulyo mufula, pali ukushipikisha ukwabikilwe palya, e ico nalalolela fye no kumona ifyo Lesa ali no kucita.”

272 Palya insoka ishakale shali, ukulaenda enda, ukuputa, imo ukulila ku ibiye. Icintu ca ntanshi namwishiba, insoka yakwa Mose yalile, “Ukumina, ukumina, ukumina,” kabili balishiminine shonse mukati. Alikwete ukushipikisha.

Abalolela Yehoba bapepemuka amaka,
Ba nina namapindo nga kapumpe.

Bushe co cishinka? [Ulukuta lwatila, “Ameni.”—Ka.]
Mwamona? Ee.

Ba kabutuka kabili tabakafunshike, bakenda
kabili tabakapomponteke.

Mwamona, loleleni fye muli Shikulu. Kwateni
ukushipikisha. Mwamona? Ee, mukwai.

²⁷³ Elyo Israele ali no kufumishiwa. Ukupusana ukukalamba
kwalishile, kabili Mose alilolele.

²⁷⁴ Elyo aile mu matololo. Caba fye nalimo ubulendo bwa
nshiku shitatu atemwa shine. Caba fye ama mailoshi amakumi
yane ukufuma uko acilwike kulya, kulya kwine ku ntanshi uko
bacilwike nakabili. Lelo, Mose, mu matololo, alolele imyaka
amakumi yane. Ukushipikisha. [Munyina Branham aseka—Ka.]
Ameni. Cilya cishinka. Alilolele pa myaka amakumi yane.
Owe! Ee, mukwai.

²⁷⁵ Tulingile ukukwata ukushipikisha kuli umo no mubiye, na
ifwe. Mwamona? Inshita imo...Tulakwata—tulakwata
ukukana shipikisha nganshi kuli umo no mubiye.
Tutontonkanya tulingile ukuba nga Mose. Mose alikwete
ukushipikisha na bantu. Lolekesheni, cilya eca balengele
ukukana ingilamo. Mwamona? Nga muleesha ukucita icintu
cimo...

²⁷⁶ Kwati, ninjesha ukuleta iyi Mbila kuno ku tabernacle,
ukumona ukutila cila membala wa mu tabernacle abe *Fi*. Cintu
cakosa ukucita. Nalyesha ukukwata ukushipikisha; uno
uwalenga amakumi yatatu na itatu. Mwamona? Lelo kwateni
fye icitetekelo. Kwateni fye ukushipikisha. Abanakashi bacili
balebeya imishishi shabo, umusango fye umo wine. Mwamona?
Kwateni fye ukushipikisha. Ukulolela. Mulingile ukucita. Nga
ta mukukwete, mwiesha uku kulapo pali ci pesamba *pano*.
Kwateni ukushipikisha.

²⁷⁷ Nangu ni nshita imo, ilyo lilye bumba ilya bacisanguka lya
bantu balikwete uku kana shipikisha nganshi, balengele Mose
ukucite cintu cimo icali icalubana. Lelo, nalyo line, ilyo
kwaishile icilangisho, Lesa aishile umfwo bubi ne micitile
yabo. Atile, “Ipatuleko, Mose. Nalaipaya ibumba lyonse ilya
bena, no kutendeka ilipya.”

²⁷⁸ Ali ibilkile umwine pakati, kabili atile, “Lesa, mwicicita.”
Cinshi? Ukushipikisha na bantu abale musangukila.

²⁷⁹ Ndesunguka nga kuti twacita cilya? Nga tekuti mucite,
mwiesha uku kula pali *ci*, pantu cena—cena tacipilibuka,
namwishiba. Ulya e musango ica kubalilapo cakambatikwe
muli *ci*, kabili ulya e musango uo cila cimo muli cena cilingile
ukukambantana. Nga ta mucitile, tekuti mube ku mushinku
wa ncende iya kwikalamo Lesa uwa mweo, nga tamukwete
ukushipikisha, ukushipikisha, umo no mubiye. Cisuma.

280 Abana ba ci Hebere balikwete ukushipikisha. Mucine, balicitile. Lesa alibalaile, alibebele “Mwika fukamina icimpashanya icili conse.” Lelo balikwete ukushipikisha. Batile, “Lesa wesu kuti acita. Lelo, nangu cibe fi, tatwafukamine ku cimpashanya cobe.” Ukushipikisha, ukwishibe ci, ukutila Lesa aka mubusha mu nshiku sha kukelesha nakabili.

281 Ubu bumi tabwaba nangu cimo sana sana, nangucibefyo. Mwamona? Lesa aka babusha nakabili mu nshiku sha kulekelesha. Lelo ilyo caisa mukufukamina ku cimpashanya, tatwacicite. Nomba, twalapela Kaisare ifyakwa Kaisare, lelo, ilyo caisa kuli Kaisare ukwangalila kuli Lesa, Lesa e wa ntanshi.

282 “Lesa atile, ‘Mwifukamina kuli cilye cimpashanya.’ Kabili nshacicite. Lesa wesu ali uwapulamo ukutupususha. Nga tekuti Acite, nsha fukamine ku cimpashanya.”

Atile, “Cisuma, ilya palya ilungu lya mulilo.”

283 “Cisuma,” atile, “owe, ndemona, yalaloka sana muno bushiku no ku ushimya onse.” Lelo tayacitile. Nalyo line kwali ukushipikisha.

284 Ulucelo ulwakonkelepo, ilyo babaletete mulya ku cilye, palya alikele Nebukadnesari. Atile, “Cili fye, balumendo, bushe muli abaiteyanya ukunjibukisha nge mfumu yenu?”

“Mucine. Ikaleni umuyayaya, Mwe mfumu.”

“Nomba fukameni ku cimpashanya candi.”

“Awe, iyo.”

285 “Cisuma, muli no kupya. Muli abantu aba mano. Muli abacenjela. Mwaba abakutwafwilisha nganshi ifwe. Mwabe palo ku bufumu bwesu. Bushe ta muleumfwa nshilefwaya ukucite ci? Lelo ni nsabankanya kuno, kabili cilingile ukucitwa. Nshilefwaya ukumuposa mulya. Owe, mwe baume, bwafya nshi ubo mukwete?”

286 “Ni njishiba cilya cileumfwika fye bwino. Lelo, Lesa wesu ali uwapulamo ukutupokolola. Lelo nangu cibe fyo...” Balikwete ukushipikisha.

287 Batendeke kulaenda mukashila. Umo alolekeshe ku mubiye. “Cili fye bwino. Cili fye.” Balikwete ukushipikisha. Baile ulutampulo lumo, Lesa talipo palya. Intampulo shibili, Wene talipo palya. Intampulo shitatu, intampulo shine, intampulo shisano, balitwalilile fye ukulaya, nalyo line Talipo palya. Kabili atampwile ukwingila fye mulya mwine mwi lungu lya mulilo. Balikwete ukushipikisha. Lelo Ali mulya. Mwamona? Umulilo fye uwalinga wali ba kumishe, ku koca intambo ukufuma ku maboko yabo na kumolu. Elyo kabili ilyo afikile pesamba lya cilindi, Ali mulya. Mwamona? Balikwete ukushipikisha.

288 Daniele umusango umo wine. Daniele alikwete ukushipikisha. Mucine. Tali no kulekelako. Iyo, mukwai. Cinshi ico acitile? Ali iswile ama window yalya no kupepa, filya fine. Yali ni nshila yakwa Lesa. Alikwete ukushipikisha. Alolele pali Lesa, ukwishiba Lesa ali uwalinga ukusunge Cebo Cakwe. Bali muposele mu cilindi ca nkalamo, batile, “Twalaleke nkalamo shikulye.”

289 Atile, “Cili fye bwino.” Alikwete ukushipikisha. Cinshi? “Cisuma, nalilolela yonse iyi nshita, pali Lesa. Nga cakutula ndi no kulolela imyaka amakana na imbi inono, nkabuka nakabili mu bushiku bwa kulekelesha. E ico, ninkwato kushipikisha, ndelolela.”

290 Paulo alikwete ukushipikisha. Mucine cine alikwete. Lolekesheni ifyo Paulo acitile. Landeni palwa kushipikisha!

291 Inga palwa bantu ba ku pentecostal? Cikulu fye balikwete umulimo umo, “Loleleni mpaka,” mwamona, “loleleni mpaka mukapokelele Amaka.” Ukufika lilali? Tabakwete ilipusho nangu limo, ni lilali cikabako? Bakwete fye ubwasuko, “Loleleni mpaka.”

292 Baile kulya kabili batile, “Cili fye, balumendo, nalimo ama miniti ikumi limo na yasano ukufuma nomba Umupashi wa Mushilo walaba pali ifwe kabili tuli no kukwata bukapyunga bwesu.” Ama miniti ikumi limo na yasano yalipitile, takwali nangu umo. Ubushiku bumo bwalipitile, iyo; shibili, shitatu, shine, shisano, mutanda, cinelubali.

293 Bamo muli bena limbi bali sosele, “Imwe, bushe tamuletonkanya natu Upokelela kale?”

“Iyo, iyo, iyo, iyo.” Cilya eco. Iyo. Cilya cishinka.

294 “Mulingile ukufuma panse, balumendo.” Kasebanya atile, “Imwe—imwe—imwe mwalishiba na mukwata kale ico mulefwaya. Twalilileni, tampeni bukapyunga bwenu.”

295 “Iyo, iyo, iyo. Tatu Bukwete, na nomba. Pantu, Atile, ‘Cikesa fikilishiwa, icikesa citika mu nshiku sha kulekelesha: Ne milomo iya tamantama ne ndimi shimbi nkalanda kuli aba bantu, kabili uku e Kutusha uko nasosele,’ mwamona, Esaya 28:19.” Atile, “Ici nici—ici Eco, imwe—muli no ku Upokelela ilyo. . . Cinshi, tuli no kwishiba ilyo Ukesa. Tuli no kwishiba ilyo Ukesa. Tuli no kucishiba, ‘Ubulayo ubwakwa Tata.’” Palya alilolele inshiku pabula. Elyo kabili pa bwalenge kumi limo, “Twali mulya.” Balikwete ukushipikisha, ukulolela.

296 Nomba, nga na mukwata ukushipikisha ukwa musango filya, ilyo Lesa amupela ubulayo kabili mwabumona muli Baibele, “Bwena bwandi,” elyo loleleni. Elyo, nga na mukwata ukushipikisha ukwa musango filya, lundeni kwena ku citetekelo cenu. Kabili moneni ifyo nomba muleya pa mulu?

Muleya mulenina pa mulu *apa* nomba. Cisuma. Ukuboko kwa nkoloko kuleya kuleshinguluka, nako, bushe tefyo? Cisuma. Cisuma. Lundeni ici ku citetekelo cenu.

²⁹⁷ Lyonse uku Mubika ku ntanshi yenu, ukwibukisha, cali ni Wene uwalaile. Tacali nine, uwalaile. Tacali ni pastor, uwalaile, Munyinefwe Neville. Tacali ni kapyunga umo, uwalaile. Tacali ni shimapepo umo atemwa papa. Tacali umuntu nangu umo pe sonde. Cali ni Lesa uwapela ubulayo, kabili Lesa ali uwalinga ukusunga ifili fyonse ifyo Alaile. Cisuma. Nga na mukwata icitetekelo ica musango filya, ukwishibo kuti Lesa ali cilaya! Mulesosa, “Munyina Branham, nindwala. Ndefwaya ukuposhiwa ububi nganshi.” Kusumine. Cena cabupe icapelwa kuli iwe, ee, mukwai, nga kuti wacetekela. “Cisuma,” mwatila, “Nalicetekela.” Kanshi cilabeniko. Epela fye. Cena nacipwa. Mwamona?

²⁹⁸ Kwateni ukushipikisha, nga namukwata ukushipikisha. Nga ta mukwete, muli no kuwa kuli ici Cikulwa apa, mwamona. Cili no kuwisha conse icashala panshi, cilye cintu cimo. Mulingile ukukwata cilya. Mwicilundako, pantu, calaonaula icikulwa cenu nga ta mukwete ukushipikisha, nga ta mukwete ubulumba ubwa kulunda ku citetekelo cenu ico mulesosa ukuti na mukwata. Kabili nga ta mukwete icitetekelo nangu cimo, no kwesha ukubikapo ubulumba kuli cena, cili no kutobaula icitetekelo cenu. Mwamona? Mulesosa, “Cisuma, nomba, loleleni pali miniti. Nalimo ici conse cilubo, ifyo fine. Nalimo Lesa taba ni Lesa. Nalimo takwaba Lesa.” Mwamona, cili no kutobaula icintu mu fiputulwa fibili. Mwamona?

²⁹⁹ Lelo nga na mukwata icitetekelo icine cine, lyena bikeniko ubulumba ubwine bwine kuli cena, elyo ukwishiba ukwine kwine, elyo ukuiteka ukwine kwine, elyo ukushipikisha ukwine kwine. Mwamona? Muleya muleenda fye ukuya mu mushilwa. Cisuma.

³⁰⁰ Ica cisano, lundeniko bulesa. Owe, mwe! Bulesa bwalalundwako. Inga bulesa cipilibule nshi? Nalolekeshe mu fitabo ifya kulondolwelako amashiwi fine atemwa fisano kabili nalifililwe ukusanga ifyo cipilibula. Mukulekelesha, nali kuli Munyina Jeffery kulya, twalilisangile mu—mu citabo icakulondolwelako ama shiwi. *Bulesa* cipilibula “ukuba nga Lesa.” Owe, mwe! Panuma ilyo mwakwata icitetekelo, ubulumba, ukwishiba, ukuiteka, ukushipikisha, elyo ukuba nga Lesa. Whew!

³⁰¹ Mulesosa, “Tekuti ncite cilya, Munyina Branham.” Owe, ee, kuti mwacita.

³⁰² Lekeni mubelengele fye Amalembo ayanono pano, pali miniti fye. Mateyo 5:48. Twalasende li no kumona ifyo lileumfwika, Mateyo 5:48, kabili tumone nga cakutila mulingile

ukuba nga Lesa. Mwalishiba Baibele itila, “Muli milungu.” Efyo Yesu asosele. Cinshi? Ubulumba bonse, fyonse ifyaba muli Lesa, fili muli imwe. Mateyo 5:48, “Beni imwe. . .” Yesu alelanda, mu mashiwi ya kupala.

*E ico beni aba p-w-i-l-i-l-i-k-a, (Ni cinshi cilya?)
ukupwililika, nge fyo Shinwe. . .wa mu mulu abo wa
pwililika.*

³⁰³ Namufika pa mulu *apa* nomba, ilyo tamulaipushiwa ukucita cilya. Ifi fyonse ifintu filingile ukulundwako intanshi. Elyo ilyo mwafika pa mulu *apa*, Alemwipusha nomba ukuba bapwililika, bulesa, abana baume na bana banakashi bakwa Lesa. Cilya cishinka. Fintu finga ifyo ningasosa muli ulyo musango!

³⁰⁴ Katupilibukile mu Abena Efese 4, no kusanga kuno lubali ifyo, mwi Buku lya Abena Efese, isosapo palwa ici cintu, nayo, palwa ifyo tulingile—ifyo tulingile ukucita. Abena Efese, icipandwa ca 4, no kutendeka na vesi ya 12. Abena Efese 4, kabili ukutendeka na vesi ya 12. Cisuma. Katutendekele *apa* lubali pa vesi ya 11.

*Kabili wene apele bamo, ukuba batumwa; na bambi,
ukuba bakasesema; . . .*

³⁰⁵ Ibukisheni mailo ubushiku? Mwiesho kubula iofeshi ilya muntu umbi. Mwamona?

*. . .nabambi, ukuba aba bile imbila nsuma; na bambi,
ukuba bacemi. . .na bambi, bakasambilisha;*

³⁰⁶ “Ku kuwamy Lesa”? Bushe ilebelengwa filya? [Ulukuta lwatila, “Iyo.”—Ka.] Ukuwamy ici cinshi? [“Abashila.”] Abashila ni bani? Abo abasangululwa. Ameni. Abo abatendeke ukufuma pesamba *apa*.

*. . .ku kuwamy abashila, ku mulimo
uwakupyungila (bukapyunga bwakwa Yesu Kristu),
ku kukulo mubili wakwa Kristu (ukwikusha, uku
Bukula, ukwikusha): mpaka . . .*

*Tusuke tufike bonse kuli buumo ubwa kutetekela,
na . . .ku kwishibo Mwana wakwa Lesa, ukufika ku
bukalamba, ku mulingo, (owe, mwe), ku mulingo wa
mushinku wa mwisulo wakwa Kristu:*

³⁰⁷ “Uwapwililika,” cisenda bulesa. Mulingile ukulunda cilya ku citetekelo cenu, bulesa. Mwamona, mutendekela pesamba *apa*, no bulumba. Elyo mulaya ku kwishiba. Elyo mulaya ku kuiteka. Elyo mulaya ku kushipikisha. Nomba muli pali bulesa. Bulesa! Owe, mwe! Inshita yesu ileya ilepwa. Katumone. Lelo mwalishiba ifyo bulesa cipilibula. Mwalimbapo ulu lwimbo:

Ukuba nga Yesu, ukuba nga Yesu,
 Pe sonde nkabila ukuba nga Ena;
 Mu bulendo bwa bumi bwandi bonse
 ukufuma pe sonde ukuya ku Bukata
 Ndelomba fye ukuba nga Ena.

308 Bulya e bulesa. Ilyo Atobelwe ulupi kulubali lumo ulwa pa menso, Apilibwile na kumbi. Ilyo Bamwebele fibi, Wene tasosele. Wene tabwekeshemo ukusoso bubu. Mwamona? Bulesa, lyonse kulolekeshwa icintu cimo, “Ine lyonse ncita cilya icisekeshwa Tata.” Mwamona? Ee, mukwai. Lyonse. Bulya e bulesa. Mwamona?

309 Panuma ilyo mwaisa ukufuma *apa*, ukwisa *apa*, ukwisa *apa*, ukwisa *apa*, ukwisa *apa*, ukwisa *apa*, nomba muleisa mu mushinku uwa mwisulo nomba uwa mwana wakwa Lesa. Lelo mulingile ukukwata *ici*, ukubikapo ne *ci* kabili tekuti mutampepo no kutampa mpake ntanshi mwakwate *ci*.

310 Nomba ibukisheni icuni ica fita na masako ya nduba. Mwi cilabako. Mwamona? Mwiesha ukucilundako mpaka mwaisa fyalwa cipya cipya. Pantu, imwe, tekuti cibombe, kabili imwe—imwe tekuti mucilenge ukubomba. Cili nokwisa kuli *ici*, atemwa *ici* *apa*, cili no kutobeka pa cifulo cimo.

311 Lelo ilyo mwaisa fika *apa* lubali, inkunda iya fyalwa cipya cipya mucine cine, lyena tamulundako nangu cimo. Cilalundako kuli imwe, mwamona, cilesa pa mulu, cisuma, ukwisa mukupwililika nomba. Cisuma.

312 Elyo, icalenga mutanda, katulundeko, Baibeles yasosa *apa*, ukulundako kutemwa aba bwananyina... icikuku ku ba bwananyina. Nomba, cilya cena cisuma, pano pene, icalenga mutanda, cinelubali. Cisuma. Ukulundako icikuku ku ba bwananyina. Cisuma. Ilyo twafika kuli cilya, icikuku ku ba bwananyina, ukuibika mu cifulo cakwe, pa mulandu. Nomba mulesosa . . .

313 “Munyina nga amembukila,” Petro atile. “Bushe ndi no kumubelelo luse,” atile, “Imiku cinelubali mu kasuba?”

Atile, “Imiku cinelubali ukufushiwa ku makumi cinelubali.” Mwamona?

314 Icikuku ku ba bwananyina. Nomba, mulemona, nga munyina nafuma mu nshila, mwiba aba kukana shipikisha nankwe. Mwamona? Iyo. Mwamona? Beni aba cikuku kuli wene. Kabiyeni, ifyo fine.

315 Umuntu umo atile, te kale sana, atile, “Kuti wacetekela shani ifi fintu umusango wa cetekelamo, kabili nelyo line ulaya kuli ba Assemblies of God, kabili ba Oneness, na bonse abashala?” Bikeni, mwamona, icikuku ku ba bwananyina. Mwamona? Mwamona? Ukusubila, ubushiku bumo, mwamona; ukushipikisha na wene, mwamona; ukuiteka, ukushipikisha na

wene; ukwishiba, ukwiluka ifyo acetekelamo, ibukisheni, caba mu mutima wakwe, cilya eflyo cili; ubulumba, muli imwe bene, uku kuleko kwendela pamo ne cikuku, ukufuka, kuli wene; ukukwate citetekelo ukutula ubushiku bumo Lesa aka muletamo. Mwamona?

³¹⁶ Icikuku ku ba bwananyina, icintu icalenga cinelubali. Cimo, fibili, fitatu, fine, fisano, mutanda, cineubali. [Munyina Branham akonkonsha pa cipampa imiku cinelubali—Ka.] Mwamona, icintu icalenga cinelubali. Kanshi, nomba, mulesa.

³¹⁷ Icintu icilekonkapo, nomba, lundeniko ukutemwa, ico caba icitemwiko. Lilya e libwe ilya kwisalilako. Bumo muli ishi nshiku, mu calici. . .

³¹⁸ Nomba, napapata, lekeni ci cishibwe pali tepu, kabili na konse ukwashala, nshilesambilishe ci nge sambilisho, ico nalasosa nomba. Lelo ndefwaya ukumulangisha fye ukutula, ku bwafwilisho bwakwa Lesa, ifyo cena caba, ukutula, Baibele iya ntanshi iyo Lesa atalile ukulemba yali ni Zodiac mu lwelele. Yatendeka na nacisungu. Yapwishiwa na Leo inkalamo. Kabili ilyo nkesa muli cilye Cikakatikilo icalenga Mutanda na Cinelubali, muli no kusango kutula ilyo cilye Cikakatikilo cimbi caiswilwe, icishibilo ca Zodiac cailye ncende cali ni cancer, isabi ilya cilinganishiwa. Kabili ilya e nshita ya cancer iyo tuleikalamo nomba, iya sokololwa. Kabili icintu icilekonkapo Icikakatikilo calikakatwilwe, Casokolwele Leo inkalamo, Ukwisa ukwa cibili kwa kwa Kristu. Aishile, intanshi, kuli na cisungu; Aleisa, umuku umbi, Leo inkalamo. Ndi no kuleta ici ku. . .

³¹⁹ Nomba, nshishibe nga cakutula ndi no kukwata inshita muno lucelo. Nalacita conse ico ninga cita icisuma, ukumulangisha ukutula aya matabo yaba mu ma pyramids, filya fine fye, Baibele ya cibili Lesa alembele. Enock ali yalembele, no kuyabika muli pyramid.

³²⁰ Kabili ica citatu, lyonse Lesa abo uwapwililika muca citatu, elyo Aipangile Umwine Icebo Cakwe.

³²¹ Pano, nomba, ibukisheni, muli pyramid. . . Ndemona mwe bengi imwe mwe bashilika ne fintu mwali mu Egupit. Pyramidi tayakwata icakwisalilako pali yena. Tacatala ukucitwa. I—Ilibwe ilya Kupumya, kabili na fyonse fye ifyo bakwata, lelo nalyo line. . .

³²² Nga na mukwata ibula lya dollar mwitumba lyenu, lolekesheni pe bula lya dollar, kabili muli no kusango kutula, kulya kulubali lwa ku kulyo, naikwata kapumpe ne nembela ya America. Kabili palilembwa, icikakatikilo “ica United Sates.” Ulubali lumbi, naikwata pyramid, ne libwe ilikulu ilikalamba ilya kwisalilako ne linso lya muntu. Palilembwa uku lubali, “Icikakatikilo icikalamba.” Cisuma, nga cakutula

ino ni nko ikalamba, cinshi ici cikakatikilo icikalamba te kuti cibe icikakatikilo cine ica nko? Lesa alabalenga ukupelo bunte, te mulandu uko bakaya.

323 Nalelanda kuli doctor inshita imo, kabili ali fye pa kunsebanya, pa Kundapwa kwa bulesa. Aliminine pa musebo. Atile, “Mr. Branham, iwe ufulunganya fye abantu.” Atile, “Takwaba ukuposhiwa, kano fye ukupitila mu miti.”

324 Naishile pilibuka, nalolekeshe pa cishibilo cakwe pali motoka, alikwete insoka pe lamfya. Natile, “Ulingile ukufumyako ico cishibilo kuli motoka yobe, kanshi, pantu icishibilo cobe we mwine cilepelo bunte ukutila Lesa ni kondapa.”

325 Doctor umwine mwine alicetekela cilya. Balya ni balya abashaishibisha. Ee, mukwai. Insoka pe lamfya! Mose atumpwile nsoka pe lamfya. Atile, “Nine Yehoba undapa amalwele yenu yonse.” Kabili balolekeshe pali ilye nsoka, ku kundapwa kwa Bulesa. Lelo nomba balalanda ukususha cena; lelo icishibilo cabo abene cilabapelo bunte. Whew!

326 Muno, mu nko yesu, ukusosa ifintu ifyo baba, no kusenteka ifi fintu, kabili indalama shabo abene, iyo babomfya, ilapelo bunte ukutila icikakatikilo ica mulu onse ni Lesa. Mwamona lilye linso ukwikala palya pa mulu wa cilya, pali lilye bula ilya dollar? Cilya e cikakatikilo cikalamba.

327 Talyatalile ukubikwa pa mulu uwa pyramid. Balifililwe ukwiluka umulandu. Ilibwe ilya kwisalilako lyali kenwe, Umutwe, Kristu. Lelo Likesa, ubushiku bumo.

328 Nomba, mu kukula, ubulumba... Ukukula ici cimpashanya, ukukula uyu mu shinku, mwamona, cilatendeka ne libwe lya mufula; icitetekelo, ubulumba, ukwishiba, ukuiteka, ukushipikisha, bulesa, icikuku ku ba bwananyina. Nomba ni finshi ifyo cicita? Lyena balelolala ilibwe lya pa Mutwe, ico caba ukutemwa, pantu Lesa kutemwa. Kabili Alatungulula, kabili Wene e maka ya cila cimo ica ifi fintu. Cilya cishinka. Ee, mukwai.

329 Muno *mwine* fye, muno *mwine* fye, mulemona ni nkwata, pakati, yonse iyi milimo umu, kabili apa aya mabimbi ayanono yalesa. Cilya ni cinshi? Umupashi wa Mushilo ukwika, ukupitila muli Kristu, mwamona. Mupashi wa Mushilo! Umupashi wa Mushilo waba pa mulu wa *ifi*, ukulundinkanya ici capamo, uku kula (ici nshi?) Ulukuta ulwapwililika, kwi libwe ilya Kwisalilako ku ku lwisala Lwena.

330 Cinshi ica citika nakabili? Cali monekele mukati ka Nshita Sha Nkuta Cinelubali, kabili nkombe cinelubali sha Nkuta.

331 Sha tendeke kunuma *uku*. Nikwisa uko Lukuta lwantanshi lwasangilwe? Ni kwisa uko lukuta lwa ntanshi lwa pentecostal lwasangilwe? Kuli Paulo Washila, ku Efese, ulutanda lwa Nshita iya Lukuta lwa Efese, Efese.

332 Inshita ya Lukuta lwa cibili yali ni Smurna. “Ubulumba.” Irenaeus, umuntu umukalamba uwaikatilile ku Mbila nsuma yakwa Paulo.

333 Inshita imbi iya lukuta yali Pergamo, uyo wali ni Martin. Martin ali umuntu umukalamba uwalipo. Paulo, Irenaeus, Martin.

334 Elyo mu Tuatira mwaishile Columba. Muleibukisha? Ici cili apa, nacilengwa *palya* pene. Columba. Panuma ya Columba. . . Inshita sha Mfifi shalishilemo mulya.

335 Elyo kwaishile Sarde, ico cipilibula *uwafwa*. Luther. Aleluya! [Munyina Branham atote ndupi shakwe imiku isano—Ka.] Elyo cinshi? Nani umbi uwa konkelepo panuma ya Sarde, Luther?

336 Elyo kwaishile Filadelfia. “Bulesa.” Wesley, umushilo! “Abalungama bakekalila ku citetekelo,” eflyo Luther asosele. Ukusangululwa ukupitila muli Wesley.

337 Elyo kwaishile icikuku ku ba bwananyina, mu nshita ya Loadekia. Kabili tulecetekelo kutila Imbila ikalamba iya kumoneka kwa cibili kwa kwa Eliya, mu bushiku bwa kulekelesha, ikapyange calo.

338 Mwachimone ci, Inshita Sha Nkuta Cinelubali, amatabo cinelubali. Lesa uku kula Ulukuta Lwakwe, cili kwati umuntu umo mukati ka umo, mu Mwine. Ubukata, Amaka yakwa Lesa, ukwisa pe samba ukupitila muli *ici*, uku Cikambantanya capamo. E ico kanshi, abantu ba Pentecost abo abakene ba Lutheran, abakene ba Wesleyan ne fintu, tabaishiba ifyo balandapo. Mulemona, baliikele muli *ici* iciputulwa ce tempile. Ilya e nshila, abantu bamo kuti baisesa ukufika apa pa mulu kabili no kuwa. Lelo kwaliba iciputulwa ica cine cine ica cilya, icilenga cilye cikulwa ukutwalila ukulaya pa mulu. “Nkabwekesha,” eflyo asosa Shikulu.

339 Muleibukisha *Icimuti Cakwa Nabwinga?* Muleibukisha ukushimikila pali *Icimuti Cakwa Nabwinga*. Bali Cilile conse, lelo Wene ali citungwile. Baishile kwata imisambo iya filonganino; Ali itungwile ukuifumyako. Baishileimya ulukuta na lumbi, imisambo ya filonganino; Ali itungwile. Lelo umutima wa cilye Cimuti walitwalilile ukumena. “Kabili mu nshita ya cungulo bushiku ku kabo Lubuuto.” Mwamona? Ilya e lintu Kristu aishile, Umupashi wa Mushilo. Yesu aishile ika pa kuibiko Mwine pa Ntanshi ya Lukuta lilya, kabili Akesa busha ulu Lukuta, pa kuba Umubili Wakwe Wine. Mukati *mulya* muli Umubili.

340 Kabili umusango Lesa alesubila ifwe ngo muntu umo ukukula, e musango Aletelamo Ulukuta Lwakwe ukukula. Cila nshita ya Lukuta, Lwaishile mukuba Ulukuta lumo lukalamba. Mwamona?

³⁴¹ *Aba* bantu tabalefwaikwa ifyo *aba* bantu bali. *Ulu* talwalefwaikwa ifyo *ulu* lwali. Mwamona? Lelo Aletele Ulukuta Lwakwe umusango umo wine. Aletele Ulukuta Lwakwe—Lwakwe mu musango umo wine Aleletemo abantu Bakwe. Elyo Petro pano atile, intanshi, ifintu cinelubali: icitetekelo, ubulumba, (mwamona, ukwisa pa mulu), ukwishiba, ukuiteka, ukushipikisha, bulesa, ukutemwa aba bwananyina, lundeniko icikuku ku ba bwananyina, elyo kabili icitemwiko cakwa Lesa. Umupashi wa Mushilo, Kristu mu buntu bwa Mupashi wa Mushilo, alesa pali imwe, mu lubatisho lwa cine ulwa Mupashi wa Mushilo, kabili na mukwata yonse aya maka uku kakatikilwa muli imwe. Elyo, Lesa ekala mwi Hema, ilitwa Ubukule, Ihema ilya mweo iya ncende iya kwikalamo Lesa uwa mweo.

³⁴² Ilyo muntu akwata ifintu ifya musango ifi, lyena Umupashi wa Mushilo ulesa pali wene. Te mulandu, kuti limbi mwalandila mu ndimi shimbi, kuti limbi mwapashanya ica bupe icili conse ico Lesa akwata. Kuti limbi mwacita cilya. Lelo mpaka aya maka *apa* yaisaingila muli imwe, mucili kunse ka butuntulu, umufula uwa cine uwa icitetekelo. Lelo ilyo aya maka yalakulilamo, kabili mwalilundile cilya kuli cilya, lyena mulabe cibumbwa ica mweo. Muli aba mweo, icimpashanya icileenda.

³⁴³ Lelo, namwishiba, aba—abasenshi, balalambalala abene ku kalubi, umulungu uwa kwelenganya. Kabili mu musango uwa kwelenganya bacetekelo kutila ulyo mulungu uwa kwelenganya alabasuka bena. Bulya busenshi. Bulya ni bu Katolika. Balafukamina ku ba mushilo aba pusana pusana kabili na fyonse ifyashala. Kabili balikwata Cecelia Washila, umulungu uwa mu ng'anda, kabili ne fintu ifingi sana ifya musango filya. Balafukamina kuli filya, kabili mucine balacetekela filya mu musango uwakwelenganya. Ifyo ca—ifyo caba icipasho cimo, ica kwa Lesa uwa cine uwa mweo.

³⁴⁴ Lelo ilyo ifwe, te mu musango uwa kwelenganya, lelo tulalambalala fwebene ku cinso cakwa Lesa uwa mweo, ubulumba ubwa mweo, ukwishiba ukwa mweo, ukushipikisha ukwa mweo, bulesa ubwa mweo, Amaka aya mweo ukwisa ukufuma kuli Lesa uwa mweo, cipango muntu uwa mweo icimpashanya ica mweo mu mushinku wakwa Lesa. Cinshi ico alecita? Ifintu fimo fine ifyo Yesu acitile; ukwenda mu musango umo wine Aendele, ukucite fintu fimo fine Acitile. Pantu, te cintu ica kwelenganya. Kwalibo butuntulu ubushininkisha.

³⁴⁵ Mwamona ico ndepilibula? Mwamona ifyo aya maka, ifi fyakubomfya uku kulila ing'anda, ukumonekela pamo ne nkombe sha Lukuta, ne nshita sha Nkuta? Nomba, ubushiku bumo muli ishi nshiku, tuli no kusenda cila cimo cimo ica ifi

fyebo, no kufisoma fyonse, no kulangisho kutila fishininkishe ci. Fyonse fyendela pamo. Mucine. Mwamona? Owe, mwe! Ifyo cawama cilya, mwamona, ukumona ifyo—ifyo cena cicita.

³⁴⁶ Nomba, ilya e Ng'anda iyo Lesa ekalamo; te cikulwa ne nyenjele ikulu pa mulu wa cena, kabili na kasonshi aka tali. Mwamona? “Lelo Umubili na mu Mpekanishisha,” Umubili uo Lesa engekalamo, Lesa engendelamo, Lesa engalolekeshamo, Lesa enga landilamo, Lesa enga bombelamo. Ameni! Icibombelo ica mweo, Lesa, Lesa ukwenda pa nkasa shibili, muli imwe. Ubukata! “Intampulo sha mulungami shitungululwa na Lesa,” Lesa ukwendela muli imwe. “Pantu muli nkalata isha lembwa, ishi belengwa na bantu bonse.” Kabili ngo Bumi ubwaba muli Kristu bwaba muli imwe, mukakwata Ubumi ubo Kristu akwete.

³⁴⁷ Nge fyo lyonse nsosa. Fumyeni amenshi mu cimuti ca peach, kabili nga kuti mwaya senda, no kuyengisha, mu cimuti ca mwapele, ici muti ca mwapele kuti catwala ama peaches. Mucine. Mucine cine kuti cacita. Te mulandu ifyo misambo ilemoneka, nacikwata amenshi ya cimuti ca mwapele muli cena, mwamona, atemwa umusango wa cimuti icili conse cili. Mwamona? Cilafumya ubumi bwa ciko uku bufumya mu cimuti ca mwapele, kabili no kucipela u—ukubikwa kwa menshi, kabili no kufumya ukufuma mu cimuti ca peach ukuyengisha mu cimuti ca umwapele. Cinsi icicitika? Tacakatwale nakabili ama peaches. Mwamona? Iyo, mukwai. Te kuti cicite. Nga cakutula ubumi bwa cimuti ca peach bwisa mu cimuti ca mwapele, ntile, tekuti citwale nakabili umwapele. Cakulatwala ama peaches, mwamona, mwamona, pantu nacikwata ubumi muli cena.

³⁴⁸ Cisuma, musende ifwe, tatwaba nangu cimo lelo inkombo sha mu mpanga, abafulungana, mwamona, kabili takwaba icintu nangu cimo kuli ifwe, pantu ifwe bonse twalifwa mu membu na mu mapulu. Ifwe bonse twaba muli iyi misango. Elyo kabili ifwe, fwe bene, kuti twalambalala fwe bene, no kuipela fwe bene, mpaka Lesa asenda ka mupila Kakwe ka kubikila, Ishina lyakwa Yesu Kristu, pantu, “Takwabako Ishina limbi pe samba lya Mulu uko muntu enga pusushiwa,” kabili alaleta Ubumi bwakwa Kristu muli ifwe. Elyo tulakwata icitetekelo ica musango *uyu*, icitetekelo ico Kristu akwete. Kabili icitetekelo cakwa Kristu tacashintilile muli balya ama Fariseo, atemwa ba Seduke, atemwa mu mpoto shabo, ama ketulo, na ba pani, ne fya kusamba fyabo. Cashintilile pa Cebo cakwa Lesa, ameni, icakutula, mpaka Kristu ali Icebo, Cebo calengelwe mu buntunse. Elyo kabili ilyo twinga ba baisushiwamo nganshi ku Maka Yakwe, icakutula twafwa ku kutontonkanya kwesu fwe bene, kabili icitetekelo cenu cilesa mukuba icitetekelo icine cine, aleluya, elyo Ubumi ubwakwa Kristu bulabikwa muli ifwe. Tulesa

mukuba ifibumbwa fya mweo ifyakwa Lesa, incende iya kwikalamo umo Mupashi wa Mushilo enga tuma amapalo Yakwe aya wamisha ukuya mukati mulya, kabili tulaba mu mushinku wakwa Kristu.

³⁴⁹ Yesu atile, “Bushe tacalembwa? Mwali Njebawile, ilyo natile, ‘Ndi Mwana wakwa Lesa.’ Bushe tacalembwa, ukutila, ‘Imwe muli imilungu.’ Bushe amalango yenu yene tayasosa cilya?” Nga Mose, nga Eliya, nga balya bakasesema abaikete mupepi sana kuli Lesa, mpaka Lesa aitwele fye Umwine mukati fye kabo. Kabili balilandile, te bene beka, lelo Lesa. “Mwikatontonkanya ifyo mukasosa, pantu te imwe mwe bakalanda. Ni Tata uwikala muli imwe; Wene e ukalanda.” Ifyebo Fyakwe te fyakwe umwine, pantu, ubumi bwakwe, wene alifwa.

³⁵⁰ Nga mwafwa, mulafumyo mulopa mu muntu, mula mukanga. Ubwafya ubwa cena ni ubu, abengi muli bena tabatala abakangwa. Nga mwafumyo mulopa mu muntu, ni nshi aya. Elyo icintu fye cimo mulingile ukucita kubika umulopa na umbi ukuubwekesha muli ena; ali no kuba no bumi nakabili. Mwalifumishe umulopa.

³⁵¹ Kabili nomba tulabikamo Umulopa wakwa Yesu Kristu, mwamona, kabili cilya cileta icitetekelo icakwa Yesu Kristu, ubulumba bwakwa Yesu Kristu, ukwishiba kwa kwa Yesu Kristu, ukuiteka kwa kwa Yesu Kristu, ukushipikisha kwa kwa Yesu Kristu, bulesa bwakwa Yesu Kristu, icikuku ku ba bwananyina ca kwa Yesu Kristu, kabili icitemwiko cakwa Lesa, ico caba ni Yesu Kristu. Wene e Mutwe umutungulula. Kabili inkasa shenu e mufula, icitetekelo. [Munyina Branham akonkonsha pa cimtamba imiku ibili—Ka.] Ameni! Ubutungulushi ukupitila ku Mutwe, sendeni i . . . ? . . . [Munyina Branham atote ndupi shakwe imiku ibili.] Mwacimone co. Ulya palya amuntu uwapwililika uwakwa Lesa, ilyo akwata aya amaka.

³⁵² Elyo, Lesa, ukulangisha Ulukuta Lwakwe nga Nabwinga, umwanakashi. Lesa alangisha Ulukuta Lwakwe nga Nabwinga. Kabili umusango Aletelamo umo umo ukuba umwana Wakwe, ukuya muli ulya Nabwinga, Wene nakabili alileta Nabwinga ukupita umu muli ishi nshita, [Munyina Branham auma pa cipampa ca kulembapo imiku cinelubali—Ka.] Mpaka Aleta ulu lumo Ulukuta ulutuntulu muli *ici*.

³⁵³ Inkasa shandi shilenda. Cinshi? Pantu umutwe wandi eflyo ulesosa. Nomba, te kuti shende ngo kuboko kwandi, pantu ni nkasa shandi. Luther tekuti acite fintu ifyo tulecita, nangula ni ba Methodist, pantu bali icintu cimbi ica ibela. Mwamona? Inkasa shilenda pantu umutwe eflyo usosa. Kabili umutwe tawatala ukusosa, “Nomba, we nkasa, sanguka ukuboko. Ukutwi, sanguka ilinso.” Mwamona?

³⁵⁴ Lelo, cila nshita, Lesa alibika ifi fintu mukati ka Lukuta Lwakwe, kabili alilupashenye pa kulangisho kutila cila umo umo alikwata ifi, alikwata iyi mibele. Kabili *Ici*, pa kuba ilyo capwishiwa, e Lukuta lwakwa Lesa ukuya mu Kusumbulwa. Kabili *ici* pa kuba, nokupwishiwa, e mubomfi wakwa Lesa, mu Lukuta lwakwa Lesa, abo abaleya mu Kusumbulwa. Ubukata! Mwamona ico ndepilibula? Mwacimone co. Cilya e cintu icituntulu.

³⁵⁵ Uyu *pano* aiso muntu, Paulo, ukubiko mufula. Irenaeus atendeke ukwitilamo *ici* muli lyena. Uwakonkelepo aitilepo *ici*. Uwakonkelepo aitilepo *ici*. Uwakonkelepo *cilya*, kabili *cilya*, kabili *cilya*, kabili ukuya fye panshi mpaka caisa fika ku nshita ya kulekelesha. Lelo cena ni cinshi? Cabo Mupashi umo wine.

³⁵⁶ Umupashi umo wine uwikala muli ine, utila, “Amaboko, sendeni cilye cola.” Umupashi umo wine utila, “Inkansa, pa ngo lutampulo.” Mwamona ico ndepilibula?

³⁵⁷ Kanshi, umu nshinku onse uwa buntu bwenu utekwa no kutungululwa ne fi fintu, lelo tekuti utungululwe umupwilapo mpaka wakwata yonse iyi mibele.

³⁵⁸ Bushe mwalitala ukumfwe ci? Nomba lekeni imwebe ci. Kabili cibikeni mu butuntulu. . . Bikeni *ici* ku kutwi kwenu ukwa kumfwilako. Mwamona? Umunyololo wabo wakosesha palya wa nenukisha. Cilya cishinka. Tawaba uwa kosa ukucila pa ncende apo tawakosa.

³⁵⁹ Te mulandu ifyo *ifi* fintu fya kulwa ifya kosa, *ici* cikulwa; nga na cikwata pa ncende apa shakosa, palya epo citobeka. Kabili tacabe cakosesha ukucila cilye ciputulwa icishakosa. [Munyina Branham alesontelela pa co alengele pa cipampa—Ka.] Nomba nga na mukwata, nga mulesosa ukuti na mukwata *ici*, *ici*, *ici*, elyo ta mukwete *ici*, palya epo itobekela. Nga na mukwata *ici*, kabili ta mukwete *cilya*, ili no kutobeka palya pene. Na mukwata *ici*, kabili tamukwete *cilya*, ili no kutobeka palya pene. Nga na mukwata *ici*, kabili tamukwete *cilya*, cili no kutobeka. *Ici*, kabili nga ta mukwete *ici*, ili no kutobeka. Mwamona? Kabili tekuti mukwate *ici* ukwabulo kukwata *ici*.

³⁶⁰ E ico ilyo mwapela ubuntu bwenu bonse, lyena Umupashi wa Mushilo ui pongolwela fye uwine muli imwe, muli aya maka, lyena mulaba ihema ilya mweo. Elyo abantu balalolekesha no kusosa, “Ulya muntu uwaisulamo ubulumba, ukwishiba (alicetekele Cebo), ukuiteka, ukushipikisha, bulesa, icikuku ku ba bwananyina, uwaisushiwamo ne citemwiko ica Mupashi wa Mushilo. Mwamona, ulya ali palya, ukulaenda enda.” Cena ni cinshi? Umushinku uo abashacetekela kuti balolekeshapo no kusosa, “Ulya palya Umwinakristu. Ulya

palya umwaume, atemwa umwanakashi, abo abaishiba ico balesosapo. Tamwatala ukumonapo umuntu wa nkumbu, umusuma, uwa bulesa.” Mwalikakatikwa. Icikakatikilo cilangisha imbali shonse shibili. Nga cakutila uleya nangu uleisa, muli no kumona icikakatikilo umusango fye umo wine. Mwacimone co. Mwamona? Ilyo umwaume atemwa umwanakashi akwata *ifi*, lyena ilibwe ilya Kwisalilako lilesa no kubakakatika mu Bufumu bwakwa Lesa, ico icaba Umupashi wa Mushilo.

³⁶¹ Elyo Icebo, ukwiso kufuma *Kuno*, cilailangisha Icine ukupitila muli cila cimo ica ifi fibumbwa, mwamona, kabili cilapanga ici Cibumbwa icituntulu Ihema ilyakwa Lesa uwa mweo, icenda, icilangililo ica mweo ica Bwinakristu. Ifyo Kristu ali, aba bantu eflyo bali, pantu Ubumi Bwakwe buli umu. Bali muli Kristu. Kabili ubumi bwabo bwalifwa no kufiswa muli Kristu, ukupitila muli Lesa, kabili ukukakatikwa mulya, ku Mupashi wa Mushilo. Abena Korinti Wantanshi 12. Cilya cishinka. Mwamona? Mulaimona mwe bene abafwa, elyo mulafyalwa ku citetekelo. Kabili, imwe, ubulumba ne fi fintu fimbi filalundwako kuli imwe mpaka mwaba abapwililika, icipasho ica mweo icakwa Lesa. Cilya cisuma? [Ulukuta lwatila, “Ameni.”—Ka.]

³⁶² Elyo kabili Lesa, ukupitila muli cilya, alileta nakabili Inshita Sha Nkuta Cinelubali, ukulangisha amatabo cinelubali ayo Aletele, ukukula umuntu Wakwe mucipasho Cakwe, Akula Ulukuta lutuntulu, mu cipasho Cakwe. Kabili pa kubuka ku bafwa, uyu Mubili ututuntulu ukabushiwa ukwikala pamo Nankwe umuyayaya, pantu wene ni Nabwinga. Mwamona? E ico cilya cilabikamo cila nshita, cila nshita iya ishile.

³⁶³ Kabili kuli na fimbi ififwaikwa, ibukisheni. Ibukisheni ifyo Paulo asosele kuno lubali mu ba Hebere 11? Lekeni mubelengele fye icintu cimo ilyo tatulaisala pano, pali miniti fye. Elyo imwe...Cilalenga imwe ukumfwa uwa ibela ilyo ine...lyonse, ilyo mbelenga ici. Nalabula aba Hebere 11, kabili nalatendeka pa vesi ya 32.

Ni finshi fimbi, *kabili ndesosa nshi cimbi? pantu kuti ya ncepela inshita iya ku mulondolwela ifya kwa Gidione, . . . ifya kwa Baraki, na . . . Samusone, na . . . Yefta; . . . Dabidi . . . na Samuele, . . . na bakasesema:*

Bene ku citetekelo e ko bacimfishe amabufumu, babombele ubulungami, bamwene ifyalailwe, bacilike utunwa twa nkalamo,

Bashimishe amaka ya mulilo, bapuswike ku kanwa ka lupanga, balengelwe aba maka ukufuma mu kunaka, bali aba kosa, mu . . . bulwi, batentwile imilalo iya bambi bambi.

*Abanakashi bapokelele abafwa babo mukubuka: . . .
lelo bambi balilopwelwe, bali cushiwe, bakene
ukupokelela ukulubuka; ukuti bamone ukubuka ukwa
wama:*

364 Ukuya mukati *umu*. Mwamona? [Munyina Branham asontelela kuco alengele pa cipampa—Ka.] Cisuma.

*Awe bambi bapokelele ukweshwa . . . ukwa kupumiwa
. . . ukufopaulwa, ee, nakabili . . . ukwa fikakilo . . . ne
cifungo:*

*Bapolehwe amabwe, baputwilwe pakati kuli baso,
balyeshiwe, baipayawilwe ku . . . lupanga: baendawike
na bafwala impapa isha mpaanga ne sha mbushi; aba
busu, aba cushiwa, abacitwo bubu;*

(abantu abo pano isonde tapabawamine:). . .

365 Moneni, ubulondoloshi palya, lolesheni muli Baibele yenu.

*. . . abalubanta mu matololo, na mu mpili, na
muninga ne ncengo sha pano nse.*

*. . . abo bonse, pa kushimikwa bwino ku
citetekelo, . . .*

366 *Pano!* [Munyina Branham alesontelela pa co alengele pa cipampa—Ka.]

*. . . pa kushimikwa bwino ku citetekelo cabo,
tabapokelele icalailwe: (Mwamona?)*

*Pa kuti Lesa amwenene ifwe kabela icintu cimo ica
wamisha, ukuti balengwe abapwililila ukwa bula ifwe.*

367 Muleumfwe ci? Aba bantu abafwile, *umu*, baleshintilila no kulolela pali ifwe. E ico, *ulu* Lukuta lulingile ukwisa mu kupwililika, pa kutila kwingaba uku kubuka. Kabili bali mwisamba, imyeo mwisamba lya cipailo, ukulolela ulu Lukuta ukwisa ku kupwililika kwa Luko, ukutila ilyo Kristu akesa.

368 Kabili ulu Lukuta, mulemona, luleya lucepelako, abanono fye. [Munyina Branham asontelela kuco alengele pa cipampa—Ka.] Luntu lwatwa nganshi ukucila lulya, lelo caba fye kwati ukulemba lulyo lupanda palya, mwamona. Lwaisa mu mimonekele ya nshindano. Mpaka, Ulukuta, mu banono, lulingile ukwisa mu cifulo mpaka bukapyunga bumo bwine ubo *ulu* lwashile, pantu, ilyo ili libwe ilya pa Mutwe likabwela.

369 Nalikwata akalitumba nga *apa*, apo likesa ikala mulya mwine fye, pali pyramid uwa bapo. Tacaba fye icakwisalilako akekala pa mulu. Cena ca kutekapo icinono, kabili li lingile ukwikala palya, pantu lilasansa amenshi.

Kabili ilyo likesa, ulu Lukuta lulingile ukusongolwa.

370 Fyonse fi, fishintilisha amabwe muli pyramid, yalikala mu musango uwapwililika mpaka tekuti mu bikepo akanesala pakati ka yena, aya finisha sana, ukwikala palya. Ifyo bayemishe, tabaishiba. Lelo baliyakulile.

371 Kabili pa mulu *apa*, ilyo Icakwisalilako ica pyramid cikesa, pyramid Ine, Umubili wakwa Kristu bukasongolwa. Te fisumino fye fimo atemwa isambilisho, atemwa icintu cimbi ico tupitamo. Cikaba icapwililika nganshi nga Kristu, mpaka, ilyo Akesa, Wene kabili na bulya bukapyunga bukalingana bwino bwino capamo. Mwamona? Elyo kukesha Ukusumbulwa, ukuya ku Mushi.

372 Moneni uko tuleikala nomba, mu Laodikea, uko lukuta lwali nshita ya lukuta ulwa bipisha batalile ukukwata. Muli Baibele, tulesango kutila, yali fye inshita ya lukuta lweka ulo Lesa ali kunse ka lukuta, ukukunkunsha, ukweshwa ukubwekela mu cikulwa Cakwe umwine. Ifisumino ne filonganino fyalu Mubikile kunse ka lukuta Lwakwe lwine. “Mona, ni njiminina pa mwinshi no kukunkunsha. Ngo muntu onse aumfwa icilaka kabili ali no kwisula umwinshi, ndeingila kuli wene, no kulila pamo nankwe.” Mwamona? Ici cili apa, muli *iyi* nshita ya lukuta. Baishiletendeka uku Mutamfisha kunse, mpaka *kuno* baishile Mufumisha panse umupwilapo. Taba fwayapo icakucita na Cena.

373 Nomba mulemona ilelo uko tuleya. Nangu ni ku mpela ya Nshita ya Lukuta lwa Laodikea lwaisaba ulwatalalilwa nganshi, mpaka lweni na bu Katolika, ulwa lutobele *umu* mwine, baleisa capamo no kwampana ngo lukuta lumo ulukalamba. No kwampana kwa nkuta, cabe cintu cimo cine nga bu Katolika.

374 Kwaba fye ubupusano bumo, nga kuti basuminishanya pali cilya, cilya kulyo mulalilo. Cilya e cintu fye ceka mu diocise, ico—ico—ico icikanya bu Katolika na bu Protestant ku kwampana, mu butantiko ubwa mulalilo. Ulukuta lwa Katolika lutila, “Cena mubili.” Kabili ulukuta lwa Protestant lutila, “Cimininako umubili.” Ba Katolika bapanga imisa ukufuma muli cena. Imisa caba, cilya, balalya umulalilo, ukusubilo kutila na balekelelwa. Ba Protestant balaulya ku citetekelo, ukutotela Lesa, mu mulalilo, ukutula na babelelwo luse. Ba Protestant batila, “Tulabelelwo luse.” Ba Katoloka batila, “Tulesubila na tubelelwo luse.” Imisa no mulalilo. Balacita imisa; ifwe tucita umulalilo. Imisa kusubilo kutila efyo cili. Umulalilo kwishibo kutila efyo cili, kabili no ku Mutotela pali cena. Mwamona? Kabili cilya e cintu fye cimo ico tekuti bomfwaninepo. Bakacicita.

375 Owe, cimoneka ukuba icawama sana. Bakesa ampana, ukutungulula...Lukesa—lukesa tungulula bonse ba... Cisuma, Baibele itila, “Kabili ifi fiswango fyapela amaka ya fiko kuli cilende mukalamba,” mwamona, balya mpene abene

capamo. Mwamona? Filya fine fye ifyo Baibele yasoso kuti bakacita, balecicita ino ine nshita. Cili fye mukucitika, uno wine mulungu. Te kutila nalikwata cimo ica kususha abantu ba bu Katolika, cimo cine nga bantu aba Protestant.

³⁷⁶ Imwe ba Methodist na ba Baptist, kabili mwe bengi imwe ba Pentecost, ilyo inkuta shenu shaya fye muli ukukwampana kwa ma calichi, ilyo baishilekwata umwakubike fitumbi mwabo umukalamba ukukulwa mulya mu New York, muli kulyo kwampana kwa ma calici, caba fye icintu cimo cine nga mu United Nations ne fintu. Balesha ukwampanya bu Protestant bonse capamo.

³⁷⁷ Nomba, ba Katolika balikwata amano kuli cilya, kabili bali no kuleta uyu papa Yohane uwalenga amakumi yabili na itatu, atemwa uwalenga amakumi yabili, fyonse fintu ali. Aleesha, mu nshila iya cepesha, mukuicefya, ku kuleta abacitetekelo bonse aba Protestant kabili ne citetekelo ica Katolika ku citetekelo cimo, filya fine fye ifyo Baibele yasosele ukutila bakacita. Mwacimone co. Kabili ba Protestant ukuwilila cena, ubulobo, ulusale, kabili impepa.

³⁷⁸ Cinshi? Cinshi? Pantu tabakwata *ifi* fintu. *Ukwishiba*, “Icebo calilungama.” *Ukushipikisha*, “Abo abalolela pali Shikulu.” Mwamona ico ndepilibula?

³⁷⁹ Nga ulya Bishop uwa Methodist asosele ubushiku bumo, ilyo basuminishe cilya. Kabili uuli onse alishiba cilya, ifyo, cinshi ica putilemo cilya, ukwasha ukuleta ipepo limo ilya landwa mu lukuta, atemwa mu sukulu. Kabili balefwaya uku...Ndetontokanya cali li buku lya mapepo lyaba Presbyterian, atemwa icintu cimo na cimbi, kabili abafyashi batwele kucilye i—i—isukulu pantu tabasumine ukusose li pepo mu sukulu. Kabili uyu Bishop uwa Methodist ali umuntu uwa mano, aliminine no kusosa, Cilya cilubo.” Atile, “Tacabamo mu mafunde.” Aishile iluka pali cena. Atile, “Kwati ni mu lukuta lwesu ba Methodist,” atile, “mu lukuta lwesu ulwa Methodist,” atile, “abantu besu abengi lyonse balanda pa bwafya bwa Hollywood, kabili icipendo ca makumi pabula na fisano icabena balaya mukutamba ifyo fine.”

³⁸⁰ Mulandunshi? Balifumine kuli *ici*. Cilya caba filya fine. Balifumine kuli cilya.

³⁸¹ Nalelanda muno mwine muli cino cine cipinda, ubushiku bumbi, ku mu—mu—mu bomfi uwa lumo pa nkuta ishaha Methodist ishikalamba ulwabapo mu Musumba wa Falls, lumo lwabo lwa bu mupashi nganshi mu Nkuta shaba Methodist ulwabapo mu Musumba uwa Falls. Ukulangisha, inshita ya Methodist iyo iyalekonkapo ku nshita yesu palya, ba Pentecostal. Kabili atile, “Mu St. Louis, Missouri, bakwete ukufwailisha, nalimo itatu atemwa imyeshi iine iyapitapo, no kusango kutila.” Ulyo mwaume limbi naikala muno muno

lucelo. Cisuma, e kakula ulekula cino icikulwa, ukutuwamisha icikulwa. Main Street Methodist, e kuntu aba, uko Munyina Lum na balya e pastor. E ico kanshi tulesango kutila muli cilya, cilya ndecetekela cali icipendo amakumi cinelubali na fimbipo ica bantu ba Methodist mukufwailisha, muku cencenta kwa mu St. Louis, kwalangishe ukutila icipendo amakumi cinelubali na fimbipo muli ba Methodist, balapepa fwaka, kabili icipendo ica makumi mutanda na cine konse konse muli bena balanwa amalwa ayapusana pusana. Methodist! Kabili icintu iceni cali, ilyo cali ukufwailisha ukwa pelwe, atemwa icipendo pakati ka baume na banakashi; abanakashi, cali amakumi cinelubali, icipendo amakumi cinelubali na fimbipo, kufika nalimo icipendo amakumi yasano ya baume. Abanakashi abengi balapepa fwaka no kunwa ukucila ifyo cali ku baume. Icipendo amakumi cinelubali, icipendo amakumi cinelubali na fimbipo, abanakashi abengi ukucila filya cali ku baume.

³⁸² Nomba nga nga cakutila twaya kwi Sambilisho lya Baibele iya kufwala bakaputula, no kubeye mishishi, ne fintu ifya musango filya, mwamona, uko bulesa, abanakashi abalanda pali bulesa no mushilo? Amakadi ya malila, ne fintu fyonse, abalwambo, aba pakanwa, abo abashikatilila ululimi lwabo lwine. Ululimi lwabo ukulanda no lwambo, no kulaenda enda. Inga baume bena? Amakadi ya malila, amangalo ya golf, kunge kulya abafwala citika, no twakufwala utunono utumoneka utwafiko, na balya abanakashi ukuba kulya kwine. E mulandu wine!

³⁸³ Mulemona ulyo mulandu uwa fiko ukubikwa pali ulya kashimikila, kashimikila wa mu cifungo, muno lucelo? Ee, mukwai. Nshilecetekela ulyo mwaume nakwata umulandu wa cilya. Cinshi ico cacitile? Ulya ni Munyina... Tekuti ntontokanye ilyakwe... [Umo atila, "Dan Gilbert."—Ka.] Ee. Dan Gilbert, kashimikila wa mucifungo. Ilyo ulya muntu aishile ingilamo no kwipaya Dan, kuno imyeshi inono iyapitapo, kabili nomba umukashi wakwe ali no kukwata umwana. Mucine, Dan alifwa, tekuti babike umulopa mukanya nomba. Umwanakashi asosele ukutila Dan aulungene nankwe, kabili ulya ni ena... "Ulya mwana wakwa Dan." Ica musango u... Nshilecetekela cilya ukucila nge fyo ninga cetekela ukutila mwa—ukutila mwa—mwankole nakwata amasako ya cipele. Iyo, mukwai. Ndecetekela bwena bufi. Ndecetekela Dan Gilbert ali muntu wakwa Lesa. Kabili ndecetekela ilya mibombele yakwa Ciwa.

³⁸⁴ Nga cilya fye cintu ukweshu ukubikwa palwa yalya amapepo. Ulya Bishop umukote uwa Methodist ali uwacenjela nganshi ku kwiluka cilya. Nga cakutila alikwete, nga cakutila cilya cili fye icaputwamo, cilya icaputulwamo ku cintu cimbi ica ibela. Cilya cishinka.

385 Kwati fye ubu bwafya bwakapatulula kulya ku kapinda ka Kulyo, icintu cimo cine. Ndecetekela abantu balingile ukuba bantungwa. Ndecetekela ino nko imininako ubuntungwa. Nshile ebaula Mr. Kennedy pakutumako ifita. Nangula, nshili ka—ka “kashitisha umupya,” kabili nshili Democrat. Nshili Republican. Ndi Mwinakristu. E ico naba. . . Lelo nshacetekela muli cilya. Nshile cetekela abantu abasweshi balingile ukushitisha ama bubeli yabo ku cintu ca musango filya, nangu cibe fyo. Cali ni ba. . . Cali cilonganino ca ba Republican. Umulopa wakwa Abraham Lincoln wabakakwile balya bantu pantu ali umuntu uwa bulesa. Ndetontonkanya balingile mpaka fye ukulambatila ku cilonganino cabo nga bakatala ukufota.

386 Lelo ndemwebe cintu cimo, ulyo mulumendo tali fye mukati mulya pa mulandu fye wakutila, mwi sukulu lyabo. Ulyo mulumendo mwikala calo. Wene mwina America. Ubu bantungwa bwa bonse. Umutundu wa nkanda ya muntu taulingile ukupilibula ukupusana kwakwe. Ifwe bonse. . . “Lesu,” atile, “ku muntu umo, apangile umulopa onse, ne nko shonse.” Bonse twaba umo. Lelo, ulyo mulumendo, ali umushilika. Wene alishibisha. Alwishishe cilya icali icalungama. Alikwete insambu ukuya ku sukulu. Cilya cishinka. Lelo alikwete ama sukulu ayengi aya kuyako.

387 Cili kufyo icintu cili. Nga mwaya kunuma ya cena, nici cintu iciliko ilelo ica cilonganino kulya lubali, icileputamo cilya. Cinshi? Baletwala yalya ama foti aya basweshi ukufuma kuli Republican ukuya ku Democrat, kabili baleshitisha ama bubeli yabo kuli cena. Cena cishinka icapwililika. Umupashi wa Mushilo taulimo umu. . .

388 “Lekeni uyo ukwete amano.” “Lekeni uyo ukwete ukwishiba.” Filya fine. Kwati fye luno lukuta, ino nshita iyo tulimo, ukuishitisha iine. Bushe tamulemona icili no kucitika.

389 Nshilesakamana nga cakutila ici cileambulwa. Ici cileisa. Uh-huh. Ee. Mulandu nshi? Bamayo abandi balesosa, “Mupeleni Kasebanya amalipilo yakwe.”

390 Kwaba fye umwaume umo uwacitile icintu umwali amano, ulya ali ni Castro kulya lubali. Ee, mukwai. Aile kulya lubali. Kabili abantu aba cuma balikwete fyonse fisali na fyonse fye. Bena, cabapelafya ilya golde, nga filya United State. Finshi ifyo acitile? Alishitile fyonse filya ifya makwebo. Ukubula indalama mu musango onse enga citilamo. Ni cinshi ico acitile lyena. Aishile pashanya indalama, kabili no kushipilibula. No kushibwekeshamo filya fine. Cilya e cintu fye cimo cino calo cinga cita.

391 Bushe mwalyumfwile *Life Line* ulucelo lumbi? Cinshi, namwishiba, cili kwati muleshitisha ifya makwebo pali golde. Ifya makwebo na fisendwa kale. Kabili ubu buteko ubulipo nombu bulebomfya indalama pa cinshi? Pa ndalama sha

musonko isho bakulapoka pa myaka amakumi yane ukufuma nomba. Na bupwa. Ilya ni *Life Line* ukufuma fye kulya kwine ku Washington D.C., ukuciluka icalo. Imisonko ubo balebomfya, kabili ukwasha ukushita ifya kunse. Cisuma, baleshipela fye nalyo line. Bushe ta mulemona? Cilya ni filya fine ifyo bena bali—ifyo bali no kucita. Mwamona? Cena ni cinshi? Nomba, nga cakutila cino calo cili no kukana kwata indalama, icintu fye cimo ico cinga cita kutwalilila fye ukuba ababula indalama. Icintu fye cimo ico cinga cita kuba fye aba bula indalama.

³⁹² Cilya e cintu fye ceka ica mano ica kucita, kupilibula indalama. Lelo tabakacicite, muli ubu bupyungishi ubuliko nomba. Ulukuta lwa Roman Catholic lwalikwata golde iye sonde. Kabili ifyo bali no kucita ku shitisha, “Aba baume abakankala,” kabili na fimbipo, “abe sonde,” nge fyo Baibele yasosa. Finshi ifyo bakacita, ilyo tabalalusa? Company iya Fwaka iya Brown na Williamson, mupepi yonse iya yena ya Katolika, ifyo fine. Kabili na fyonse ifi fintu fimbi, finshi fikacita? Fikasumina cilya, kabili bakasende ndalama ukufuma mu Rome, elyo kabili aishile shitisha ububeli bwakwe bwine. Rome alamwafwilisha. Ee, mukwai. Wena akafwilishe ci kabili alepanga amafunde ayalinga nomba, ukuya mupepi nganshi na bena ukuletamo bafilolo bakwe. Lolekesheni ifyo Mr. Kennedy alelomba.

³⁹³ Ilyo mwamwene ci, ubushiku bumbi, takuli ukufota nakabili. Mulandu nshi uwa kufotela? Ilyo, bacibikile mwi pepala, no kucishininkisha ku cintu bwingi, kabili balikene ukucita icintu icili conse palwa cena. Ilyo, balishininkishe ukutula ba mashini icalo conse balibikilwe, ukutula balisalile Mr. Kennedy ku kufota ukwa bufi. Bushe Baibele taisoso kutila ali no kwisamo mubucenjeshi? Mucine cine, ukubepo bufi. Nomba, nshisusha icilonganino ca Democrat nga filya icilonganino ca Republican, lelo ndesosa fye ifishinka ukufuma muli Baibele. Mulandu nshi uwa kufotela? Baliishiba uli no kwingilamo mulya.

³⁹⁴ Ni banga muli imwe abaleibukisha ubunkolanya apo bwakwete abanakashi babili ukwiminina? Kabili umu atile, “Ndi no kufotela Mr...” Atemwa, umwanakashi wa Protestant atile, “Ndi no kufotela Mr. Kennedy.”

Batile, “Mulandu nshi?”

³⁹⁵ Batile, “Pantu ndetontonkanya alibako uwa cenjela ukucila Mr. Nixon. Akaba Kateka umusuma.”

³⁹⁶ Elyo aishile sosa, “Uyu mwanakashi uwa ku Katolika. ‘Nani uli no kufotela?’”

³⁹⁷ Umwanakashi atile, “Ndi Katolika, Roman Catholic, Katolika umwine mwine.” Atile, “Kabili ndi no kufotela Mr. Nixon.”

“Mulandu nshi?”

398 Atile, “Pantu, ndetontokanya Mr. Nixon kuti aba Kateka umusuma pantu alibelesha sana ku fintu. Alishibisha sana communism.” Ulyo mwanakashi abepele ubufi.

399 Ninkwata I. . ifyo beta, *Ifishinka Ifya Citetekelo Cesu*, ibuku ilya pulishishapo ilya ba Katolika ili ngashitwa. Kabili lilasosa mulya, “Nga kuliko Katolika pa ba kufotela, uyo ulecimfyanshanya na Protestant; nga Katolika afotela Protestant, balatamfiwa mukulongana kwa lukuta lwa Katolika.” Cisuma. “Kabili nga kuli ba Katolika babili abalefwaya iofeshi limo line, bali no kusala uyo wabo uwa cishinka nganshi ku ‘lukuta abako’ no kubafotela.”

400 Mwamona ifyo, bulyo bucenjeshi, ifyo baleesha ukucita? Ukupele ndalama, ku kushita. Cinshi? Baleesha ukucitobaula. Kabili balecicita, kabili talukwete ndalama. Kabili cena ni cinshi? Cili pelamfya lya golde. Kabili Ulukuta lwa Katolika, ubufumu, bwalikwata golde iye sonde. [Umo atila, “Imintapendwa umwanda umo na makumi mutanda na cine konse konse ya ma dollars.”—Ka.] Imintapendwa umwanda umo na makumi mutanda na cine konse konse. Mwacimone co. Ukumubwekesha fye pe lamfya lya golde, kabili imwe mwe bantu sungeni fye ama yanda yenu ne fintu, lelo mwaba ku lukuta lwa Katolika. Cino calo ca lukuta lwa Katolika. Icintu conse na cikatwa bu nkole mulya mwine nga filya, ukupitila mu ndalama yabo. Bushe Baibele tailanda pali cilya? Cilya e cikope ico Baibele itulangisha.

401 Ico ndeesha ukusosa, munyina, ilelo. Bali no kusosa, “Cilya cili no kupanga ulukuta ulusuma. Cili no kwampanya bu Protestant.” Cilamoneka Bwino ku linso lya cifyalilwa, lelo ukwishiba kwalino isonde buwelewele kuli Lesa.

402 “Kabili casekeshe Lesa, ukupitila mu—mu buwelewele bwa kushimikila, ukupususha abo aba luba, kwi ofeshi ilya Bulesa ilyo Asontele mu Lukuta Lwakwe, ku kukulo Lukuta pali iyi mibele iya bu mupashi kabili te pa cintu icili conse ico cabe ca pe sonde.”

403 Petro atile, “Kabili pantu na mu fulumuka ku bubole bwe sonde ukupitila mulunkumbwa lwa ndalama, no lunkumbwa lwa nshita ishikalamba, no kwangala, kabili ukulya, no kunwa, no lunkumbwa ulo twakwata. Na mufulumuka filya. Kabili nomba na mukulwa mubwikashi busuma. Ndelembela cilya ku Lukuta,” eflyo asele. Mwacimone co. Bushe na mucibelenga? Bushe na mucumfwa? Bushe mwa cicumfwa ilyo bacicibelenga ku numa uku muli Petro Wacibili? Kutikeni fye ifyo alesosa pano, ifyo calembwa bwino muno, ifyo wene—wene ailembele. Cisuma. Umfweni kuli wene ilyo alelanda. Cisuma.

Petro, *Simone Petro, umusha kabili umutumwa wakwa Yesu Kristu, kuli abo . . . abapokelele icitetekelo icalingana ne cesu ica mubulungami bwakwa Lesa wesu kabili Umupusushi wesu Yesu Kristu:*

. . . mutende fi—fifushiwe kuli imwe mu kwishiba Lesa, kabili muli Yesu Kristu Shikulwifwe,

Ifyo amaka ya—yakwe ya bulesa yaba aya kutufumpile fintu fyonse . . .

⁴⁰⁴ Nibani abali no kupyane sonde ne fintu fyonse? [Umo atila, “Aba mushilo.”—Ka.] Mucine. “Ifyalola . . .” Ea. Cisuma.

. . . fyonse ifyalola ku mweo na kuli bukapapa, mu kwishibo watwitile ukuti twise ku bukata mu bukata:

Muli ifyo atufumpile filayo ifikankala . . . kabili ifyakulisha, ukuti muli ifyo e mo mufulumukile mu lunkumbwa (Umfweni kuli ici.) ululi pano isonde, no kuba abakumako ku mbela ya bulesa.

⁴⁰⁵ Ulunkumbwa lwa ndalama, ulunkumbwa lwa fintu ifikalamba, ulunkumbwa ulwa kulumbukwa, ifi fintu fyalifwa ku wacetekela. [Munyina Branham akonkonsha pa cintamba imiku ine—Ka.] Tatusakamana. Ihema atemwa insakwe, cinshi ningasakama; uwa mweo atemwa ukufwa, ukwibila atemwa ukunwena? Ici e cintu ico ndefwaisha, Ubufumu bwakwa Lesa. Nga cakutila ndi no kusunga ing’anda yandi, nga cakutila ndi no kusungo lupwa lwandi, nga cakutila ndi no kusunga conse fintu cili, lekeni nsunge Kristu, isubilo lya Bukata.

⁴⁰⁶ Nkuleni ukuya pa mulu, Mwe Shikulu, muli *Ici*. Lekeni Kristu abe Umutwe wandi, ukutila alebombela muli ine. Pa mufula wandi, icitetekelo candi icaba muli Wene, lekeni ubulumba, ukwishiba, ukuiteka, ukushipikisha, bulesa, ne cikuku ku ba bwananyina, fibombele muli ine, Mwe Shikulu, e pepo lyandi. Nshisakamana; uwa mweo atemwa ukufwa, ukwibila atemwa ukunwena; icilonganino, nangu ukwabule cilonganino; cibusa atemwa ukwabula cibusa. Lekeni Cilya cibombe muli ine, lekeni ubulumba bwakwa Kristu, ukwishiba Kwakwe, fipongololwe, ukutila ningabo uwa kusambilisha balya.

⁴⁰⁷ “Pantu Lesa alibika mu Lukuta, abatumwa, bakasesema, bakasambilisha, bakacema, na bakabila wa Mbila nsuma, bonse ku kuwamya no kuleta yonse aya maka muli lwena, kuli kulyo kuwamya ukwa Kwisa kwa Mwana wakwa Lesa.” Cila limo ilya *aya* amabwe yakubomfya ku kufuma kuli ulya Umo. *Ifi* fyakubomfya ifya *Ici*. Cila yamo muli aya maka yakuli Wene, kabili yalepongololwa ukufuma kuli Wene, ukuya mukati muli bona. Amenii.

⁴⁰⁸ Twelufu koloko. Nikwisa uko fiya? Amenii. Bushe mwali Mutemwa? [Ulukuta lwatila, “Amenii.”—Ka.] Bushe mulecetekela cilya? [“Amenii.”] Umfwa, we munono.

409 Nkashi Kidd acitila, mu lucelo, “Munyina Bill, nshishibe nga cakutila ndi no ku kumona nakabili.” Cilya cacilafwaya ukunjipaya. Mwamona? Aci tontonkanya aleya alekota, kabili efyo ali. Nalipepa kuli Lesa ku kumusunga pamo na Munyina Kidd, akale sana.

410 Lekeneni mwebe, tatwishibe kufika lilali tuli no kuba pamo umo no mubiye. Nshishibe kufika lilali ndi no kuba nenu. Lesa kuti anjita ukufuma mwi sonde. Kuti anjita ukuya ku mulimo umbi muli ili bala. Kuti amwita ku ncende imo. Tatwaishiba. Lelo, lekeneni ifwe—lekeneni ifwe tupoke. Mwileka ifwe ici citucilukile. Lekeneni tubule cilya.

411 Cilya icili palya, muli Baibe. Ici icili pano, ukupashanya fyonse ifyashala. Kabili nga nalikwete fye inshita ukucicita! Tekuti ucicite mu bushiku bumo. Mwalishiba cilya. Lelo, kuti twakaka icintu conse pamo!

412 Lolekesheni, ilyo twapwishishe nailye mbila kulya, mwalimona ifyo Mupashi wa Mushilo acitile palya pa cibumba, bushe tamwamwene? Nibanga abaliko lilya? [Ulukuta lwatila, “Ameni.”—Ka.] Mwamona? Mucine! Aishile ika, aishile lenga icintu cimo cine, Malaika wakwa Shikulu.

413 Mwamona, cena cishinka. Mwileka cimufulumuke. Ikatilileni kuli cena, mwebana. Ikatilileni kuli cilya. Ibukisheni, kuleni pa citetekelo cenu, ubulumba, ukwishiba, ukushipikisha!

414 Nomba, pano, ndetontonkanya nacikwata akaputulwa ke pepala pano, nga nshikaponeshe pamo ilyo nacila shimikila. Cisuma kano kali pano. Natotela, munyina. Natotela, sana. Nga mulefwaya uku—uku lolekesha pali kena, kabili no kumona nga kuliko icintu cimo pano ico limbi kuti mwa... Nalimo cena cilangililo icawamishapo ukucila cilya icili palya, pakutila mwinga lengako fimo pali ici. Nala cikambatikafye pa mulu apa, kabili mucine kuti mwalolekesha pali cena no—no ku cilemba.

415 Kabili ndefwaya imwe ukucisenda no kucisoma, no ku cipashanya, elyo kabili no kusumina cena. Mwikacisoma fye, ukucipashanya fye, lelo sumineni cena ilyo mwingacita. Cisendeni mubufumacumi mwebene. Mwisosa, “Cisuma, nalyumfwa bwino ukumfwa kuli yena.” Naine, ni ncita. Lelo ukumfwa kuli yena, elyo kabili no kuipokelela, cintu capusana. Mwamona? Mwamona? Cintu capusana. Mwamona?

416 Kwaba ifyakufikilisha cinelubali ku kupanga umushinku wakwa Lesa. Kwaba Inshita Sha Nkuta Cinelubali, ukutila Lesa naleta Ulukuta kuli ifi ifyakufikilisha. Kabili Alikwete inkombe cinelubali uku cicicta. Kwaba cinelubali, cinelubali, cinelubali. Mwamona? Cinelubali ni—ni mpendwa yakwa Lesa iya kupwishisha, kabili fitatu ni mpendwa yakwa Lesa iyapwililika. E ico, kwaba fitatu, kabili na bacinelubali batatu.

E ico, munsamushi, kuli bumupashi, ku Cebo, ku bunte bwa Mupashi wa Mushilo, conse fye na cipwishisha icintu conse pamo. Ka tucisome.

⁴¹⁷ Katulunde ku citetekelo cesu ifi fintu, kanshi, pakutila twingesa mu mushinku utuntulu wa kwa Kristu; ukuba abalundinkana pamo ne citemwiko ca bulesa, ukutina Lesa, akatina mu mitima yesu kuli umo no mubiye, umucinshi wine wine kuli umo no mubiye, icikuku kuli ba munyina na ba nkashi, ukwabula ububi, tapali cimbi kano fye ukusanguluka kwa Mupashi wa Mushilo uwa bumi. Mwamona? Ikaleni pamo, beni Abenakristu. Endeni ne citetekelo. Lekeneni ubulumba bwakwa Lesa fyende muli imwe; lekeneni ukwishiba kwa kwa Lesa, ilyo caisa ku ca lungama ne cilubo. Ilyo Kasebanya aleta icintu cimo cilya icishaba mu Malembo nga filya, endeni ukutaluka kuli cena. Cilya cishinka.

⁴¹⁸ Kuti naelenganya balya abatumwa tabatalile ukubomba nga ifwe. Baleenda enda, nalimo abaume ba mashiwi ayanono, mpaka baile na mu cintamba. Baishile ingila no kucita ifyo balingile ukucita, no kufuma panse. Ee, mukwai. Balikwete amaka. Balikwete ubulumba. Tabakwete ifikansa na bantu. Balishibe apo baiminine. Epela fye. Balishibe uo bacetekele. Balitwalilile ukwendela mu Mupashi. Ukucita fye. . .

⁴¹⁹ Nga filya fine na sosele ubushiku mailo. Ukusuminisha fye kumo ukunono, epela fye ifyo Lesa alingile ukucita, elyo tapali nangu cimo icali no kubakanya. Tabaipwishe no kusoma, kabili hum-haw no kusakamana nge fyo tucita, nga cakutila bali nokucita *ici* atemwa *cilya*. Baile pantanshi no kucicita, ifyo fine. Ukusuminisha fye kumo kunono ukufuma kuli Lesa, cilya calicicitile, lilya line fye. Cinshi? Musango nshi bali no kwishiba ukutila kwali ukusuminisha ukufuma kuli Lesa? Balikwete aya maka yonse muno, fyonse ifi ififwaikwa. Kabili ukusuminisha ukunono ukwa ntanshi ukwa kwa Lesa kwapashenye na fyonse *ifi*, kabili ne Cebo Cakwe. Bali shibe cali Icebo cakwa Lesa, kabili abo balile. Tabali no kusakamana pa cintu conse. Ilyo Lesa alandile, baliile. Tulalanda. . .

⁴²⁰ Lesa alalanda kuli ifwe, kabili tuli no kusosa, “Cisuma, twalatampapo. Tuli no kumona nga cakutila kuti twaikala ubu Bumi.” Icintu ca kubalilapo namwishiba, umuntu umo amulufyanya. Cisuma, mucine, ulya ni Ciwa.

⁴²¹ Mulingile uku mumona ukweshwa ukuncilinganya muli uku kulongana mu lucelo. Mulingile ukukwata cilya inshita imo. Owe, uluse! Ningile ukulwisha cila nshita ilyo nalumbula palwa kulongana. Kabili nga ndi no kupepelela umulwele, kabili umuntu umo alefwa, kabili tapusushiwa, kuli no kwisa ba lamyama amakumi ya tatu mu ma mininti ikumi limo, nga kuti ba tuma cilya bwangu, ukunkanya ine kuli cena. “Owe, Munyina Branham, ulingile ukucita *ici*.” Lelo kuli umweo uli mu kufwa. Mucine.

422 Ubushiku ubwafumako, naitilwe ku ncende. Umulumendo, nalilandile kuli wene kuno lubali muli cilya ico mwita, supermarket, imyaka inono iya fumako. Aishileba cacolwa. Nalishibe umulumendo, umulumendo umusuma fye, lelo ali umubembu. Kabili e ico banyina balinjitile. Ndetontokanya aitile Doc inshita shimo. Ine. . . Ukwita, kabili balitile Billy, kabili—Kabili mukulekelesha nalipokelele mbila. Kabili ilyo napokelele mbila, mu cishinka ku busuma bonse, nshatalile ukukwato bulwi ubwingi nganshi mu bumi bwandi, ukuya kuli ulyo mulumendo.

423 Kabili ilyo naile kulya, umuntu umubusu alifumine mukunjishiba. Ulya ali palya, nalala palya, nafwa umutombo, kabili ukulateta fye. Kabili ba wishi ukweshwa ukumupampansa, no kusosa, “Mutemwikwa.” Kabili umwaume ali na makumi yasano, nalimo imyaka ya kufyalwa amakumi yasano na umo. Kabili alesosa, “Mutemwikwa,” *ici*, “kabili alele tondolo.” Kabili aleesha ukubuka. Amaboko yakwe ayakote ayanono nalimo ayakulu nga *filya*. Umulumendo ali ne mpwalonda ikulu mpaka tali nangu cimo lelo impwalonda ituntulu. Ifilundwa fyonse ifya mubili fya kwete impwalonda. Nangula mulopa wakwe wali mpwalonda, ifintu fyonse. Kabili ulya ali palya, ukweshwa ukubuka, kabili no kulateta filya fine.

424 Nalimwikete pa kuboko, natile, “Woodrow, Woodrow, uno ni Munyina Branham.”

425 Ba wishi batile, “Bushe tawishibe? Uyu ni Munyina Bill. Woodrow, uyu ni Munyina Bill.”

Atile, “Uh-huh. Uh-uh-uh,” nga filya.

426 Kabili ba wishi balilolekeshe kabili batile, “Billy, naucelwako mukwisa.”

Natile, “Nshicelelwe sana nakalya. Ali muno.” Nacikwato bulwi.

427 Elyo kabili abalumendo bambi, abalumendo na bambi abengi, aba bembu, baliminine palya, bamo aba lupwa lwakwe. Natile, “Mulemona, balumendo, iteyanyeni, pantu muli no kwisa kuli ici cifulo. Mukesa isa apa pene fye. Mwamona? Limbi te kuli iyi impwalonda. Limbi kuti waisa ne cintu cimbi ica ibela, kunse kulya mu musebo ukalamba, ukusuma umulopa kumfwa, atemwa icintu cimbi. Mukesa kuli cena.” Twalilandile kuli bena.

428 Nalelolela ukumona ifyo Umupashi wasosele ukutila cita. Ukulolela. Icintu ica kubalilapo na mwishiba, nalyumfwile kulyo kusuminisha ukunono. “Bika indupi pali wene.”

429 Nalyendele, natile, “Imwe bonse kontamiken iimitwe yenu.” Bonse balikontamike iimitwe yabo, babili atemwa abalumendo batatu mulya.

⁴³⁰ Nalibikile indupi shandi pali wene. Natile, “Shikulu Lesa, lekeni umulumendo akwate kampingu uwakwishiba ifyo ali no kucita, ilyo talakumanya ici cintu. Alefwa. Uyu Ciwa na mwikata na mukaka, ku kukumanya ici cintu. Kabili nanwena umwine kumfwa, kabili uyu ali apa muli uyu musango. Ndelomba kuli Imwe mubeleleni uluse.” Kabili ilyo namupepelele, ulucelo ulwakonkelepo alikele, ukulanda kuli ba wishi.

⁴³¹ Busty Rogers, ilyo banjitile kulya lubali ku cipatala, te kale sana. Nalikunse kulya bulya bushiku, panuma ilyo nashimikile kulya lubali ku Milltown uko Georgie Carter umunono aundepwe. Imwe bonse mulecibukisha. Kabili kulya ilyo Munyina Smith, kashimikila wa ku Methodist, atile, “Nga cakutula uuli onse alitala ukubatishiwa, mwi Shina lyakwa Yesu Kristu, fumeni muno mwi tenti lyandi,” filya fine. Kulya ku Totten’s ford, ukukwata kulyo kulongana kulya lubali. Kabili, owe, alinjebawile pali conse ico mwinga tontonkanyapo. Nshatalile ukusosapo ishiwi; alitwalilile. Nalikwete umulimo. Shikulu alinangishe icimonwa. Kwaliko umwana wa mpanga kulya lubali, uwakobwa pa cifulo cimo mu matololo. Imwe bonse muleibukisha icimonwa, imwe bonse. Ndemona mulecita. Bushe mulecibukisha? [Ulukuta lwatila, “Ameni.”—Ka.] Mucine. Cisuma. Elyo naleya ukupita mu matololo kulya, ukulaifwaya.

⁴³² Naile ku Totten’s ford. Munyina Wright palya naishiba. Twaile kulya, tatwaishibe ifya kucita. Nalishitile akabokoshi akanono akasopo, kwi kobili. Nali no kuya kunse kulya, ukwiminina kulya no kushimikila pe tabo. Atile aleya pa mulu, pa mulu wa lupili, ukuya cita makwebo yamo. Naile pamo nankwe. Kwaliko ulukuta ulwa kale ulukalamba ulwa Baptist ulwali palya, umushali kantu. Shikulu atile kuli ine, “Iminina palya.”

⁴³³ Natile, “Leka nshale pano pene, Munyina Wright.” Naliminine. Aile pa mulu no kubwela.

⁴³⁴ Naile kulya, kabili nalifililwe ukwisule cibi. Natile, “Shikulu, nga Muli muli ici, Mulefwaya ine ukwingila mu calici, njiswileni umwinshi.” Nalikele panshi palya kabili naletontokanya.

⁴³⁵ Naumfwile umuntu umo aleisa; alyendele, kabili atile, “Uli shani? Nalakweba,” atile, “ulefwaya ukwingila mu calici?”

Natile, “Ee, mukwai.”

Atile, “Ninkwata imfungulo.”

⁴³⁶ Natendeke ukulongana. Umulungu uwa kubalilapo, takwali nangu cimo. Inshita ya bushiku ubwakubalilapo, nalikwete ulukuta, Munyina Wright kabili no lupwa lwakwe. Icintu cakubalilapo namwishiba, ku mpela ya mulungu, balifililwe no kubekalika mu lubansa, ntile. Nalyo line ulyo

Mwana wa mpanga taishile. Munyina Hall aishe pusushiwa muli ilya nshita, pastor kulya nomba, bonse fye. Nalifililwe ukusanga uko uyu mwana wa mpanga ali. Panuma ya kashita, ku lukuta lwakwa Kristu, kwisamba kulya lya lupili, ulyo mukashana umunono imyaka pabula ne myeshi cine konse konse tatalile ukwenda, alilambalele kulya. Ulya ali palya. Bonse imwe mwalishiba ilyashi. Ee, mukwai.

⁴³⁷ Ilya nshita ya cungulo ilyo Busty Rogers, umukalamba umukulu umushilika wa kale aiminine kulya...Nalyendele kunse kulya. Kabili palya lwaliminine ulukuta lwakwa Munyina Smith ku kunseka, ku kunsenteka, pa kubatisha mwi Shina lyakwa Yesu. Nalyendele ukwingila mu menshi ya matipa ya ku Totten ford, uko bakwete i... [Tapali kantu pa tepu—Ka]. . . aka mulonga kulya, kabili kalepoma fye na maka nge fyo ke ngacita. Ama dikoni abanono baishile pamo na ine.

⁴³⁸ Natile, “Ninjaminina pano muno cungulo mu kwimininako Amalemo ya Mushilo yakwa Lesa.” Natile, “Nalibelenga mu Baibele muno apo Petro atile, ‘Lapileni, cila umo muli imwe, no kubatishiwa mwi Shina lyakwa Yesu Kristu ku kulekelelwa kwa membu shenu.” Naishile pilibuka, no kupela Ibuku kuli umo muli ba dikoni.

⁴³⁹ Naingile mulya, kabili natile, “Uyo onse ulefwaya, uyo ulelapila pa lubembu lwakwe, alingile ukwisa.” Naingile mulya mu menshi. Natile, “Cilemoneka kuli ine ukutila ba Malaika na bekala ku kamusambo konse nomba, baleloleksha.” Owe, mwe! Pa nshita nabatishe nalimo babili atemwa batatu, ulukuta lwakwe lonse, balya banakashi ne ndeleshi shisuma isha kolokondwe, ukwingila muli yalya menshi, ukubilikisha pa mulu wa mashiwi yabo. Nalibatishe ulukuta lwakwe lonse mwi Shina lyakwa Yesu Kristu. Mwalishibe ci. Nalikwata icikope ca cena. Cilya cali palya.

⁴⁴⁰ Cali ni cinshi? Ukulundako ku bulumba bwenu. Mwamona? Cilekeni ceka. Lesa alishiba ifya kucicita. Lesa alishiba ifya kulenga ifi fintu ukufikilishiwa. Lekeni basose ifyo balefwaya ukusosa. Tacipanga ubupusano. Twalilileni fye.

⁴⁴¹ Busty Rogers ukwiminina palya, ilyo amwene cilya, atile, “Kanshi ni ncicetekela no mutima wandi onse.” Kabili mulya mu menshi alishile, ne fya kufwala fyakwe ifisuma, kabili alibatishiwe mwi Shina lyakwa Yesu Kristu.

⁴⁴² Nalimo imyaka itatu atemwa ine iya pitapo, balinjitile kulya lubali ku cipatala mu New Albany. Ulya ali palya, alefwa, ne mpwalonda, yali mulile fye. Ba shing’anga ba mupele mpako lucelo ulwakonkapo, ukuba no bumi. Batile, “Alefwa nomba.” Atile, “Isa fye ino ine nshita.”

⁴⁴³ Naile mulya mu cipinda, ilyo nacistile, ukwiminina mulya no kupepa. Atile, “Billy, kuliko umukola mfula uleshinguluka pa cifutu cilya.”

444 Kabili nalipilibwike, ku kulolesha. Natile, “Busty, cilya cipangano. Tawafwe. Icipangano ica Mulopa cilekupususha.”

445 Nabikile indupi shandi pali wene, natile, “Shikulu Lesa, ifyo cilye cimonwa kulya cilya cileshininkisha ukutila Muli muno. Icipangano cenu caba, ukutila, ‘Kufipumo Fyenu twaliposhiwa.’” Nabikile indupi shandi pali wene, kabili palya aishile pola. Balimutumine ku ng’anda.

446 Kabili nalimo imyaka ine atemwa isano, nalimo imyaka isano, ukuloba ku mulu na kwisamba lya mu mana na fyonse fye, ukulabomba. Kabili palya apo impwalonda yaikele pa mukolomine uwaya mu mala, wali koshiwe, paba ulufundo ulukalamba ulwa kosa. Ba shing’anga, bakalapashi aba ku cipatala, bali mwebele ukutila balikwete ukubombela kwa colbalt uko kwinga olola cilya, ukuleka icakulya icingi uukupita pa nshita. Alikwete inshita iya kalabana sana ukulya icakulya icingi, Alingile ukulya panono panono. Aile kulya ukuti ba mucitile cilya. Nshaishibe ukuti ali kulya.

447 Elyo lintu ba mutumbwile, nasangile ukutila camutwele mu musamfu, kabili akwete ukupumwa. Ulubali lwakwe lumo lwafwile icitu filya fine. Kabili icintu fye cimo alecita cali fye ukulalila citika. Kabili abulile icilembelo, nga *filya*, no kulaya, “uh, uh, uh.” Kabili alyeshe ukulemba, ukulatutuma filya fine, no kuboko kwakwe ukusuma. Ulubali lwakwe ulwa ku kuso, ulwa pumwa. Kabili aleensha ukuboko kwakwe, “Yesu alapususha, 1900 kabili na fimo.” Balifililwe ukucumfwa.

448 E ico nomba ilyo umukashi wakwe asosele, “Munyina Branham, nshinshibe ico alepilibula kuli cilya.”

449 Natile, “Mrs. Rogers, ifyo alepilibula, cali 1900 kabili na fimo, ilyo apusushiwe no kubatishiwa mwi Shina lyakwa Yesu kulya lubali. Kabili cilya e cilebomba nomba. Tali na mwenso ku kufwa.”

450 Natile, “Shikulu Lesa, lekeni ubumi bwakwe bubepo. Ndelombe ci, mwi Shina lyakwa Yesu, ukutila Mwalasuminisha ubumi bwakwe ukubapo.” Nabikile ndupi shandi pali wene. Ukupumwa kwalifumine pali wene. Umusamfu walilekele. Kabili aishile ima mu busanshi. Kabili aleenda nomba, ukupelo bunte.

451 Lundeniko ku citetekelo cenu, ubulumba; lundeniko ku bulumba bwenu, ukwishiba; ku kwishiba kwenu, ukuiteka; ku kuiteka kwenu, ukushipikisha; ukushipikisha kwenu, bulesa; kuli bulesa bwenu, ukutemwa aba bwananyina; ku kutemwa aba bwananyina, Umupashi wa Mushilo, kabili Kristu ali no kwisa. Pantu, pesamba fye Lyakwe. . . Umupashi wa Mushilo e Mupashi wakwa Yesu Kristu mukati ka Lukuta, ku kulangisha ayo amaka. Owe, mwe!

Umfweni ci, kota pasiti twelufu.

Nalitemwa . . . Nali Mutemwa
Pantu intanshi Ali ntemenwe,

Ukuya fye mukati *umu*, ilyo takulaba icintu icili conse.

Kabili uku shi- . . . (Cinshi ico Acitile kanshi?)
. . . ipusukilo lyandi
Pa cimuti ca Kalbale.

Cinshi nabela *ifi?* Pantu Ali ntemenwe, intanshi.

Nali Mutemwa, nali Mutemwa
Pantu intanshi Ali ntemenwe . . . (Ulya palya e
mulandu wine.)
No kushite pusukilo lyandi
Pa Kalbale.

⁴⁵² Ndelaya, muno lucelo, kuli Wene, no mutima wandi onse, ukutila, ukupitila ku bwafwilisho Bwakwe kabili ku kusenamina Kwakwe, ndepepa ukutila na kulamufwaya cila bushiku, ukwabulo kuleka, mpaka nkompwe cimo cimo ica ifi ifilefwaikwa ukwenda muli aka ka mushinku akanono akandi, mpaka kuti naba umwa kumonekela Kristu uwa mweo. Pantu, Aishileba ulubembu nga ine, pakutila ningesaba . . . ukubo bulungami bwakwa Lesa, nga Wene. “Asendele icifulo candi; Shikulu, lekeni nsende icifulo Cakwe nomba.” Pantu, ulya e mulandu wine Afwililepo. Nibanga abali no kulaya icintu cimo cine, ku kusenamina kwa kwa Lesa? [Ulukuta lwatila, “Ameni.”—Ka.] Ne mitwe yesu iya kontamikwa nomba, kabili na maboko yesu pa mulu. “Ine . . .”

⁴⁵³ Ndelaya cena, Shikulu, luno lukuta lulelaya cena, “Umushinku utuntulu wakwa Yesu Kristu!”

Pantu intanshi Ali ntemenwe
No kushite pusukilo lyandi
Pa Kalbale.



Umushinku Wa Muntu Uwa Pwililika, Vol. 6 No. 11
(*The Stature Of A Perfect Man*, Vol. 2 No. 18R)

Iyi Mbila ukufuma kuli Munyina William Marrion Branham, yabalilepo ukuletwa mu cingeleshi pa Mulungu ulucelo, Okotoba 14, 1962, pa Branham Tabernacle mu Jeffersonville, Indiana, U.S.A., yalyambulwa ukufuma pali magenetiki tepu uwakopwa elyo no kupilibwila kwa mu Cibemba kwalembelwe mu 2000 na ba Voice Of God Recordings.

VOICE OF GOD RECORDINGS

P.O. Box 950, Jeffersonville, Indiana 47131 U.S.A.

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org